# 十三经过疏(标点本)

+=

孝经注疏

李学勤 主编

北京大学出版



# 十三经注

疏

(标点本)



# 孝经注疏

[唐]李隆基 注 [宋]邢 昺 疏 邓洪波 整理 钱 逊 审定

北京大学出版社

#### 图书在版编目(CIP)数据

十三经注疏/《十三经注疏》整理委员会整理:-北京:北京大学出版社,1999.12

ISBN 7-301-02623-4

I.十… Ⅱ.十… Ⅲ.经学-注释 Ⅳ.Z126.1

中国版本图书馆 CIP 数据核字(1999)第 7436 号

书 名: 十三经注疏·孝经注疏

著作责任者:(十三经注疏)整理委员会 整理

李学勤 主编

责任编辑:马辛民

标准书号: ISBN 7-301-02623-4/Z·0056

出 版 者:北京大学出版社

地 址:北京市海淀区中关村北京大学校内 100871

网 址: http://cbs.pku.edu.cn/cbs.htm

电 话: 出版部 62752015 发行部 62754140 编辑室 62752025

电子信箱: zpup@pup.pku.edu.cn

印 刷 者:北京大学印刷厂

发 行 者:北京大学出版社(简体字本限中国大陆发行)

经 销 者:新华书店

850×1168 毫米 32 开本 3.25 印张 94 千字 1999 年 12 月第一版 1999 年 12 月第一次印刷

定 价:本册 5.00 元 全套 495.00 元

# 《十三经注疏》整理委员会

总策划 卢光明 龚抗云

审定工作委员会(按姓氏笔画排序)

玉文锦 吕绍纲 刘家和 杨向奎 张岂之

钱 逊 郭锡良

整理工作委员会

主编 李学勤

副主编 龚抗云 卢光明

整理人员(按姓氏笔画排序)

于振波 邓洪波 卢光明 刘佑平 朱汉民

李 申 李传书 李学勤 肖永明 陈 明

陈咏明 赵伯雄 胡渐逵 胡 遂 夏先培

浦卫忠 龚抗云 彭 林 廖名春

责任总校对

刘 青 黄 晓 易 莉 王 佳 宋宇红

校 对(按姓氏笔画排序)

刘 波 刘英曼 汤新燕 李小琼 李启梅

李智勇 吴旭平 邹晓珊 宋建勋 陈建兵

欧阳慧 罗文绞 罗 蓓 钟小艳 徐 敏

宾 娥 喻华中

电脑制作(按姓氏笔画排序)

田赛男 何国荣 张喜辉 张惠云 吴玉华

院金芝 龚迪光

责任编辑 马辛民

出版总监 彭松建

FUS/12

中国传统的图书目录,例分经史子集四部,以经部居首,而十三经为其冠冕。晚清以来大家可读的《书目答问》,开端为经部"正经正注",第一部书就是《十三经注疏》,并特别标明:"此为诵读定本,程试功令,说经根柢",足见其地位的重要。由于(十三经注疏)本身的价值,以及其在历史上所有的巨大影响,这部书迄今仍是研究中国传统文化不可或缺的典籍。

十三经的产生形成,有着非常长远的源流历程。(诗)、(书)等经的渊源,可以追溯到上古。周代尚文,当时教育已包括(诗)、(书)、(礼)、(乐)。如(国语·楚语)记载,春秋中叶楚庄王定太子傅,大夫申叔时回答王问,提到"教之春秋"、"教之诗"、"教之礼"、"教之乐"、"教之训典"等等,即涵有(诗)、(书)、(礼)、(乐)及(春秋)等方面的内容。春秋晚年,孔子立私学,以(诗)、(书)、(礼)、(乐)教弟子,经的体系进一步奠定。

史籍传述孔子曾修纂六经,对此学者颇有争论,但六经之称在战国时确已存在。(庄子·天远篇)载:"孔子谓老聃曰:丘治(诗)、(书)、(礼)、(乐)、(易)、(春秋)六经",语属寓言,很多人不相信。不久前湖北荆门郭店楚墓出土竹简(六德),篇中说:"观诸(诗)、(书),则亦在矣;观诸(礼)、(乐),则亦在矣;观诸(易)、(春秋),则亦在矣",所讲六经次第与(庄子)全同,证明战国中叶实有这种说法。参看(荀子·劝学篇)所论:"学恶乎始?恶乎终?曰:其数则始乎诵经,终乎读礼",不难知道经在社会教育中具有明显的作用。

(汉书·艺文志)称周表而(乐)亡,后来应劭、沈约等则将(乐经)之亡归罪于暴秦。无论怎样,汉代只有五经立于学官。到唐代,《礼)有(周礼)、《仪礼》、《礼记》、《春秋》有(左传》、《公羊》、《谷梁》,这样是十二经;宋明又增加(孟子》,于是定型为十三经。宋代曾经有人主张把(大戴礼记)也收进来,合为十四经,但没有得到公认。

(十三经注疏)的注绝大多数是汉晋古注,而且一般说都是现在我们能看到的最早的完整注本, 疏也皆成于唐宋, 因此特殊宝贵。不过在科举八股时代, 《注疏》实际没有得到普遍的重视。明代永乐时修成以宋元理学家言为本的《五经大全》, 试士经义全用宋元人注, 便是所谓明监本五经, 《易》用朱子《本义》, 《书》用蔡沈《集传》, 《诗》用朱子《集传》, 《春秋》用胡安国传, 《礼记》用陈浩《集说》, 以致多数文人对《注疏》束而不观, 甚至在个别人引用《注疏》时群起惊讶。直到清代汉学之风兴起, 《十三经注疏》才为学者

专门强调。

清代刊行的(十三经注疏)有乾隆四年(公元 1739 年)武英殿刻附(考证)本,曾有覆刻,但广泛流行、共称善本的,是嘉庆二十一年(公元 1816年)由阮元主持的南昌学堂重刊宋本(十三经注疏)附(校勘记),通称阮本。(书目答问)赞之为"最于学者有益"。现在许多人使用的中华书局 1980 年版(注疏),就是将世界书局缩印的阮本重加补正影印的。

阮元是乾嘉汉学的重要人物,江藩的(汉学师承记)即以他殿尾。阮本《十三经注疏》的出版,不妨视为汉学发展到顶峰的一种标志。阮本的优长尤在于所附的(校勘记),对(注疏)的使用增加了很多便利。当然,《注疏》的校勘问题,本属深入的研究,不是(校勘记)所能完竣,所以在阮本之后,又有不少学者殚心竭力,取得好多成果。例如清末著名学者孙诒让,以阮本《十三经注疏》为底本,反复校读,历数十年,所作札记辑为《十三经注疏校记》一书,于1983年印行。其他各家类似的工作还有许多,都对十三经和《注疏》的研究有所贡献。把这些成果汇集起来,无疑会使《注疏》更为有用。

这里提供给读者的(十三经注疏)整理本,仍以阮本为基础,而在注记中博采众说,择善而从,在校勘上突过前人。同时施加现代标点,改用横排,这样做虽有若干障碍困难,却使这部十分重要的典籍更易为各方面读者接受。对于编纂整理本各位先生的辛勤劳力,我们应当表示深切感谢。另外,《十三经注疏》整理本还将以繁简两种字体分别印行,适应不同需要的读者,组织和出版者考虑的周到详密,也是值得称道的。我觉得,《十三经注疏》的这一整理标点本,非常适于爱好研究中国历史文化的读者阅览,更适合学校在数学工作中使用。

经学在中国学术文化中占据中心位置的时代早已过去了。清代已有学者提出"六经皆吏",可是经在中国学术史上的重大影响作用是永远不可抹杀的,完全"夷经为吏",也非正确。研究中国传统学术文化,必须历吏地看待经和经学。我愿在这里重述复旦大学周予同先生 1961 年在《经、经学、经学史》文中所说:"'经学'退出了历史舞台,但'经学史'的研究却急待开展。"相信《十三经注疏》整理标点本的出版,将推动经学史以及整个中国学术史研究在新世纪的进步。

李学勤 1999 年 12 月 29 日 于清华国

# 整理说明

《十三经注疏》四百十六卷,系汇编儒家的十三部经典和 汉至宋代经学家对经的注疏而成。

儒家十三经是中国古代封建社会的"圣经",中华民族传统文化的主体和核心。它们主导和影响了中华民族文化的发展达数千年之久,中国传统的哲学、文学、教育、伦理等一切学术思想以及政治、经济、文化活动和社会风尚,无不以之为圭臬。经学是中国封建社会的"国学",统治者奉它们为治国安邦的法宝,士大夫以通经致用为自己的终身抱负,平民百姓也以它们为修身行事的彝训。

考其源流,儒家十三经之确立,经历了一个长期的历史过程。战国时即有"四经"、"六经"之名。其中六经之说,始见于《庄子·天运》:"孔子谓老聃曰:丘治《诗》、《书》、《礼》、《乐》、《易》、《春秋》六经,自以为久矣。"章学诚认为庄子为子夏门人,故称"六经之名,起于孔门弟子"。庄子是否出于子夏,尚无确证。而荀子则确为子夏门人,《荀子·劝学》"学恶乎始,恶乎终? 曰其数始于诵经,终乎读礼",此则可证战国时儒家已自称其典籍为经。后《乐》亡佚,至汉时,称《诗》、《书》、《易》、《礼》、《春秋》为五经,汉武帝"独尊儒术",为传授这五部经典而设五经博士,由此儒家思想成为中国封建社会的正统思想,五经成为儒家最基本的典籍。自东汉起,经目不断递增,并将辅翼五经的传、记,记载孔、孟言行的《论语》、《孝经》等并立为经,所谓"取先圣之微言,与群经羽翼,皆称为经"。于是有东汉七经之说,在原五经基础上,增加《论语》、《孝经》。至唐代

开元间,以科举取士,在"明经"科中,分三《礼》、三《传》,合《易》、《诗》、《书》为九经。唐文宗开成年间,又立十二经刻石,九经外,增《论语》、《尔雅》、《孝经》。至南宋绍熙年间,将《孟子》列入经部,遂有十三经之称。

自西汉武帝"罢黜百家,独尊儒术",立五经博士起,治经、尊经即成为一种社会风尚,经学大盛,遂成为中国封建文化的正宗,凌驾于史学、文学、艺术等等其他一切学术之上,自汉至宋,解经、注经、笺经之作者层出不穷,著述浩如烟海。其中,汉·郑玄、何休、孔安国、赵歧,魏·何晏、王弼,晋·杜预、范宁、郭璞,唐·孔颖达、徐彦、杨士勋、李隆基,宋·刑昺等,他们对诸经之注疏,或以训诂见重,或以义理为优,或以其详实,或以其精练,从而高出于他们的同侪一筹,他们对各部经典的注疏,亦成为了不可或替的经典之作。

南宋以前,经与注、疏各单行。南渡之后,始有合刻本。其中南宋岳珂《九经三传沿革例》所载建本附释音注疏本,世称"宋十行本",为最古之版本。其版由元人明,递有修补。明嘉靖中,又据之重刻,称闽本;万历中,又有明监本,用闽监本,到实城中毛晋汲古阁又用明监本重刻,号毛本。清乾隆时有武英殿本。由于辗转翻刻,校勘疏略,误谬相沿,致使各经交文和注疏皆舛讹甚多,字迹也漫漶难辨。清嘉庆二十一年,阮元乃据宋十行本十一经及《仪礼》、《尔雅》二经的北宋单疏本重刊。又作《十三经注疏校勘记》,以唐石经、宋经注本校、定疏十行本,又以宋注疏十行本校明刻诸种注疏本,并以经济、以唐石经、宋经注疏》作文绍等所校本为蓝本,详列诸本异同,定其是非,附于各各卷之下,以正明刻诸本之讹。阮刻本为《十三经注疏》作了一次较为全面系统的正本清源的工作,有功于经学甚大矣,故号为善本,流传颇广。自后,另有《四部丛刊》、《四部备要》等刻

本,但皆不及阮刻本。1979年中华书局据原世界书局缩印本 阮刻《十三经注疏》进行了影印,并曾与清江西书局重修阮本 及点石斋石印本核对,改正文字讹脱及剪贴错误三百余处。

此次点校整理,即以中华书局影印阮元刻本为底本。整理内容主要包括四个方面:

#### 一、标点

根据现行新的标点符号用法,并结合古籍整理标点的通例,对全书进行统一规范的标点。

#### 二、文字处理

全书采用简体横排。以国务院文字改革委员会颁布的《简化字总表》、《第一批异体字整理表》为根据,以《辞海》和《汉语大字典》等权威辞书为标准,对《十三经注疏》中的全部繁体字和异体字进行简化和规范化。同时又根据中国古籍和文字的特点,尤其是《十三经注疏》的具体情况,参照有关的规定和通例,对其中可能导致歧异和引起混淆的文字,进行仔细的甄别和严格的处理。

#### 三、校勘和吸收研究成果

全面吸收阮元《十三经注疏校勘记》和孙诒让《十三经注疏校记》的校勘成果。对阮元《校勘记》中已有明确是非判断者,据之对底本正文进行改正;对其无明确是非判断者,出校记两存。孙诒让《十三经注疏校记》系专门针对阮元《十三经注疏校勘记》而作的一种补充和再校勘。对孙著中有明确是非判断者,据之对底本正文进行改正,或对阮校进行纠谬;对其无明确是非判断者,出校记两存。在尽量保存底本原貌的基础上,择善而成,并力求全面反映各种版本的差异。对底本与各校本有歧异,但文意两通的,只出校记说明;对于因文字出入而可能导致所证事实完全不相符合或性质形成较大差异

的,原则上略作考证以决定取舍。另外,还择要吸收了古今学术界有关十三经及其注疏的校勘、辩证、考异、正误等方面的成果,并摘要以按语的形式录入页下。

《十三经注疏》是中国古代经典中影响最大而又难度极大的古籍,其涉及的内容极为广泛,参与本书整理和审订工作的专家学者及编校人员达数十人。他们兢兢业业,辛勤劳动,数年如一日,为此书的问世,倾注了自己的心血,作出了贡献。

十三经的经文有过多种整理本,但其注疏却从未进行过系统、全面的整理,本次整理旨在填补学术界这一空白。相信它的整理出版将对中国传统文化的研究极有裨益。但由于整理的难度极大,参加人数众多,而如此浩繁的工程,虽历时三年多,时间仍显仓促,书中存在错误也是难免的,敬希广大读者和专家批评指正,以便今后修订再版。

《十三经注疏》整理工作委员会

# 凡 例

A CONTRACTOR OF THE PERSON NAMED IN CONT

- 一、本书是《周易正义》、《尚书正义》、《毛诗正义》、《周礼注疏》、《仪礼注疏》、《礼记正义》、《春秋左传正义》、《春秋公羊传注疏》、《春秋榖梁传注疏》、《论语注疏》、《孝经注疏》、《尔雅注疏》、《孟子注疏》儒家十三经及其注疏的横排简体字版校注汇刊本。
- 二、本书以 1979 年中华书局影印清嘉庆二十一年阮元校刻《十三经注疏》(简称阮刻)为底本。
- 三、此次整理工作包括标点、文字处理、校勘和吸收研究成果等。

四、阮刻本原有附录一律收入。

五、标点

- 1. 根据现行新的标点符号用法,并结合古籍整理标点的通例,对全书进行统一规范的标点。但全书不使用破折号、省略号、着重号、专名号,正文中也不使用间隔号。
- 2.《十三经注疏》中引用各种典籍极多,所以书名号的使用很广泛,本次整理对书名号的用法进行了统一:
- ①并列书(篇)名之间加顿号,如"周礼丧祝甸祝男巫司巫",应标为"《周礼·丧祝》、《甸祝》、《男巫》、《司巫》"。

如遇几种典籍书、篇名混合并立,如"周礼丧祝甸祝仪礼士冠士昏礼檀弓月令",应标为"《周礼·丧祝》(甸祝》、《仪礼·士冠》(士昏》、《礼·檀弓》(月令》)。不同书名之间加顿号,同书异篇之间不加顿号。

②篇名的书号使用力求统一和规范,尤其是十三经各自

的篇名,如引用《周易》的卦辞、爻辞、彖、象等,其卦、爻等皆应作为篇名,分别标为:《乾》、《乾·九二》、《乾·九二·彖》、《乾·九二·录》、《乾·九二·录》、《乾·九二·录》等。引乾、坤二卦之文言,标为《乾·文言》或《坤·文言》。但只列卦名而未引用其文,卦名不加书号。各卦名在其本篇内(如乾卦在《乾传》、坤卦在《坤传》)原则上不加书号。

《周礼》是一部记载周代官职的书,引用《周礼》时,各官职名皆作为篇名;如非引用其文,而仅是述说该职官及其职能时,该职官不作为篇名。

- ③凡行文中出现的一般泛指性的"经"、"注"、"疏"、"传"、 "笺"、"正义"等词,皆不加书号。其特指的各经各篇,也只予 其本来篇名加上书号,经、传、注、疏、笺、正义等皆不进书号 内,以免繁琐。
- 3.《十三经注疏》含经、注、疏等多个层次的内容,应多使用引号,以清眉目,凡注文中引用经文原文或疏文中引用经、注文原文,皆使用引号。凡经、注、疏文中引用其他典籍之文,皆使用引号。

#### 六、文字处理

- 1. 汉字简化以国家文字委员会发布的《文字使用规范条例》、《简化字总表》、《第一批异体字整理表》为基准,以《辞海》和《汉语大字典》为依据。《辞海》和《汉语大字典》不协调处,根据书证内容确定。
  - 2. 文字的处理,大致遵循以下原则:
- ①繁体字能简化的,即《辞海》标为某的繁体或某几的繁体的文字,《汉语大字典》列有简化字或确定为可以类推简化的文字,均尽量简化。
- ②古体字、不规范字和明显的版刻混用字(如日、曰,己、已、已,汨、汨,睢、睢,戊、戍、戍等)、版刻误字,一律改为规范

简化字。

- ③通假字一般保持原样不变。
- ④异体字一般改为规范简化字,但在某些人名、地名、书名、职官、封号、徽号等专用名词和一些约定俗成的词组中,仍保留原样。
- ⑤凡系阮刻本避清帝名讳之字改回本字。注、疏原文中 作者避其当朝帝王名讳之字不回改,但出校勘记说明。
- ⑥凡经文中被解释或被音注的异体或古体字,在同一卷中一律保留。《尔雅注疏》经文中的异体或古体字,一律保留 不改。
- ⑦凡出现前后文中繁体与简体或正体与异体或古体与今体字并列的现象,应将有关的繁体、异体、古体字在该段落中保留。
- ⑧凡特定词组中的某些字,因简化后极易引起误解,该字不简化。如三《礼》中所谓"二王後"或"二王之後"乃指古代新朝建立后前两朝王族受封的后裔,非"王后"之谓,所以"後"字不简化。

#### 七、校勘

- 1. 此次整理,原则上以全面吸收清·阮元《十三经注疏校勘记》(简称"阮校")和清·孙诒让《十三经注疏校记》(简称"孙校")的成果为主。凡阮校或孙校已有明确是非判断者,依据之对底本正文进行改正;无明确是非判断者,出校记说明,对于因文字出入而可能导致所证事实完全不相符合或性质形成较大差异的,整理者略作考证以决定取舍。
- 2. 所有校勘均置于相应的页下。校勘记的序号置于被校勘的字、词或句的末一字右上角,校记行文中也只录该被校勘的字、词、句,不录整句原文或前后无关的文字。

- 3. 校勘一般不照抄原文,按统一格式对阮、孙二校的原文作适当改写,力求简明扼要,并在校勘行文中分别标明"阮校"、"孙校"。
- 4. 凡阮校或孙校未作是非判断,仅引用他人或他书的按语,校勘行文中则不标"阮校"或"孙校",而直接标明为某人或某书的观点。
- 5. 阮校的重点在版本校勘,主要以唐石经、宋刊各经单注本、单疏本及宋至清各注疏合刻本汇校。孙校则不注重版本校勘,且仅于三《礼》校雠较多,其余各经较少。故校勘中凡仅涉及版本异同而未标明"阮校"、"孙校"者,均为吸收阮校的成果。
- 6. 凡整理者自己的校勘成果,均加"按"字。如同条有几个人或书的观点,则整理者的按语列在最后。如前面的按语中不可避免要出现"按"字,则标"今按"或"整理者按"字样,以示区别。

《十三经注疏》整理工作委员会

# 重刻宋板注疏总目录

周易正义十卷 魏王弼、韩康伯注,唐孔颖达等正义。 尚书正义二十卷 汉孔安国传,唐孔颖达等正义。 毛诗正义七十卷 汉毛公传,郑玄笺,唐孔颖达等正义。 周礼注疏四十二卷 汉郑玄注,唐贾公彦疏。 仪礼注疏五十卷 汉郑玄注,唐贾公彦疏。 礼记正义六十三卷 汉郑玄注,唐孔颖达等正义。 春秋左传正义六十卷 晋杜预注,唐孔颖达等正义。 春秋公羊传注疏二十八卷 汉何休注,唐徐彦疏。 春秋榖梁传注疏二十卷 晋范宁注,唐杨士勋疏。 论语注疏二十卷 魏何晏等注,宋邢昺疏。 孝经注疏九卷 唐玄宗明皇帝御注,宋邢昺疏。 尔雅注疏十卷 晋郭璞注,宋邢昺疏。 孟子注疏十四卷 汉赵岐注,宋孙夷疏。

右〈十三经注疏〉共四百十六卷。谨案〈五代会要〉:后唐长兴三年,始依石经文字刻九经印板。经书之刻木板,实始于此。逮两宋刻本浸多,有宋十行本注疏者,即南宋岳珂〈九经三传沿革例〉所载建本附释音注疏也。其书刻于宋南渡之后,由元人明,递有修补,至明正德中,其板犹存。是以十行本为诸本最古之册。此后有闽板,乃明嘉靖中用十行本重刻者。有明监板,乃明万历中用闽本重刻者。有汲古阁毛氏板,乃明崇祯中用明监本重刻者。辗转翻刻,讹谬百出。明监板已毁,今各省书坊通行者,惟有汲古阁毛本。此本漫漶不可识读,近人修补更多讹舛。元家所藏十行宋本有十一经,虽无〈仪礼〉、

〈尔雅〉,但有苏州北宋所刻之单疏板本,为贾公彦、邢昺之原 书,此二经更在十行本之前。元旧作《十三经注疏校勘记》,虽 不专主十行本、单疏本,而大端实在此二本。嘉庆二十年,元 至江西,武宁卢氏宣旬读余(校勘记)而有慕于宋本,南昌给事 中黄氏中杰亦苦毛板之朽,因以元所藏十一经至南昌学堂重 刻之,且借校苏州黄氏丕烈所藏单疏二经重刻之,近盐巡道胡 氏稷亦从吴中购得十一经,其中有可补元藏本中所残缺者,于 是宋本注疏可以复行于世,岂独江西学中所私哉! 刻书者最 患以臆见改古书,今重刻宋板,凡有明知宋板之误字,亦不使 轻改,但加圈于误字之旁,而别据《校勘记》,择其说附载于每 卷之末, 俾后之学者不疑于古籍之不可据, 慎之至也。其经 文、注文有与明本不同,恐后人习读明本而反臆疑宋本之误, 故卢氏亦引校勘记载于卷后,慎之至也。窃谓士人读书,当从 经学始,经学当从注疏始。空疏之士,高明之徒,读注疏不终 卷而思卧者,是不能潜心研索,终身不知有圣贤诸儒经传之学 矣。至于注疏诸义,亦有是有非。我朝经学最盛,诸儒论之甚 详,是又在好学深思、实事求是之士,由注疏而推求寻览之也。 二十一年秋,刻板初成,藏其板于南昌学,使士林书坊皆可就 而印之。学中因书成,请序于元。元谓圣贤之经,如日月经 天,江河行地,安敢以小言冠兹卷首,惟记刻书始末于目录之 后,复敬录《钦定四库全书》十三经注疏各《提要》于各注疏之 前, 俾束身修行之士, 知我大清儒学远铁前代, 由此潜心敦品、 博学笃行,以求古圣贤经传之本源,不为虚浮孤陋两途所误云 尔。

太子少保光禄大夫江西巡抚兼提督扬州阮元谨记

# 重刊宋本十三经注疏后记

嘉庆二十有一年秋八月,南昌学堂重刊宋本《十三经注 疏》,成卷四百十六,并附录《校勘记》,为书万一千八百一十 叶。距始事于二十年仲春,历时十有九月,盖官于斯土与生是 邦者合其心力而为之者也,稷窃心慰焉。曩岁癸酉,稷承乏江 宁盐法道,适浙闽制府桐城方公维甸予告在籍,相与过从,讲 求政事之余,究研经义。时以各注疏本异同得失,参差互见, 近日坊间重刻汲古阁毛氏本,舛误滋多。计欲重刊之,而稷调 任江西,厥议遂寝。越明年甲戌,宫保阮公元来抚江右,稷向 读其所著《十三经注疏校勘记》,心知其所藏宋本之善,欲请观 之。而莅政之初,公事旁午。逾岁初春,始获所愿。稷昔欲重 刊而志未逮者,又怦然动矣。武宁贡生卢宣旬,宫保门下士, 于稷夙有文字契,至是来谒,属董厥事,以宋本召工剞劂。而 一时贤士大夫乐与观成者,咸鼓舞而赞襄之。于官则有今江 南苏松督粮道、前九江府知府方体,今江西督粮道、前广信府 知府王赓言,今南昌府知府张敦仁,暨南昌县知县陈煦、新建 县知县郑祖琛,署鄱阳县知县、候补知州周澍,浮梁县知县刘 丙,广丰县知县阿应麟,会昌县知县、候补知州曾晖春,二品荫 生仪征阮常生。于绅则有给事中黄中杰,御史卢浙,编修黄中。 模,员外黄中栻,检讨罗允叔,举人余成教,贡生赵仪吉、袁泰 开、李桢,或输廉以助,或分经以校,续残补阙,证是存疑,而宫 保于退食余闲,详加勘定,且令庋其版于学中,俾四方读者皆 可就而印之,诚西江之盛事,而宫保嘉惠士林之至意也! 宫保 既记其刻书始末于序目之后,稷亦喜夙愿之既副,为记其重刊

日月与校刊诸名氏于全书之末云。

江西盐法道分巡瑞袁临等处地方庐江胡稷谨记

# 重校宋本十三经注疏跋

宫保阮制军前抚江右时,出所藏宋十行本以嘉惠士林。 嘉庆丙子仲春开雕,阅十有九月,至丁丑仲秋板成,为卷四百 一十有六,为叶一万一千八百有奇。董其事者,武宁明经卢君 来庵也。嗣宫保升任两广制军,来庵以创始者乐于观成,板甫 就,急思印本呈制军,以慰其遗泽西江之意。局中襄事者未及 细校,故书一出,颇有淮风别雨之讹,览者憾之。后来庵游幕 湘南,以板移置府学明伦堂,远近购书者皆就印焉。时余司其 事,披览所及,心知有舛误处,而自揣见闻寡陋,藏书不富,未 敢轻为改易。今夏制军自粤邮书,以倪君模所校本一册寄示, 适奉新余君成教亦以所校本寄省。倪君所校计共九十三条, 余君所校计共三十八条,予因合二君所校之本,详加勘对,亲 为检查,督工逐条更正,是书益增美备。于此想见宫保尊经教 士之心,历十余年而不倦,隔数千里而不忘,而宇内好古之士 旁搜博采,相与正讹纠缪,岂非经学昌明之盛事哉!倘四方君 子更有考订所及补目前所未备者,随其所得,邮寄省垣,俾得 汇梓更正,亦皆有补于后学云。

道光丙戌岁仲冬月南昌府学教授盱江朱华临谨识

# 钦定四库全书总目孝经正义三卷

唐玄宗明皇帝御注,宋邢昺疏。案《唐会要》:"开元十年 六月,上注《孝经》,颁天下及国子学。天宝二年五月上重注, 亦颁天下。"《旧唐书·经籍志》:"《孝经》一卷,玄宗注。"《唐书· 艺文志》:"今上《孝经制旨》一卷",注曰:"玄宗。"其称"制旨" 者,犹梁武帝《中庸义》之称制旨,实一书也。赵明诚《金石录》 载明皇注〈孝经〉四卷。陈振孙〈书录解题〉亦称家有此刻,为 四大轴。盖天宝四载九月以御注刻石于太学,谓之石台《孝 经》,今尚在西安府学中。为碑凡四,故拓本称四卷耳。玄宗 《御制序》末称:"一章之中,凡有数句;一句之内,义有兼明。 具载则文繁,略之则义阙。今存于疏,用广发挥。"《唐书·元行 冲传》称:"玄宗自注《孝经》,诏行冲为《疏》,立于学官。"《唐会 要》又载天宝五载诏:"《孝经书疏》虽粗发明,未能该备,今更 敷畅,以广阙文,令集贤院写颁中外。"是注凡再修,《疏》亦再 修。其《疏》,《唐志》作二卷,《宋志》则作三卷,殆续增一卷欤? 宋咸平中邢昺所修之《疏》,即据行冲书为蓝本。然孰为旧文, 孰为新说,今已不可辨别矣。

《孝经》有今文古文二本,今文称郑玄注,其说传自荀昶,而《郑志》不载其名。古文称孔安国注,其书出自刘炫,而《隋书》已言其伪。至唐开元七年三月,诏令群儒质定。右庶子刘知幾主古文,立十二验以驳郑。国子祭酒司马贞主今文,摘《闺门章》文句凡鄙,《庶人章》割裂旧文,妄加"子曰"字,及注中"脱衣就功"诸语以驳孔。其文具载《唐会要》中。厥后今文行而古文废。元熊禾作《董鼎孝经大义序》,遂谓贞去《闺门》

一章,卒启玄宗无礼无度之祸。明孙本作《孝经辨疑》,并谓唐 宫闱不肃,贞削《闺门》一章,乃为国讳。夫削《闺门》一章,遂 启幸蜀之衅,使当时行用古文,果无天宝之乱乎? 唐宫闱不肃 诚有之,至于(闺门章)二十四字,则绝与武、韦不相涉,指为避 讳,不知所避何讳也? 况知幾与贞两议并上,《会要》载当时之 诏,乃郑依旧行用,孔注传习者稀,亦存继绝之典。是未因知 幾而废郑,亦未因贞而废孔。迨时阅三年,乃有御注太学刻 石,署名者三十六人,贞不预列。御注既行,孔、郑两家遂并 废,亦未闻贞更建议废孔也。禾等徒以朱子《刊误》偶用古文, 遂以不用古文为大罪,又不能知唐时典故,徒闻《中兴书目》有 议者排毁、古文遂废之语,遂沿其误说,愦愦然归罪于贞,不知 以注而论,则孔佚郑亦佚。孔佚罪贞,郑佚又罪谁乎?以经而 论,则郑存孔亦存,古文并未因贞一议亡也,贞又何罪焉? 今 详考源流,明今文之立自玄宗此注始,玄宗此注之立,自宋诏 邢昺等修此(疏)始。众说喧呶,皆揣摩影响之谈,置之不论不 议可矣。

# 孝经注疏序

《孝经》者,百行之宗,五教之要。自昔孔子述作,垂范将来,奥旨微言,已备解乎《注疏》。尚以辞高旨远,后学难尽讨论。今特翦截元疏,旁引诸书,分义错经,会合归趣,一依讲说,次第解释,号之为讲义也。

翰林侍讲学士朝请大夫守国子祭酒上柱国赐紫金鱼袋臣 邢昺等奉敕校定注疏 成都府学主乡贡傅注奉右撰

夫《孝经》者,孔子之所述作也。述作之旨者,昔圣人蕴大 圣德,生不偶时,适值周室衰微,王纲失坠,君臣僭乱,礼乐崩 颓。居上位者赏罚不行,居下位者褒贬无作。孔子遂乃定礼、 乐,删《诗》、《书》,赞《易》道,以明道德仁义之源;修《春秋》,以 正君臣父子之法。又虑虽知其法,未知其行,遂说《孝经》一十 八章,以明君臣父子之行所寄<sup>©</sup>。知其法者修其行,知其行者 谨其法。故《孝经纬》曰:"孔子云:'欲观我褒贬诸侯之志,在 《春秋》;崇人伦之行,在《孝经》。'"是知《孝经》虽居六籍之外, 乃与《春秋》为表矣。先儒或云"夫子为曾参所说",此未尽其 指归也。盖曾子在七十弟子中,孝行最著,孔子乃假立曾子为 请益问答之人,以广明孝道。既说之后,乃属与曾子。洎遭暴 秦焚书,并为煨烬。汉膺天命,复阐微言。《孝经》河间颜芝所 藏,因始传之于世。自西汉及魏,历晋、宋、齐、梁,注解之者迨 及百家。至有唐之初,虽备存秘府,而简编多有残缺,传行者 唯孔安国、郑康成两家之注,并有梁博士皇侃《义疏》、播于国 序。然辞多纰缪,理昧精研。至唐玄宗朝,乃诏群儒学官,俾 其集议。是以刘子玄辨<sup>②</sup>郑注有十谬七惑,司马坚斥孔注多鄙 俚不经。其余诸家注解,皆荣华其言,妄生穿凿。明皇遂于先 儒注中,采摭菁英,芟去烦乱,撮其义理允当者,用为注解。至 天宝二年注成,颁行天下,仍自八分御札<sup>3</sup>,勒于石碑,即今京 兆石台《孝经》是也。

① "寄",嘉善浦镗(正误)云:"寄"当"冀"字误。阮校:"案'寄'字不误。浦镗'所寄'属下读,因疑'寄'为误字。浦镗书不尽足据,此类是也。"

② "辨",闽、监、毛本作"辩"。阮校:"案张参《五经文字》云:'辩,理也;辨,别也。' 经典或通用之。"

③ "礼"原作"扎",按阮校:"闽、监、毛本'扎'作'礼',是也。"据改。

# 孝经正义

翰林侍讲学士朝请大夫守国子祭酒 上柱国赐紫金鱼袋臣邢昺等奉敕校定

御制序并注 【疏】正义曰:〈孝经〉者,孔子为曾参陈孝道也。汉初,长孙 氏、博士江翁、少府后仓<sup>①</sup>、谏大夫翼奉、安昌侯张禹传之,各自名家。经文皆同,唯 孔氏壁中古文为异。至刘炫遂以(古孝经·庶人章)分为二,《曾子敢问章)分为三, 又多(闺门)一章,凡二十二章。桓谭(新论)云:"(古孝经)于八百七十二字<sup>②</sup>,今异 者四百余字。孝者,事亲之名;经者,常行之典。"按(汉书·艺文志)云:"夫孝,天之 经,地之义,民之行也。举大者言,故曰〈孝经〉。"又按〈礼记·祭统〉云:"孝者,畜 也, 畜养也。"(释名)云:"孝,好也。"(周书):"谥法至顺曰孝<sup>③</sup>。"总而言之,道常在 心,尽其色养,中情悦好,承顺无怠之义也。《尔雅》曰:"善父母为孝。"皇侃曰:"经 者,常也,法也。此经为教,任重道远,虽复时移代革,金石可消,而孝为 事亲常 行,存世不灭,是其常也。为百代规模,人生所资,是其法也。"言孝之为教,使可常 而法之。(易)有上经、下经,(老子)有道经、德经。孝为百行之本,故名曰(孝经)。 经之创制,孔子所撰也。前贤以为曾参虽有至孝之性,未达孝德之本,偶于闲居, 因得侍坐,参起问于夫子,夫子随而答,参是以集录,因名为〈孝经〉。寻绎再三,将 未为得也,何者? 夫子刊缉 節 前史而修〈春秋〉,犹云笔则笔,削则削,四科十哲,莫 敢措辞。按〈钩命决〉云:"孔子曰:'吾志在〈春秋〉,行在〈孝经〉。'"斯则修〈春秋〉、 撰〈孝经〉,孔子之志、行也。何为重其志而自笔削,轻其行而假他人者乎? 按刘炫 (述义),其略曰:"炫谓孔子自作(孝经),本非曾参请业而对也。士有百行,以孝为

① "仓",毛本作"苍"。阮校:"案〈汉书·艺文志〉作'仓',〈儒林传〉作'苍'。"

② "古孝经千八百七十二字",阮校:"案宋本《古文孝经》后记数云'经凡一千八百 一十言',日本信阳太宰纯所校(伪古文孝经孔传)后记数云'通计经一千八百 六十一字'。"

③ "至順曰孝",阮校:"案浦镗云'《谥法解》无此文'。"

④ "孝为"原作"为孝",按阮校:"〈正误〉作'孝为',是也。"据乙。

⑤ "缉",毛本作"辑"。

本。本立而后道行,道行而后业就,故曰:明王之以孝治天下也。然则治世之要, 孰能非<sup>①</sup> 乎? 徒以教化之道,因时立称,经典之目,随事表名,至使威仪礼节之余 盛传当代,孝悌德行之本隐而不彰。夫子运偶陵迟,礼乐崩坏,名教将绝,特感圣 心,因弟子有请问之道,师儒有教诲之义,故假曾子之言以为对扬之体,乃非曾子 实有问也。若疑而始问,答以申辞,则曾子应每章一问,仲尼应每问一答。按经、 夫子先自言之,非参请也;诸章以次演之,非待问<sup>②</sup>也。且辞义血脉文连旨环,而 开宗题其端绪,徐音广而成之,非一问一答之势也。理有所极,方始发问,又非请 业请答之事。首章言先王有至德要道,则下章云此之谓要道也,非至德,其孰能顺 民,皆遥结道本<sup>③</sup>,答曾子也。举此为例,凡有数科,必其主为曾子言,首章答曾子 已了,何由不待曾子问,更自述而修 之?且三起曾参侍坐与之别 5,二者是问也, 一者叹之也。故<sup>⑤</sup> 假言乘闲曾子坐也,与之论孝。开宗明义上陈天子,下陈庶人, 语尽无更端,于曾子未有谐,故假参叹孝之大,又说以孝为理之功。说之以<sup>①</sup>终,欲 言其圣道莫大于孝,又假参问,乃说圣人之德不加于孝。在前论敬顺之道,未有规 谏之事,殷勤在悦色,不可顿说犯颜,故须更借曾子言陈谏诤之义。此皆孔子须参 问,非参须问孔子也。庄周之斥鷃笑鹏,罔两问影;屈原之渔父鼓枻,大卜拂龟;马 卿之乌有无是:杨<sup>33</sup>雄之翰林子墨,宁非师祖制作以为楷模者乎?若依郑注实居讲 堂,则广延生徒,侍坐非一,夫子岂凌人侮众,独与参言邪?且云汝知之乎,何必官 汝曾子,而参先避席乎?必其遍告诸生,又有对者,当参不让侪辈而独答乎? 假传 独与参言, 言毕, 参自集录, 岂宜称师字者乎?由斯言之, 经教发极<sup>②</sup>, 夫子所撰

① "非",〈正误〉作"外"。

② "问"字原无,按阮校:"《正误》'待'下有'问'字,是也。"据补。

③ "道本",《正误》作"首章"。

④ "修",〈正误〉作"明"。

⑤ "三起曾参侍坐与之别",《正误》"三"作"首","别"作"言"。

⑥ "故", 《正误》作"盖"。

⑦ "以",(正误)作"已"。阮校:"案'巳'、'以'古多通用。"

⑧ "杨",毛本作"扬"。阮校:"案(广韵)'扬'字注不言姓,'杨'字注云:'姓,出弘农、天水二望,本自周宣王子尚父,幽王邑诸杨,号曰杨侯,后并于晋,因为氏。'(汉书·杨雄本传)云'其先食采于杨,因氏焉',又云'杨在河汾之间'。应劭曰:'(左传)霍、杨、韩、魏皆姬姓也。杨,今河东杨县,即杨侯国。'(正误)云'监本误杨',非也。"

⑨ "极", 《正误》作"抒"。

也。"而(汉书·艺文志)云·"(孝经)者,孔子为曾子陈孝道也。"谓其为曾子特说此 经,然则圣人之有述作,岂为一人而已! 斯皆误本其文,致兹乖谬也。所以先儒注 解,多所未行。唯郑玄之(六艺论)曰:"孔子以六艺题目不同,指意殊别,恐道离 散,后世莫知根源,故作(孝经)以总会之。"其喜虽则不然,其意颇近之矣。然人室 之徒不一<sup>①</sup>,独假曾子为言,以参偏得孝名也。〈老子〉曰:"六亲不和有孝慈。"然则 孝慈之名,因不和而有,若万行俱备,称为人圣,则凡圣无不孝② 也。而家有三恶, 舜称大孝,龙逢 3 比干,忠名独彰,君不明也。孝以伯奇孝名 9 偏著,母不慈也。 曾子性虽至孝,盖有由而发矣。藜蒸不熟而出其妻,家法严也。耘瓜伤苗几殒其 命,明父少恩也。曾子孝名之大,其或由兹,固非参性迟朴,躬行匹夫之孝也。审 考经宫,详稽炫释,贵藏理于古而独得之于今者与。元氏虽同炫说,恐未尽善,今 以《艺文志》及郑氏所说为得。其作经年,先儒以为鲁哀公十四年西狩获麟而作 《春秋》、至十六年夏四月己丑孔子卒为证,则作在鲁哀公十四年后、十六年前。案 《钩命决》云:"孔子曰:'吾志在〈春秋〉,行在〈孝经〉。'"据先后言之,明〈孝经〉之文 同《春秋》作也。又《钩命决》云:"孔子曰:'《春秋》肩商,《孝经》属参。'"则《孝经》 之作在〈春秋〉后也。〇御者,按〈大戴礼·盛德篇〉云:"德法者,御民之本<sup>⑤</sup> 也,古 之御政以治天下者,冢宰之官以成道,司徒之官以成德,宗伯之官以成仁,司马之 官以成圣,司寇之官以成义,司空之官以成礼。故六官以为辔,司会均入以为钠, 故曰:御四马者执六辔,御天地与人与事者亦有六政。是故善御者,正身同辔,均 马力,齐马心,唯其所引而之,以取长道远行,可以之急疾,可以御天地与人事,此 四者,圣人之所乘也。是故天子御者,内史、太史 ⑤ 左右手也,六官亦六辔也。天 子三公合以执六官,均五政,齐五法,以御四者,故亦为其所引而之。以之道则国 治,以之德则国安,以之仁则国和,以之圣则国平,以之义则国成,以之礼则国定, 此御政之体<sup>①</sup> 也。"然则御者,治天下之名,若柔辔之御刚马也。《家语》亦有此文, 是以秦、汉以来,以御为至尊之称。又蔡邕《独断》曰:"御者,进也,凡衣服加于身,

① "一"字原无,按阮校:"'不'下脱'一'字。"据补。

② "孝",毛本误"尽"。

② "逢", 闽、监本作"逄"。

① "孝以伯奇孝名",后"孝"字原作"之",按阮校:"监、毛本'以'作'已',案当作'已'。〈正误〉云'之'当'孝'误,是也。"据改。

⑤ "本",《大戴礼》作"衔"。

⑤ "内史太史",今本《大戴礼》作"大史内史"。

② "体",闽、监、毛本作"礼"。此本作"体",与(大戴礼)合。

饮食人于口,妃妾接于寝,皆曰御。至于器物制作,亦皆以御言之。"故此云御也。 ○制者,裁剪述作之谓也。故《左传》曰:"子有美锦,不使人学制焉。"取此美名,故 人之文章述作,皆谓之制。以此序唐玄宗所撰,故云御制也。玄宗,唐弟六帝也, 讳隆基<sup>①</sup>、睿宗之子、以延和元年即位、时年三十三。在位四十五年,年七十八登 遐,谥曰明<sup>②</sup>孝皇帝,庙号玄宗。开元十年,制经序并注。序者,按《诗颂》云:"继序 思不忘。"〈毛传〉云:"序,绪也。"又〈释诂〉云:"叙,绪也。"是序与叙音义同。郭璞 云:"又为端绪。"然则此言序者,举一经之端绪耳。〇并注者,并,兼也;注,著也, 解释经指,使义理著明也。言非但制序,兼亦作注,故云并也。案今俗所行③《孝 经》,题曰郑氏注。近古皆谓康成。而魏晋 2 刘无有此说。晋穆帝永和十一年, 及孝武太元元年,再聚群臣,共论经义,有荀昶<sup>命</sup>者,撰集(孝经)诸说,始以郑氏为 宗。晋末以来<sup>⑥</sup>,多有异论。陆澄以为非玄所注,请不藏于秘省。王俭不依其请, 遂得见传。至魏、齐则立学官,著在<sup>②</sup> 律令。盖由虏俗无识,故致斯讹舛。然则经 非郑玄所注,其验有十二焉。据郑自序云"遭党强之事逃难注礼",至党锟事解,注 《古文尚书》、《毛诗》、《论语》,为袁谭所逼,来至元诚,乃注《周易》",都无注《孝经》 之文,其验一也。郑君<sup>③</sup> 卒后,其弟子追论师所注述及应对时人,谓之(郑志),其 言郑所注者,唯有《毛诗》、三《礼》、《尚书》、《周易》、都不言注《孝经》、其验二也。 又《郑志目录》记郑之所注五经之外,有《中候》、《书》传》、《七政论》、《乾象历》、

① "基"原作"著",按院校:"闽、毛本'著'作'基',不误。"据改。

② "明",阮校:"'明'字据毛本补。"

⑤ "行",《文苑英华》作"传"。

④ "魏晋"原作"晋魏",按阮校:"《文苑英华》、《唐会要》作'魏晋',是也。"据乙。

⑤ "昶",监、毛本作"杲",非。

⑥ "晋末以来",《文苑英华》、《唐会要》作"自齐梁已来"。

① "在"原作"作",按阮校:"(文苑英华)、(唐会要)'作'作'在',是也。"据改。

<sup>® &</sup>quot;注礼"二字原无,按阮校:"此下当依〈文苑英华〉、〈唐会要〉补'注礼'二字。"据 补。

⑤ "君"、〈唐会要〉作"玄"。

⑩ "书"原作"大",按阮校:"(文苑英华)、(唐会要)作'书传',是也。"据改。

《六艺论》、《毛诗谱》<sup>①</sup>、《答临硕难礼》、《驳许慎异义<sup>②</sup>》、《释废疾》、《发墨守》、《箴膏育<sup>③</sup>》、《答甄守然》等书,寸纸片言,莫不悉载,若有《孝经》之注,无容匿而不言,其验三也。郑之弟子分授<sup>④</sup>门徒,各述师<sup>⑤</sup>言,更相<sup>⑥</sup>问答,编录其语,谓之《郑记》,唯载《诗》、《书》<sup>①</sup>、《礼》、《易》、《论语》,其言不及《孝经》,其验四也。赵商作《郑玄<sup>⑥</sup> 碑铭》,具称其所注笺驳<sup>⑥</sup> 论,亦不言注《孝经》。晋中经薄<sup>⑥</sup>《周易》、《尚书》、《向书大传》、《毛诗》、《周礼》、《仪礼》、《礼记》、《论语》凡九书,皆云郑氏注,名玄;至于《孝经》,则称郑氏解,无"名玄"二字,其验五也。《春秋纬·演孔图》注云:康成注三《礼》、《诗》、《易》、《尚书》、《论语》,其《春秋》、《孝经》则有评论。宋均《诗诸<sup>⑥</sup>序》云"我先师北海郑司农",则均是玄之传业弟子,师有注述,无容不知,而云《春秋》、《孝经》唯有评论,非玄所注时<sup>⑥</sup>明,其验六也。又宋均《孝经非注》引郑《六艺论》叙《孝经》云"玄又为之注","司农论如是而均无闻焉,有义无辞,令予昏惑"。举郑之语而云无闻,其验七也。宋均《春秋纬注》云"为《春秋》、《孝经》略说",则非注之谓,所言又为之注者,泛辞耳,非事实。其叙《春秋》亦云"玄又为之注",宁可复责以实注《春秋》乎?其验八也。后汉史书存于代者,有谢承、薛

① "谱"原作"谓",按阮校:"闽、监、毛本'谓'作'谱',是也。"据改。

② "驳许慎异义","驳"字原无,"义"原作"议",按阮校:"(文苑英华)、(唐会要)'许'上有'驳'字、'议'作'义',是也。"据补、改。

③ "肓"原作"盲",按阮校:"监、毛本'盲'作'肓',是也。"据改。

④ "分授",《文苑英华》、《唐会要》同,闽、监、毛本作"分撜",误也。

⑤ "师"原作"所",按阮校:"《文苑英华》、《唐会要》'所'作'师',是也。"据改。

⑥ "更相"原作"更为",按阮校:"(文苑英华)、(唐会要)作'更相',是也。"据改。

⑦ "诗书"二字原无,按阮校:"《文苑英华》、《唐会要》'载'下有'诗书'二字,是也。"据补。

⑥ "玄"、〈文苑英华〉、〈唐会要〉作"先生"。

⑨ "称其所注笺驳"原作"载诸所注笺验",按阮校:"《文苑英华》、《唐会要》'载'作'称','诸'作'其','验'作'驳',是也。"据改。

⑩ "薄",《文苑英华》、《唐会要》作"簿"。

⑩ "尚书"二字、〈文苑英华〉、〈唐会要〉并重。

<sup>&</sup>quot;宋均诗谱",《文苑英华》"均"后有"于"字,"谱"作"纬"。《唐会要》亦有"于"字。

② "玄所注时",监、毛本"时"作"特"、(文苑英华)亦作"特","所"前有"之"字。 (唐会要)"注"作"著"。

莹、司马彪、袁山松等,其<sup>①</sup> 所注皆无〈孝经〉;唯范氏书有〈孝经〉<sup>②</sup>,其验九也。王肃〈孝经传〉首有司马宣王<sup>③</sup> 奉诏令诸儒注述〈孝经〉,以肃说为长。若先有郑注,亦应言及,而<sup>⑥</sup> 不言郑,其验十也。王肃注书,好发<sup>⑤</sup> 郑短,凡有小失,皆在〈圣证〉,若〈孝经〉此注亦出郑氏,被肃攻击,最应烦多,而肃无言<sup>⑥</sup>,其验十一也。魏晋朝贤辩论时事<sup>⑤</sup>,郑氏诸注无不撮引,未有一言〈孝经注〉者<sup>⑥</sup>,其验十二也。凡<sup>⑤</sup> 此证验,易为讨核,而代之学者不觉其非,乘彼<sup>⑥</sup> 谬说,竞相推举,诸解不立学官,此注独行于世<sup>⑥</sup>。观言语鄙陋,义理乖谬<sup>⑥</sup>,固不可示彼后来,传诸不朽。至〈古文孝经〉孔传本出孔氏壁中,语甚<sup>⑥</sup> 详正,无俟商榷,而旷代亡逸,不被<sup>⑥</sup> 流行。隋开

① "其"后、(文苑英华)、(唐会要)有"为郑玄传者载其"七字。

② "唯范氏书有孝经",监本"范"误"郑"。(文苑英华)、《唐会要》并无此七字。

③ "王"后、(文苑英华)、(唐会要)有"之奏云"三字。

④ "而"后、《文苑英华》有"都"字。

⑤ "好发",《文苑英华》、《唐会要》作"发扬"。

⑥ "而肃无言",阮校:按《礼记·郊特牲》正义引王肃难郑云:"《月令》'命民社',郑注云'社,后土也';《孝经》注云'社,后土也,句龙为后土'。郑既云社后土则句龙也,是郑自相违反。"然则王肃未尝无言也。《六艺论》序《孝经》云"玄又为之注",又《孝经序》云"念昔先人余暇述夫子之志而注《孝经》",则郑氏曹注此经。或成于后人之手未可知也。非之者始于陆澄而极于刘子玄。

② "辩论时事",监本"时"误"将";《文苑英华》作"论辨时事"。

⑧ "官孝经注者",《文苑英华》、《唐会要》无"者"字,"官"后有"引"字,"注"前有 "之"字。

⑨ "凡"原作"以",按阮校:"《文苑英华》、《唐会要》'以'作'凡',是也。"据改。

⑩ "彼"原作"后",按阮校:"〈文苑英华〉、〈唐会要〉'后'作'彼',是也。"据改。

⑪ "世"、《文苑英华》作"代"。

⑩ "观盲语鄙陋义理乖谬"、《文苑英华》"言"前有"夫"字、"谬"作"疏"、《唐会要》 脱下四字。

<sup>◎ &</sup>quot;甚",诸本误作"其",据浦镗⟨正误⟩改。

<sup>@ &</sup>quot;被",《文苑英华》、《唐会要》作"复"。

皇十四年,秘书学生王逸<sup>①</sup>于京市陈人处买得一本,送与著作<sup>②</sup> 王劭,以示河间刘炫,仍令校定。而此书更无兼本,难可依凭,炫辄以所见率意刊改,因著《古文孝经稽疑》一篇。故开元七年敕议之际,刘子玄等议,以为孔、郑二家云泥致隔,今纶旨焕发,校其短长,必谓行孔废郑,于义为允。国子博士司马贞议曰:"(今文孝经》是汉河间王所得颜芝本,至刘向以此<sup>③</sup> 参校古文,省除繁感,定此<sup>④</sup> 一十八章。其注,相承云是郑玄所作。而《郑志》及《目录》等不载,故往贤共疑焉。唯荀昶、范晔以为郑注,故就集解《孝经》,具载此<sup>⑤</sup> 注为优。且其注纵非郑玄,而义皆敷畅,将为得所,虽数处小有非稳,实亦未爽经言。其古文二十二章,元<sup>⑥</sup> 出孔壁。先是称崇古学,安作此传<sup>⑥</sup>,假称孔氏,辄穿凿改更,又伪作园门一章,刘炫诡随,妄亲严兄妻子臣妾繇百姓徒役也。是比妻子于徒役,文句凡鄙,不合经典。又分庶人章、从'故自天子已下'别为一章,仍加'子曰'二字。然故者连上<sup>⑥</sup> 之辞,既是章首、不合言故,是古人既没<sup>⑥</sup>,后人妄开此等数章,以应二十二之<sup>⑥</sup> 数。非但经久<sup>⑥</sup>

① "学生王逸",《文苑英华》"王"后有"孝"字,又注云:一本"生"作"士"。阮校: "案〈唐会要〉作'士'。"

② "著作"后、(唐会要)、(文苑英华)有"郎"字。

③ "此"后、《文苑英华》、《唐会要》有"本"字。

④ "此"后,《文苑英华》有"为"字。《唐会要》"此为"二字倒,误。

⑤ "具载此"后,《文苑英华》有"此注而其序以郑为主是先达博选以"十五字。《唐 会要》同,"序"后有"云"字。

⑥ ."元"原作"无",按阮校:"'无',《唐会要》、《文苑英华》并作'元'。"据改。

② "有"原作"尚未"二字,按阮校:"(文苑英华)、(唐会要)'尚未'作'有'字,是也。"据改。

⑧ "此传"原作"传学",按阮校:"〈文苑英华〉、〈唐会要〉作'此传',是也。"据改。

⑨ "矣"后,《文苑英华》、《唐会要》有"乎"字。

<sup>&</sup>quot;连上"原作"建下",按阮校:"'建下',闽、监、毛本作'建下',亦非。〈文苑英华〉、〈唐会要〉作'连上',是也。"据改。

⑩ "是古人既没", 《唐会要》、《文苑英华》并作"是古文既亡"。

⑩ "之"前,《文苑英华》、《唐会要》有"章"字。

⑥ "久",监、毛本作"文"。

真,抑亦传文浅伪。又注用天之道、分地之利<sup>①</sup>,其略曰:'脱之应功<sup>②</sup>,暴其肌体<sup>③</sup>,朝<sup>④</sup> 暮从事,露发徒足<sup>⑤</sup>,少而习之,其心安<sup>⑥</sup> 焉。'此语虽旁出诸子,而引之为注,何言之鄙俚乎?与郑氏所云分别五土,视其高下,高田宜黍稷,下田宜稻麦,优劣悬殊,曾何等级!今议者欲取近儒诡说<sup>⑥</sup> 而废郑注,理实未可,请准令式<sup>⑥</sup> (孝经)郑注,与孔传依旧俱行。"诏郑注仍旧行用,孔传亦存。是时苏宋文吏拘于流俗,不能发明古义,奏议排子玄,令诸儒对定,司马贞与学生都常等十人尽非子玄,卒从诸儒之说。至十年上自注(孝经),颁于天下,卒以十八年章为定。

# 孝 经 序

朕闻上古,其风朴略,【疏】"朕闻上古"至"德之本欤"。〇正义曰:自此以下至于序末,凡有五段明义,当段自解其指,于此不复繁文。今此初段,序孝之所起,及可以教人而为德本也。〇朕者,我也。古者尊卑皆称之,故帝舜命禹曰:"朕志先定。"禹曰:"朕德罔克。"皋陶曰:"朕言惠可底行。"又屈原亦云:"朕皇考曰伯庸。"是由古人质,故君臣共称。至秦始皇二十六年,始定为天子之称。闻者,目之不睹,耳之所传。曰"闻上古"者,经典所说不同,案(礼运)郑玄注云"中古未有釜甑",则谓神农为中古;若(易)历三古,则伏羲为上古,文王为中古,孔子为下古;若三王对五帝,则五帝亦为上古,故(七冠记)云"大古冠布",下云"三王共皮

① "又注用天之道分地之利",(文苑英华》作"至注用天之时因地之利"。(唐会要)"用"改"因"。

② "脱之应功"、《文苑英华》、《唐会要》及日本所刻伪《孝经》孔传并作"脱衣就功"。

③ "肌体", (伪孝经孔传)作"发肤"。

④ "朝", (伪孝经孔传)作"旦"。

⑤ "露发徒足",《伪孝经孔传》作"霑体涂足",《文苑英华》亦作"涂",《唐会要》作"跣足"。

⑥ "之其心安",(伪孝经孔传)"之"作"焉","安"作"体"。

② "说"后,《文苑英华》、《唐会要》有"残经缺传"四字。

⑧ "请准令式",《唐会要》作"望请准式"。

弁",则大古五帝时也,大古亦上古也。以其文各有所对,故上古、中古不同也。此 云上古者,亦谓五帝以上也。知者,以下云"及乎仁义既有",以《礼运》及《老子》言 之,仁义之盛在三王之世,则此上古自然当五帝以上也。云"其风朴略"者,风,教 也;朴,质也;略,疏也。言上古之君,贵尚道德,其于教化,则质朴疏略也。 虽因 心之孝已萌,而资敬之礼犹简。【疏】正义曰:因犹亲也,资犹取也。言 上古之人,有自然亲爱父母之心。如此之孝,虽已萌兆,而取其恭敬之礼节,犹尚 简少也。《周礼》"大司徒教六行,云孝、友、睦、姻、任、恤",注云"因<sup>①</sup> 亲于外亲", 是因得为亲也。《诗·大雅·皇矣》云:"惟此王季,因心则友。"《士章》云:"资于事父 以事君,而敬同。"此其所出之文也,故引以为序耳。及乎仁义既有,亲誉益 著。【疏】正义曰:"及乎"者,语之发端,连上逮下之辞也。"仁"者兼爱之名, "义"者裁非之谓。"仁义既有",谓三王时也。案《曲礼》云:"太上贵德。"郑注云: "大古帝皇<sup>②</sup>之世。"又《礼运》云:"大道之行也。"郑注云:"大道谓五帝时。"老子《德 经》云:"失道而后德,失德而后仁,失仁而后义。"是道德当三皇五帝时,则仁义当 三王之时可知也。慈爱之心曰亲,声美之称曰誉。谓三王之世,天下为家,各亲其 亲,各子其子,亲誉之遵,用益著见,故曰"亲誉益著"也。圣人知孝之可以教 人也,【疏】正义曰:圣人谓以孝治天下之明王也。孝为百行之本,至道之极,故 经文云:"圣人之德,又何以加于孝平?"故"因严以教敬,因亲以教爱"。 【疏】正义曰:引下经文以证义也。于是以顺移忠之道昭矣,立身扬 名之义彰矣。【疏】正义曰:经云:"君子之事亲孝,故忠可移于君。"又曰:"立 身行道,扬名于后世。" 盲人事兄能悌,以之事长则为顺;事亲能孝,移之事君则为 忠。然后立身扬名,传于后世也。昭、彰皆明也。子曰:"吾志在《春秋》, 行在《孝经》。" 【疏】正义曰:此〈钩命决〉文也。言褒贬诸侯善恶,志在于〈春 秋〉、人伦尊卑之行、在于〈孝经〉也。是知孝者德之本欤! 【疏】正义曰: (论语)云:"孝弟也者,其为仁之本欤?"今言"孝者德之本欤",欤者,叹美之辞,举 其大者而言,故但云孝;德则行之总名,故变仁言德也。

经曰:"昔者明王之以孝治天下也,不敢遗小国之臣,而况于公、侯、伯、子、男乎。"【疏】"经曰"至"形于四海"。 ○正义曰:此第二

① "因",浦镗云: 《周礼》作"姻"。

② "皇", 闽、监、毛本作"王"。 阮校: "案作'皇'与(曲礼)注合。"

稷,序己仰慕先世明王,欲以博爱广敬之道被四海也。 ○"经日"至"男乎"。○此(孝治章)文也,故言"经日"。言小国之臣尚不敢遗弃,何况于五等列爵之君乎。公、侯、伯、子、男,五等之爵也。《白虎通》曰:"公者通也,公正无私之意也。《春秋传》曰:王者之后称公。侯者候也,侯顺逆也。伯者长也,为一国之长也。子者字也,常行字爱于人也。男者任也,常任王事也。"《王制》云:"公、侯地"方百里,伯七十里,子、男五十里。"至于周公时,增地益广,加赐诸侯之地,公五百里,侯四百里,伯三百里,子二百里,男一百里。公为上等,侯、伯为中等,子、男为下等。言小国之臣,谓子、男之臣也。朕尝② 三复斯言,景行先哲。 【疏】正义曰:复犹覆也,斯,此也;景,明也;哲,智也。言每读经至此科,三度反覆重读,庶几法则。此有明行者,先世圣智之明王也。《论语》云"南容三复白圭",《诗》云"高山仰止,景行行止",是其类也。虽无德教加于百姓,【疏】正义曰:上逊辞也。庶几广爱形于四海。 【疏】正义曰:此上意思行教也。"庶几"犹幸望。既谦言无德教加于百姓,唯幸望以广敬博爱之道著见于四夷也。案经作"刑",刑,法也。今此作"形",则形犹见也。义得两通,无繁。改字。"四海"即四

嗟乎! 夫子没而微言绝,异端起而大义乖。 【疏】"嗟乎"至"枢要"也。 〇正义曰:此第三段,叹夫子没后,遭世陵迟,典籍散亡,传注路驳,所以擐其枢要,而自作注也。"嗟乎",上叹辞也。"夫子",孔子也。以尝为鲁大夫,故云夫子。案(史记)云:孔子生鲁国昌平鄅邑,鲁襄公二十二年生,年七十三,以鲁哀公十六年四月已丑卒,葬鲁城北泗上。"而微言绝"者,《艺文志》文。李奇曰:"隐徽不显之言也。"颜师古曰:"精微要妙之言耳。"言夫子没后,妙言咸绝,七十子既丧,而异端并起,大义悉乖。况泯绝于秦,得之者皆煨烬之末。【疏】正义曰:"泯",灭也。"秦"者,陇西谷名也,在雍州鸟鼠山之东北。昔皋陶之子伯翳,佐禹治水有功,舜命作虞,赐姓曰嬴。其末孙非子为周孝王养马于汧、渭之间,封为附庸,邑于秦谷。及非子之曾孙秦仲<sup>①</sup>,周宣王又命为大夫,仲之孙襄公讨西戎,救周。周室东迁,以岐丰之地赐之,始列为诸侯。春秋时称秦伯,至孝公子惠文君立,是为惠王。及庄襄王为秦质子于赵,见吕不韦姬,说而取之,生始

夷也,又经别释。

① "地",阮校:"按(王制)'地'作'田'。"

② "尝",石台本作"常"。

③ "繁",监、毛本作"烦"。

④ "秦仲",监本误"秦伯"。下"称秦为秦",监本作"称秦为秦",亦非。

皇。按<sup>①</sup>秦昭王四十八年正月生于邯郸,及生,名为政,姓赵氏。年十三,庄襄王 死,政代立为秦王。至二十六年,平定天下,号曰始皇帝。三十四年置酒咸阳宫, 博士齐人淳于越进曰:"臣闻殷周之王千余岁,封子弟,立"功臣,自为枝辅。今陛 下有海内, 而子弟为匹夫。卒有田常六卿之臣, 无辅拂, 何以辅政 哉!"丞相李斯 曰:"五帝不相复,三代不相袭。非其相反,时变异也。今陛下创大业,建万世之 功,固非愚儒之所知。臣请史官非秦记皆烧之,非博士官所职,天下敢有藏(诗)、 (书)百家语者,悉诣守尉杂烧之。"制曰:"可。"三十五年以为诸生诽谤,乃自除犯 禁者四百六十余人,皆坑之咸阳。是经籍之道灭绝于秦。(说文)云:"煨,盆火也。 烬,火余也。"言遭秦焚坑之后,典籍灭亡,虽仅有存者,皆火余之微末耳。若伏胜 〈尚书〉,颜贞(孝经)之类是也。滥觞于汉,传之者皆糟粕之余。 正义曰:案(家语):"孔子谓子路曰:夫江始于岷山,其源可以滥觞,及其至江津也, 不舫舟,不避风雨<sup>①</sup>,不可以涉。"王肃曰:"觞所以盛酒者,言其微也。"又《文选》郭 景纯《江赋》曰:"惟岷山之导江,初发源乎滥觞。"臣翰注云:"滥谓泛滥,小流貌。 觞,酒盏也。谓发源小如一盏。""汉"者,巴蜀之间地名也。二世元年,诸侯叛秦, 沛人共立刘季以为沛公。二年八月入秦,秦相赵高杀二世,立二世兄子子婴,冬十 月,为汉元年。子婴二年春正月,项羽尊楚怀王为义帝,羽自立为西楚霸王,更立 沛公为汉王,王巴、蜀、汉中四十一县,都南郑。五年,破项羽,斩之。六年二月,即 皇帝位于汜水之阳,遂取汉为天下号,若商、周然也。汉兴,改秦之政,大收篇籍。。 言从始皇焚烧之后,至汉氏尊学,初除挟书之律,有河间人颜贞出其父芝所藏,凡 一十八章,以相传授。言其至少,故云滥觞于汉也。其后复盛,则如江矣。〈释名〉 云:"酒滓曰糟,浮米曰粕。"既以滥觞况其少,因取糟粕比其微。言醇粹既丧,但余 此糟粕耳。故鲁史《春秋》,学开五传。【疏】正义曰:"故"者因上起下之 语。夫子约鲁史(春秋),学开五传者,谓名专己学,以相教授,分经作传,凡有五 家。开则分也。五传者,案〈汉书·艺文志〉云:〈左氏传〉三十卷,左丘明,鲁太史 也。《公羊传》十一卷,公羊子,齐人,名高,受经于子夏。《瀔梁传》十一卷,穀梁

<sup>· &</sup>quot;按", 阮校: "案(史记)'按'作'以'。"

② "立"字,(史记)无。

③ "辅政",《史记》作"相救"。

① "丽", 《正误》作"则", 属下读。

⑤ "籍"原作"藉",按院校:"闽、监、毛本'藉'作'籍',是也。"据改。

子,鲁人,名赤<sup>①</sup>,糜信云:与秦孝公同时;〈七<sup>②</sup> 录〉云:名俶,字元始;〈风俗通〉云: 子夏门人。《邹氏传》十一卷,《汉书》云:王吉善《邹氏春秋》。《夹氏传》十一卷,有 录无书。其邹、夹二义,邹氏无师,夹氏未有书,故不显于世,盖王莽时亡失耳。 《国风》、《雅》、《颂》,分为四诗,【疏】正义曰:〈诗〉有〈国风〉、〈小雅〉、 〈大雅〉、〈周颂〉、〈鲁颂〉、〈商颂〉,故曰〈国风〉、〈雅〉、〈颂〉。四诗者,〈毛诗〉、〈韩 诗》、〈齐诗〉、〈鲁诗〉也。〈毛诗〉自夫子授卜商,传至大毛公名亭(3),大毛公授毛苌, 赵人,为河间献王博士。先有子夏(诗传)一卷,苌各置其篇端,存其作者。至后汉 大司农郑玄为之笺,是曰《毛诗》。《韩诗》者,汉文帝时博士燕人韩婴所传,武帝时 与董仲舒论于上前,仲舒不能难。至晋无人传习,是曰(韩诗)。(齐诗)者,汉景帝 时博士涛河太傅辕固生所传,号〈齐诗〉,传夏侯始昌,昌授后苍辈,门人尤盛。后 汉陈元方亦传之,至西晋亡,是曰(齐诗)。(鲁诗)者,汉武帝时鲁人申公所述,以 经为训诂教之, 无传, 疑者则阙, 号为(鲁诗)。去圣逾远, 源流益别。 【疏】正义曰:逾,越也。百川之本曰源,水行曰流,增多曰益。言秦汉而下,上去孔 子圣越远。〈孝经〉本是一源,诸家增益,别为众流,谓其文不同也。 近观《孝 经》旧注, 踳驳尤甚。【疏】正义曰: 〈孝经〉今文称郑玄注, 古文称孔安国 注。先儒详之,皆非真实,而学者互相宗尚。踌,乖也。驳,错也。尤,过也。今言 观此二注,乖错过甚,故言踏驳尤甚也。至于迹相祖述,殆且百家。 【硫】正义曰:至于者,语更端之辞也。迹,踪迹也。祖,始也。因而明之曰述,言学 者踪迹相寻,以在前者为始,后人从而述修之,若仲尼祖述尧舜之为也。殆,近也。 言近且百家,目其多也。案其人,今文则有魏王肃、苏林、何晏、刘邵,吴韦昭、谢 万、徐整,晋袁宏、虞粲佑<sup>④</sup>,东晋杨泓、殷仲文、车胤、孙氏、庾氏、荀昶、孔光、何承 天、释慧琳、齐王玄载、明僧绍,及汉之长孙氏、江翁、翼奉、后苍、张禹、郑众、郑玄 所说,各擅为一家也。其梁皇侃撰《义疏》三卷,梁武帝作《讲疏》、贺玚、严植之、刘 贞、简、明山宾威有说,隋有巨鹿魏真克者亦为之训注。 其古文出自孔氏坏壁,本 是孔安国作,傅会巫蛊事,其本亡失;至隋王邵所得,以送刘炫;炫叙其得丧,述其 义疏议之。刘绰亦作(疏),与郑(义)俱行。又马融亦作(古文孝经传),而世不传。

① "穀梁子鲁人名赤","穀梁子"三字原无,"鲁人"、"名赤"互倒,按阮校:"'卷'下 当作'穀梁子鲁人名赤'。"据补、乙。

② "七"原作"十",按阮校:"'十'当作'七'。"据改。

③ "亨"原作"享",按阮校:"闽、监本'享'作'亨'。案当作'亨'。"据改。

① "佑",《正误》作"佐",从隋、唐《志》校。

此皆祖述名家者也。业擅专门,犹将十室。【疏】正义曰:上言"百家"者, 大略皆祖述而已。其于传守己业、专门命氏者,尚自将近十室。室则家也。《尔雅 ·释宫》云:"宫谓之室,室谓之宫,其内谓之家。"但与上"百家"变文耳,故言"十 室"。其十室之名,序不指摘,不可强言,盖后苍、张禹、郑玄、王肃之徒也。希升 堂者,必自开户牖。【疏】正义曰:希,望也。〈论语〉云:"子曰:'由也升堂 矣,未入于室'。"夫子言仲由升我堂矣,未入于室耳。今祖述〈孝经〉之人,望升夫 子之堂者,既不得其门而人,必自擅开门户窗牖矣。言其妄为穿凿也。攀逸驾 者,必骋殊轨辙。【疏】正义曰:攀,引也。逸驾,谓奔逸之车驾也。案(庄 子》:颜渊问于仲尼曰:"夫子步亦步,夫子趋亦趋,夫子驰亦驰,夫子奔逸绝尘,而 回膛若乎后耳<sup>①</sup>。"言夫子之道,神速不可及也。今祖述〈孝经〉之人,欲仰慕攀引夫 子奔逸之驾者,既不得直道而行,必驰骋于殊异之轨辙矣。言不知道之无从也。 两辙之间曰轨,车轮所轹曰辙。是以道隐小成,言隐浮伪。 曰:道者,圣人之大道也。隐,蔽也。小成,谓小道而有成德者也。言者,夫子之至 言也。浮伪,谓浮华诡辨也。言此穿凿驰骋之徒,唯行小道华辩<sup>②</sup>,致使大道至言 皆为隐蔽,其实则不可隐。故(庄子内篇·齐物论)云:"道恶乎隐而有真伪,言恶乎 隐而有是非。道恶乎往而不存,言恶乎存而不可。道隐于小成,言隐于荣华。"此 文与彼同,唯"荣华"作"浮<sup>⑤</sup>伪"耳,大意不异也。且传以通经为义;义以 必当为主。【疏】正义曰:且者,语辞。传者,注解之别名。博释经意,传示后 人,则谓之传。注者,蓄也。约文敷畅,使经义著明,则谓之注。作得自题,不为义 例。或曰:前汉以前名传,后汉以来名注。盖亦不然,何则?马融亦谓之传,知或 说非也。此言传注解释,则以通畅经指为义;义之裁断,则以必然当理为主也。 至当归一,精义无二。 [疏]正义曰:至极之当,必归于一。精妙之义,焉 有二三? 将言诸家不同,宜会合之也。安得不剪其繁芜,而撮其枢要 也? 【疏】正义曰:安,何也。诸家之说,既互有得失,何得不剪截繁多芜秽,而 撮取其枢机要道也?

① "耳", 《正误》作"矣"。

② "辩",闽、监、毛本作"辨"。

③ "浮"字原无,按阮校:"闽、监、毛本'作'下有'浮'字。案序文当有。"据改。

韦昭、王肃,先儒之领袖;虞翻、刘劭<sup>①</sup>,抑又次焉。 【疏】正 义曰:自此至"有补将来"为第四段,序作注之意。举六家异同,会五经旨趣。敷畅 经义,望益将来也。(吴志)曰:"韦曜字弘嗣,吴郡云阳人,本名昭,避晋文帝讳,改 名耀。仕<sup>②</sup> 吴至中书仆射侍中,领左国史,封高陵亭侯。"《魏志》曰:"王肃字子雍, 王朗之子。仕魏,历散骑黄门侍郎、散骑常侍兼太常。"(吴志):"虞翻字仲翔,会稽 徐姚人。汉末举茂才,曹公辟不就,仕吴,以儒学闻。为(老子)、(论<sup>②</sup>语)、(国语) 训注,传于世。"(魏志):"刘劭字孔才,广平邯郸人。任魏,历散骑常侍,赐爵关内 侯,著《人物志》百篇。"此指言韦、王所学,在先儒之中,如衣之有领袖也。虞、刘二 家亚次之。抑,语辞也。 刘炫明安国之本,陆澄讥康成之注。 正义曰:《隋书》云:"刘炫字光伯,河间景城人。炫左画方,右画圆,口诵目数,耳听 五事,并举无所遗失。仕后周,直门下省,竟不得官。县司责其赋役,炫自陈于内 诗》、〈尚书〉、〈公羊〉、〈左传〉、〈孝经〉、〈论语〉,孔、郑、王、何、服、杜等注,凡三十家, 虽义有精粗,并堪讲授。〈周易〉、〈仪礼〉、〈穀梁〉,用功颇少⑤;子史文集,嘉言美 事,咸诵于心;天文律历,穷核微妙;公私文翰,未尝举⑤ 手。'吏部竟不详试,除殿 内将军。仕隋,历太学博士,罢归河间,贼中饿死,谥宣德先生。初,炫既得王邵所 送古文孔安国注本,遂蓍(古文稽疑)以明之。"萧子显(齐书)曰:"陆澄字彦渊,吴 郡吴人也。少学博览,无不知。起家仕宋,至齐,历国子祭酒、光禄大夫。初,澄以 晋荀昶所学为非郑玄所注,请不藏秘省②。王俭违其议。"在理或当,何必求 【疏】正义曰:言但在注释之理允当,不必讥非其人也。求犹责也。 今故 人? 特举六家之异同,会五经之旨趣。 [疏]正义曰:六家即韦昭、王肃、虞 翻、刘邵、刘炫、陆澄也, 言举此六家, 而又会合诸经之旨趣耳。 约文敷畅, 义

① "刘劭"原作"刘邵",疏文引《魏志》作"刘绍",皆误,当作"刘劭",今正。

② "仕"原作"事",按阮校:"闽、监、毛本'事'作'仕',是也。"据改。

③ "论"原作"命",按阮校:"'命'当作'论'。"据改。

① "送"后,《隋书本传》有"诣"字。

⑤ "颇少", 《隋书》作"差少"。

⑥ "举",(隋书)作"假"。

⑦ "请不藏秘省"原作"请文藏秘书",按阮校:"《齐书》本传'文'作'不','书'作'省',是也。"据改。

则昭然。 [疏]正义曰:约,省也。敷,布也。畅,通也。言作注之体,直约省其文,不假繁多,能遍布通畅经义,使之昭明也。然,辞也。分注错经,理亦条贯。 [疏]正义曰:调分其注解,间错经文也。经注虽然分错,其理亦不相乱,而有条有贯也。(书)云:"若网在纲,有条而不紊。"(论语):"子曰:'参乎!吾道一以贯之。'"是条之理也。写之琬琰,庶有补于将来。 [疏]正义曰:案(考工记·玉人职)云:"琬圭九寸,而缫以象德。"注云:"琬犹圖也,王使之瑞节也。诸侯有德,王命赐之,使者执琬圭以致命焉。缫,藉也。"又云:"琰圭九寸,判规以除慝,以易行。"注云:"凡圭琰上寸半琰,圭琰半以上又半为缘饰。诸侯有为不义,使者征之,执以为瑞节也。除慝,诛恶逆也。易行,止繁苛。"今言以此所注(孝经)写之琬违、琰圭之上,若简策之为,庶几有所裨补于将来学者。或曰:谓刊石也,而言写之琬琰者,取其美名耳。

且夫子谈经,志取垂训。 【疏】正义曰:自此至序末为第五段,言夫子之经,言约意深,注繁文不能具载,仍作〈疏义〉以广其旨也。且夫子所谈之经,其志但取垂训后代而已。虽五孝之用则别,而百行之源不殊。 【疏】正义曰:五孝者,天子、诸侯、卿大夫、士、庶人五等所行之孝也。言此五孝之用,虽尊卑不同,而孝为百行之源,则其致一也。是以一章之中,凡有数句;一句之内,意有兼明。 【疏】正义曰:积句以成章,章者明也。总义包体,所以明情者也。句必联字而言,句者局也。联字分强<sup>①</sup>,所以局言者也。言夫子所修之经,志在殷勤垂训,所以一章之中,凡有数句;一句之内,意有兼明者也。若移忠移顺、博爱广敬之类皆是。具载则文繁,略之又义阙。 【疏】正义曰:言作注之体,意在约文敷畅,复恐太略,则大义或阙。今存于疏,用广发挥。【疏】正义曰:此言必须<sup>②</sup>作疏之义也。发,谓发越。挥,谓挥散。若其注文未备者,则具存于疏,用此义疏,以广大、发越、挥散夫子之经旨也。

① "强", 《正误》作"疆"。

② "须"原作"顺",按阮校:"浦镗云'顺'当'须'字误。是也。"据改。

# 孝经注疏校勘记序

〈孝经〉有古文,有今文。有郑注,有孔注。孔注今不传,近出于日本国者,诞妄不可据。要之孔注即存,不过如〈尚书〉之伪传,决非真也。郑注之伪,唐刘知幾辨之甚详,而其书久不存。近日本国又撰一本流入中国,此伪中之伪,尤不可据者。〈孝经注〉之列于学宫者,系唐玄宗御注,唐以前诸儒之说,因藉捃摭以仅存。而当时元行冲〈义疏〉经宋邢昺删改,亦尚未失其真。学者舍是固无繇窥〈孝经〉之门径也。惟其讹字实繁。元旧有校本,因更属钱塘监生严杰旁披各本,并〈文苑英华〉、〈唐会要〉诸书,或雠或校,务求其是。元复亲酌定之,为〈孝经校勘记〉三卷、《释文校勘记》一卷。

阮元撰 卢官旬敬录

# 引据各本目录

唐石台孝经四轴顾炎武(金石文字记)云:"石刻(孝经)今在西安府儒学前,第二行题曰'御制序并注及书',其下小字曰'皇大子臣亨奉敕题额'。后有天宝四载九月一日银青光禄大夫国子祭酒上柱国臣李齐古上表,及玄宗御批大字草书三十八字。其下有特进行尚书左仆射兼右相吏部尚书集贤院学士修国史上柱国晋国公臣林甫等四十五人,惟林甫以左仆射不书姓。经序注俱八分书,其额曰'大唐开元天宝圣文神武皇帝注孝经'。台中间人名下搀入'丁酉岁八月廿六日纪'九字,是后人所添。是岁乙酉非丁酉也。又末二行官衔不书臣亦可疑。"

唐石经孝经一卷

宋熙宁石刻孝经一卷是本张南轩所书,不分章,每行十一字,末题"熙

宁壬子八月壬寅书,付侄慥收。时寓□之废寺,居东齐。南轩题"。

南宋相台本孝经一卷宋岳珂刊。每半叶八行,行十七字。注文双行, 附音释。卷末有木刻亚形篆书"相台岳氏刻梓荆溪家塾"印。

正德本孝经注疏九卷是本刊于明正德六年。每半叶十行,行十七字。 注疏每格双行,行廿三字。经文下载注,不标注字,正义冠大疏字于上。每叶之末 上题篇识,皆元秦定间刊本旧式,错字甚多。今校正义无别本可据,记中所称此本 者,即据是刻而言。

**闽本孝经注疏九卷**明嘉靖闽中御史李元阳刻。分卷同正德本,每半叶九行,每章首行廿一字,余低一格,每行二十字。注同正义,双行,每行亦二十字。 详《春秋左传注疏校勘记》。

**重修监本孝经注疏九卷**明万历十四年刊。分卷同正德本,详**〈**春秋 左传注疏校勘记**〉**。

毛本孝经注疏九卷明崇祯己巳常熟汲古阁毛晋刊。分卷同正德本,详 〈春秋左传注疏校勘记〉。

# 录 目

钦定四库全书总目孝经正义	卷第五
三卷1	
孝经注疏序 2	圣治章第九 28
孝经正义 4	卷第六
孝经序 11	TE: 717 / \
孝经注疏校勘记序 19	纪孝行章第十 38
引据各本目录 19	五刑章第十一 40
卷第一	广要道章第十二 42
开宗明义章第一 1	卷第七
天子章第二 5	
卷第二	广至德章第十三 45
	广扬名章第十四 46
诸侯章第三 9	谏争章第十五······ 47
卿大夫章第四 11	
士章第五 14	卷第八
卷第三	应感章第十六 51
庶人章第六	
	事君章第十七 54
三才章第七19	· 卷第九
卷第四	' <b>प्र</b> ' अरु / ६
孝治章第八 23	丧亲章第十八 57

# 孝经注疏卷第一

### 开宗明义章第一

【疏】正义曰:开,张也。宗,本也。明,显也。义,理也。言此章开张一 经之宗本,显明五孝之义理,故曰(开宗明义章)也。第,次也。一,数之始也。 以此章总标、诸章以次结之、故为第一、冠诸章之首焉。案(孝经)遭秦坑焚之 后,为河间颜芝所藏,初除挟书之律,芝子贞始出之。长孙氏及江翁、后仓、翼 奉、张禹等所说皆十八章。 及鲁恭王坏孔子宅,得古文二十二章,孔安国作 传。刘向校经籍,比量二本,除其烦惑,以十八章为定,而不列名。又有荀昶 集其录及诸家疏,并无章名,而〈援神契〉自〈天子〉至〈庶人〉五章,唯皇侃标其 目而冠于章首。今郑注见章名,岂先有改除,近人追远而为之也? 御注依古 今集详议,儒官连状题其章名,重加商量,遂依所请。"章"者,明也,谓分析科 段,使理章明。《说文》曰:"乐歌竟为一章①,章字从音,从十。"谓从一至十, 十,数之终。诸书言章者,盖因(风)、(雅),凡有科段,皆谓之章焉。言天子、 庶人虽列贵贱,而立身行道,无限高卑。故次首章先陈天子,等差其贵贱以至 庶人、次及(三才)、(孝治)、(圣治)三章、并叙德教之所由生也。(纪孝行章) 叙孝子事亲为先,与五刑相因,即夫孝始于事亲也。《广要道章》、《广扬名章》 即先王有至德要道,扬名于后世也。扬名之上②,因谏争③之臣,从谏之君,必 有应感。三章相次,不离于扬名。《事君章》即中④ 于事君也。《丧亲章》继于 诸章之末,言孝子事亲之道纪⑤ 也。皇侃以〈开宗〉及〈纪孝行〉、〈丧亲〉等三 章通于贵贱。今案《谏争章》大夫已上皆有争臣,而士有争友,父有争子,亦该 贵贱。则通于贵贱者有四焉。

① "乐歌竟为一章",今本《说文》作"乐曲尽为竟"。

② "上",《正误》:"上"作"义"。

③ "争", 闽、监、毛本作"诤"。阮校:"案(玉篇)云:争, 谏也,或作诤。"

④ "中"原作"忠",按阮校:"'忠'当作'中'。"据改。

⑤ "纪", 《正误》: "纪"作"终"。

仲尼居, 仲尼, 孔子字。居, 谓闲居。曾子侍, 曾子, 孔子弟子。侍, 谓 侍坐。 【疏】"仲尼居,曾子侍"。 ○正义曰:夫子以六经设教,随事表名。虽道 由孝生,而孝纲未举,将欲开明其道,垂之来裔。以曾参之孝,先有重名,乃假因闲 居,为之陈说。自标已字,称"仲尼居";呼参为子,称"曾子侍"。建此两句,以起师 资问答之体,似若别有承受而记录之。 ○注"仲尼"至"闲居"。 ○正义曰:云 "仲尼,孔子字"者,案《家语》云:"孔子父叔梁纥,娶颜氏之女徽在。徽在既往庙 见,以夫年长,惧不时有男,而私祷尼丘山以祈焉。孔子故名丘,字仲尼。夫伯仲 者,长幼之次也。仲尼有兄字伯,故曰仲。"其名则案桓六年(左传):"申缗曰:名有 五,其三曰以类命为象。"杜注云:"若孔子首象尼丘,盖以孔子生而圩 $^{\circ}$  顶,象尼丘 山,故名丘,字仲尼。"而刘琮述张禹之义,以为仲者中也,尼者和也。言孔子有中 和之德,故曰仲尼。殷仲文又云:"夫子深敬孝道,故称表德之字。"及梁武帝又以 丘为聚<sup>②</sup>,以尼为和。今并不取。仲尼之先,殷之后也。案〈史记·殷本纪〉曰:"帝 喾之子契为尧司徒,有功,尧封之于商,赐姓子氏。契后世孙汤灭夏而为天子,至 汤裔孙有位无道。周武王杀之,封其庶兄微子启于宋。"案(家语)又(孔子世家)皆 云:"孔子其先宋人也。宋襄(3) 公有子弗父何,长而当立,让其弟厉公。何生宋父 周,周生世子胜,胜生正考父,正考父受命为宋卿,生孔父嘉。嘉别为公族,故其后 以孔为氏。"或以为用乙配子,或以滴溜穿石,其言不经,今不取也。孔父嘉生木金 父,木金父生皋夷父,皋夷父生防叔,避华氏之祸而奔鲁。防叔生伯夏,伯夏生叔 梁纥,纥生孔子也。云"居,谓闲居"者,《古文孝经》云"仲尼闲居",盖为乘闲居而 坐,与《论语》云"居!吾语汝"义同,而与下章"居则致其敬"不同。 〇注"曾子" 至"侍坐"。 ○正义曰:云"曾子,孔子弟子"者,案〈史记·仲尼弟子传〉称:"曾参、 南武城人,字子舆,少孔子四十六岁。孔子以为能通孝道,故授之业,作《孝经》,死 于鲁。"故知是仲尼弟子也。云"侍,谓侍坐"者,言侍孔子而坐也。案古文云"曾子 侍坐",故知侍谓侍坐也。卑者在尊侧曰侍,故经谓之侍。凡侍有坐有立,此曾子 侍即侍坐也。(曲礼)有侍坐于先生,侍坐于所尊,侍坐于君子。据此而言,明侍坐 于夫子也。

子曰:"先王有至德要道,以顺天下,民用和睦,上下无怨。

① "圩"原作"汙",按阮校:"(史记·孔子世家)作'圩',作'圩'是也。"据改。

② "聚"原作"娶",阮校:"监、毛本'娶'作'聚'。"按:依文意,作"聚"字为宜,据改。

③ "裏"原作"闵",按阮校:"《正误》'闵'作'襄',是也。"据改。

孝者,德之至、道之要也。言先代圣德之主,能顺天下人心,行此至要之化,则上下 E人.和睦无怨。汝<sup>①</sup> 知之乎?"曾子避<sup>②</sup> 席曰:"参不敏,何足以 知之?"参,曾子名也。礼:师有问,避席起答。敏,达也。言参不达,何足知此至 要之义? 子曰:"夫孝,德之本也,人之行莫大于孝,故为德本。教之所 由生也。言教从孝而生。复坐,吾语汝③。曾参起对,故使复坐。 "子曰"至"语汝"。 〇正义曰:"子"者,孔子自谓。案(公羊传)云:"子者,男子通 称也。"古者谓师为子,故夫子以子自称。"曰"者,辞也。言先代圣帝明王,皆行至 美之德、要约之道,以顺天下人心而教化之,天下之人,被服其教。 用此之故,并自 相和睦,上下尊卑,无相怨者。参,汝能知之乎?又假言参闻夫子之说,乃避所居 之席,起而对曰:参性不聪敏,何足以知先王至德要道之言义? 既叙曾子不知,夫 子又为释之曰:夫孝,德行之根本也。释"先王有至德要道"。谓至德要道,元出于 谓王教由孝而生也。孝道深广,非立可终,故使"复坐,吾语汝"也。 〇注"孝者" 至"无怨"。 〇正义曰:云"孝者,德之至,道之要也"者,依王肃义,德以孝而至, . 道以孝而要,是道德不离于孝。殷仲文曰:"穷理之至,以一管众为要⑤"刘炫曰: "性未达,何足知?"言<sup>⑥</sup> 性未达,何足知至要之义者,谓自云性不达,何足知此先王 至德要道之义也。 〇注"人之"至"德本"。 〇正义曰:此依郑注引其《圣治章》 文也,言孝行最大,故为德之本也。德则至德也。 〇注"言教从孝而生"。 〇 正义曰:此依韦注也。案《礼记·祭义》称曾子云:"众之本教曰孝。"《尚书》:"敬敷 五教。"解者谓教父以义,教母以慈,教兄以友,教弟以恭,教子以孝。举此,则其余 顺人之教皆可知也。 〇注"曾参"至"复坐"。 〇正义曰:此义已见于上。 身 体发肤,受之父母,不敢毁伤,孝之始也。父母全而生之,己当全而归

① "汝",正义本同,岳本、郑注本作"女"。

② "避",郑注本作"辟",假借字。

② "汝",岳本作"女"。

④ "由"字原无,按阮校:"《正误》'生'上补'由'字,是也。"据补。

⑤ "要",浦镗云:"下当脱'参曾至之义〇正义曰'九字。"阮校:"案下文'刘炫'疑 '正义'二字之讹。"

⑥ "言"原作"然",按阮校:"'然'当'言'字之讹。"据改。卢文弨校本"言"前补"此 依刘注也"五字。

之,故不敢毁伤。立身行道,扬名于后世,以显父母,孝之终也。言 能立身行此孝道,自然名扬后世,光显 $^{\odot}$  其亲,故行孝以不毁为先,扬名为后。 【疏】"身体"至"终也"。 〇正义曰:身谓躬也,体谓四支也,发谓毛发,肤谓皮肤。 (礼运)曰:"四体既正,肤革充盈。"(诗)曰:"鬓发如云。"此则身体发肤之谓也。言 为人子者,常须戒慎,战战兢兢,恐致毁伤,此行孝之始也。又言孝行非唯不毁而 已,须成立其身,使善名扬于后代,以光荣其父母,此孝行之终也。若行孝道,不至 扬名荣亲,则未得为立身也。 ()注"父母"至"毁伤"。 ()正义曰:云"父母全而 生之,己当全而归之"者,此依郑注引《祭义》乐正子春之言也。言子之初生,受全 体于父母,故当常自念虑,至死全而归之,若曾子"启手启足"之类是也。云"故不 敢毁伤"者,毁谓亏辱,伤谓损伤。故夫子云:"不亏其体,不辱其身,可谓全矣。"及 郑注《周礼》"禁杀戮"云"见血为伤"是也。 ○注"言能"至"为② 后"。 曰:云"能言立身行此孝道"者,谓人将立其身,先须行此孝道也。其行孝道之事, 则下文"始于事亲,中于事君"是也。云"自然名扬后世,光荣其亲"者,皇侃云:"若 生能行孝,没而扬名,则身有德誉,乃能光荣其父母也。"因引〈祭义〉曰:"孝也者、 国人称愿然,曰:幸哉!有子如此。"又引(哀公问)称孔子对曰:"君子也者,人之成 名也。百姓归之名,谓之君子之子。是使其亲为君子也。"此则扬名荣亲也。云 "故行孝以不毁为先"者,全其身为孝子之始也。云"扬名为后"者,谓后行孝道为 孝之终也。夫不敢毁伤,阖棺乃止,立身行道,弱冠须明经。虽言其始终,此略示 有先后,非谓不敢毁伤唯在于始,立身独在于终也。明不敢毁伤,立身行道,从始 至末,两行无怠。此于次有先后,非于事理有终始也。 夫 孝 始 于 事 亲 , 中 于 事君,终于立身。言行孝以事亲为始,事君为中。忠孝道著,乃能扬名荣亲, 故曰终于立身也。 【疏】"夫孝"至"立身"。 〇正义曰:夫为人子者,先能全身 而后能行其道也。夫行道者, 谓先能事亲而后能立其身。前言立身, 未③ 示其迹。 其迹,始者在于内事其亲也;中者在于出事其主;忠孝皆备,扬名荣亲,是终于立身 也 。 〇注"言行"至"身也"。 〇正义曰:云"言行孝以事亲为始,事君为中" 者,此释始于事亲,中于事君也。云"忠孝道著,乃能扬名荣亲,故曰终于立身也" 者,此释终于立身也。然能事亲事君,理兼士庶,则终于立身,此通贵贱焉。郑玄

① "显",石台本、岳本作"荣"。

② "为"原作"其",按阮校:"闽、监、毛本'其'作'为',案注当作'为'。"据改。

③ "未"原作"末",按阮校:"闽、监、毛本'末'作'未',是也。"据改。

③ "也"字原无,按阮校:"《正误》'身'下补'也'字,是也。"据补。

以为"父母生之,是事亲为始。四十强而仕,是事君为中。七十致仕,是立身为终也"者,刘炫驳云:"若以始为在家,终为致仕,则兆庶皆能有始,人君所以无终。若以年七十者始为孝终,不致仕者皆为不立,则中寿之辈尽曰不终,颜子之流亦无所立矣。"《大雅》云:'无<sup>①</sup> 念尔祖,聿修厥德。'"〈诗·大雅〉也。无念,念也。聿,述也。厥,其也。义取恒念先祖,述修其德。 【疏】"大雅"至"厥德"。 ①正义曰:夫子叙述立身行道扬名之义既毕,乃引〈大雅·文王〉之诗以结之。言凡为人子孙者,常念尔之先祖,常 迷修其功德也。 ①注"诗大"至"其德"。 ①正义曰:云"无念,念也","聿,述也",此并〈毛传〉文;"厥,其也",〈释言〉文。云"义取常念先祖,述修其德"者,此依孔传也。谓述修先祖之德而行之。此经有十一章引〈诗〉及〈书〉。刘炫云:"夫子叙经,申述先王之道。〈诗〉、〈书〉之语,事有当其义者,则引而证之,示言不虚发也。七章不引者,或事义相违,或文势自足,则不引也。五经唯〈传〉引〈诗〉、而〈礼〉则杂引,〈诗〉、〈书〉及〈易〉并意及则引。若泛指,则云'〈诗〉曰'、'〈诗〉云';若指四始之名,即云〈国风〉、〈大雅〉、〈小雅〉、〈鲁颂〉、〈商颂〉;若指篇名,即言'〈勺〉③ 曰'、'〈武〉曰':皆随所便而引之,无定例也。"郑注云:"雅者,正也。方始发章,以正为始。"亦无取焉。

# 天子章第二

【疏】正义曰:前〈开宗明义章〉虽通贵贱,其迹未著,故此已下至于〈庶人〉,凡有五章,谓之五孝,各说行孝奉亲之事而立教焉。天子至尊,故标居其首。案〈礼记·表记〉云:"惟天子受命于天,故曰天子。"〈白虎通〉云:"王者父天母地,故② 曰天子。虞夏以上,未有此名。殷周以来,始谓王者为天子也。"

子曰:"爱亲者,不敢恶于人。博爱也。敬亲者,不敢慢于人。广敬也。爱敬尽于事亲,而德教加于百姓,刑<sup>⑤</sup>于四海。刑, 法也。君行博爱广敬之道,使人皆不慢恶其亲,则德教加被天下,当为四夷之所法

① "无",郑注本作"毋",《左传》文二年赵成子引《诗》同此。

② "常",《正误》:"常"作"当"。

③ "勺"原作"句",按阮校:"闽本亦误'句',监、毛本作'勺',是也。"据改。

④ "故"原作"亦",按阮校:"《正误》'亦'作'故',是也。"据改。

⑤ "刑",郑注本作"形"。

则也。盖天子之孝也。盖,犹略也。孝道广大,此略言之。【疏】"子曰"至 "孝也"。 ○正义曰:此陈天子之孝也。所谓"爱亲"者,是天子身行爱敬也。"不 敢恶于人"、"不敢慢于人"者,是天子施化,使天下之人皆行爱敬,不敢慢恶于其亲 也。亲,谓其父母也。言天子岂唯因心内恕,克己复礼,自行爱敬而已,亦当设教 施令,使天下之人不慢恶于其父母。如此,则至德要道之教,加被天下。亦当使四 海蛮夷,慕化而法则之。此盖是天子之行孝也。(孝经·援神契)云:"天子孝曰就, 宫德被天下,泽及万物,始终成就,荣其祖考也。"五等之孝,惟于(天子章)称"子 曰"者,皇侃云:"上陈天子极尊,下列庶人极卑。尊卑既异,恐嫌为孝之理有别,故 以一'子曰'通冠五章,明尊卑贵贱有殊,而奉亲之道无二。" 〇注"博爱也"。 ○正义曰:此依魏注也。博,大也。言君爱亲,又施德教于人,使人皆爱其亲,不敢 有恶其父母者,是博爱也。 ○注"广敬也"。 ○正义曰:此依魏注也。广亦大 也。言君敬亲,又施德教于人,使人皆敬其亲,不敢有慢其父母者,是广敬也。孔 传以人为天下众人, 言君爱敬己亲, 则能推己及物。谓有天下者, 爱敬天下之人; 有一国者,爱敬一国之人也。不恶者,为君常思安人,为其兴利除害,则上下无怨, 是为至德也。不慢者,则《曲礼》曰"毋不敬"、《书》曰"为人上者,奈何不敬?"君能 不慢于人,修己以安百姓,则千万人悦,是为要道也。上施德教,人用和睦,则分崩 离析,无由而生也。案(礼记·祭义)称有虞氏贵德而尚齿,夏后氏贵爵而尚齿,殷 人贵富而尚齿,周人贵亲而尚齿。虞、夏、殷、周,天下之盛王也,未有遗年者,年之 贵乎!天下久矣,次乎事亲也,斯亦不敢慢于人也。所以于〈天子章〉明爱敬者,王 肃、韦昭云:天子居四海之上,为教训之主,为教易行,故寄易行者宣之。然爱之与 敬,解者众多。沈宏云 $^{\odot}$ :"亲至结心为爱,崇恪表迹为敬。"刘炫云:"爱恶俱在于 心,敬慢并见于貌。爱者隐惜而结于内,敬者严肃而形于外。"皇侃云:"爱敬各有 心迹,烝烝至惜,是为爱心。温凊 循摩,是为爱迹。肃肃惊栗 3,是为敬心。拜伏 擎跪,是为敬迹。"旧说云:"爱生于真,敬起自严。孝是真性,故先爱后敬也。"旧问 曰:"天子以爱敬为孝,及庶人以躬耕为孝,五 者并相通否?"梁王答云:"天子既 极爱敬,必须五等行之,然后乃成。庶人虽在躬耕,岂不爱敬,及不骄不溢已下事

① "沈宏云",浦镗云:按陆氏注解,传述人当"袁宏"之误。

② "凊"原作"清",按阮校:"闽、监、毛本作'凊',是也。"据改。

③ "栗",闽、监、毛本改"悚"。

① "五"原作"王",按阮校:"'王'宣作'五'。"据改。

那?"以此言之,五等之孝,反<sup>①</sup> 相通也。然诸侯言保社稷,大夫言守宗庙,士言保 其禄位而守其祭祀,以则言之,天子当云保其天下,庶人当言保其田农。此略之不 喜,何也?《左传》曰:"天子守在四夷。"故"爱敬尽于事亲"之下,而言"德教加于百 姓,刑于四海"。保守之理已定,不烦更言保也。庶人用天之道,分地之利,谨身节 用,保守田农,不离于此。既无守任,不假言<sup>②</sup> 保守也。 ○注"刑法"至"则也"。 〇正义曰:"刑,法也",《释诂》文。云"君行博爱广敬之道,使人皆不慢恶其亲" 者,是天子爱敬尽于事亲,又施德教,使天下之人皆不敢慢恶其亲也。云"则德教 加被于天下"者,释"刑于四海"也。百姓,谓天下之人皆有族姓;言百,举其多也。 (尚书)云"平章百姓",则谓百姓为百官,为下有"黎民"之文,所以百姓非兆庶也。 此经"德教加于百姓",则谓天下百姓,为与"刑于四海"相对。四海既是四夷,则此 百姓自然是天下兆庶也。经典通谓四夷为四海。案〈周礼〉、〈礼》记〉、〈尔雅〉皆 言东夷、西戎、南蛮、北狄谓之四夷,或云四海,故注以四夷释四海也。孙炎曰:"海 者,晦暗无知也。" 〇注"盖犹"至"略言之"。 〇正义曰:此依魏注也。案孔传 云:"盖者,辜较之辞。"刘炫云:"辜较犹梗概也。孝道既广,此才举其大略也。"刘 璥云:"盖者,不终尽之辞,明孝道之广大,此略言之也。"皇侃云:"略陈如此,未能 究竟。"是也。郑注云"盖者谦辞",据此而言,盖非谦也。刘炫驳云:"若以制作须 谦,则庶人亦当谦矣。苟以名位须谦,夫子曾为大夫,于士何谦?而亦云盖也,斯 则卿士以上之言,盖者并非谦辞可知也。"《甫刑》云:"一人有庆,兆民赖 之。'"甫刑,即《尚书·吕刑》也。一人,天子也。庆,善也。十亿曰兆。义取天子 行孝,兆人皆赖其善。 【疏】"甫刑"至"赖之"。 ○正义曰:夫子述天子之行孝 既毕,乃引《尚书·甫刑篇》之言以结成其义。庆,善也。言天子一人有善,则天下 兆庶皆倚赖之也。善则爱敬是也。"一人有庆",结"爱敬尽于事亲"已上也。"兆 民赖之"、结"而德教加于百姓"已下也。 〇注"甫刑"至"其善"。 〇正义曰:云 "〈甫刑〉即〈尚书·吕刑〉也"者、〈尚书〉有〈吕刑〉而无〈甫刑〉也。案〈礼记·缁衣篇〉 孔子两引(甫刑)辞,与(吕刑)无别,则孔子之代以(甫刑)命篇明矣。今(尚书)为 《吕刑》者,孔安国云:"后为甫侯,故称〈甫刑〉。"知者,以〈诗·大雅·嵩高〉之篇宜王 之诗,云"生甫及申"、《扬之水》为平王之诗,"不与我戍甫",明子孙改封为甫侯,不

① "反"、《正误》:"反"作"互"。

② "言"原作"旨",按阮校:"浦镗云:'旨'疑'言'字误。案当作'言'。"据改。

③ "礼"字原无,阮校:"《正误》'记'上补'礼'字。"按:依文意,有"礼"字为宜,据 补。

知因吕国改作甫名,不知别封余国而为甫号。然子孙封甫,穆王时未有甫名,而称为〈甫刑〉者,后人以子孙之国号名之也。犹若叔虞初封于唐,子孙封晋,而〈史记〉称〈晋世家〉也。刘炫以为遭秦焚书,各信其学,后人不能改正而两存之也者,非也。诸章皆引〈诗〉,此章独引〈书〉者,以孔子之言布在方策,言必皆引〈诗〉、〈书〉证事,示不冯虚说,义当〈诗〉意则引〈诗〉,义<sup>①</sup> 当〈易〉意则引〈易〉。此章与〈书〉意义相契,故引为证也。郑注以〈书〉录王事,故证〈天子〉之章,以为引类得象。然引〈大雅〉证大夫,引〈曹风〉证圣治,岂引类得象乎?此不取也。云"一人,天子也"者,依孔传也。旧说天子自称则言"予一人"。予,我也。言我虽身处上位,犹是人中之一耳,与人不异,是谦也。若臣人称之,则惟言"一人"。言四海之内惟一人,乃为尊称也。天子者,帝王之爵,犹公、侯、伯、子、男五等之称。云"庆,善也",〈书〉、〈传〉通也。云"十亿曰兆"者,古数为然。云"义取天子行孝,兆人皆赖其善"者,释"一人有庆,兆民赖之"也。姓言百,民称兆,皆举其多也。

① "义",毛本作"意",误。

# 孝经注疏卷第二

### 诸侯章第三

【疏】正义曰:次天子之贵者诸侯也。案〈释诂〉云:"公侯,君也。"不曰诸公者,嫌涉天子三公也。故以其次称为诸侯,犹言诸国之君也。皇侃云:"以侯是五等之第二,下接伯、子、男,故称诸侯。"今不取也。

"在上不骄,高而不危。诸侯,列国之君,贵在人上,可谓高矣。而能 不骄,则免危也。制节谨度,满而不溢。费用约俭谓之制节,慎行礼法谓之 谨度。无礼为骄,奢泰为溢。高而不危,所以长守贵也。满而不溢, 所以长守富也。富贵不离其身,然后能保其社稷,而和其民 人。列国皆有社稷,其君主而祭之。育富贵常在其身,则长 $^{\oplus}$  为社稷之主,而人 自和平也。盖诸侯之孝也。【疏】"在上"至"孝也"。 ○正义曰:夫子前述 天子行孝之事已毕,次明诸侯行孝也。言诸侯在一国臣人之上,其位高矣。高者 危惧。若不能<sup>②</sup> 以贵自骄,则虽处高位,终不至于倾危也。积一国之赋税,其府库 充满矣。若制立节限,慎守法度,则虽充满而不至盈溢也。满谓充实,溢谓奢侈。 (书)称"位不期骄,禄不期侈",是知贵不与骄期而骄自至,寓不与侈期而侈自来。 言诸侯贵为一国人主,富有一国之财,故宜戒之也。又覆述不危不溢之义,言居高 位而不倾危,所以常<sup>②</sup>守其贵;财货充满而不盈溢,所以长守其富。使富贵长久, 不去离其身,然后乃能安其国之社稷,而协和所统之臣人。谓社稷以此安,臣人以 此和也。言此上所陈、盖是诸侯之行孝也。皇侃云:"民是广及无知、人是稍识仁 义,即府史之徒,故言民人明,远近皆和悦也。"(援神契)云:"诸侯行孝曰度。"言奉 天子之法度,得不危溢,是荣其先祖也。 〇注"诸侯"至"危也"。 〇正义曰:云

① "长",毛本作"常",误。

② 按:"不能",疑当作"能不"。

③ "常",经作"长"。

"诸侯列国之君"者,经典皆谓天子之国为王国,诸侯之国为列国。 〈诗〉云"思皇多 士,生此王国",则夭子之国也。(左传)鲁叔孙豹云"我列国也",郑子产云"列国一 同",是诸侯之国也。列国者, 宫其国君皆以爵位尊卑及土地大小而叙列焉, 五等 皆然。云"贵在人上,可谓高矣"者,言诸侯贵在一国臣人之上,其位高也。云"而 能不骄,则免危也"者,言其为国以礼,能不陵上慢下,则免倾危也。 〇注"费用" 至"为溢"。 〇正义曰:云"费用约俭谓之制节"者,此依郑注释"制节"也。谓费 国之财以供己用,每事俭约,不为华侈,则(论语)"道千乘之国,云节用而爱人"是 也。云"慎行礼法谓之谨度"者,此释"谨度"也。言不可奢僭,当须慎行礼法,无所 乖越,动合典章。皇侃云:"谓宫室车旗之类,皆不奢僭也。""无礼为骄,奢泰为溢" 者,皆谓华侈放恣也。前未解"骄",今于此注与"溢"相对而释之,言无礼谓陵上慢 下也。皇侃云:"在上不骄以戒贵,应云居财不奢以戒富。若云制节谨度以戒富, 亦应云制节谨身以戒贵。此不例者,互其文也。"但骄由居上,故戒贵云"在上";溢 由无节,故戒富云"制节"也。 ○注"列国"至"平也"。 ○正义曰:列国,已具上 释。云"皆有社稷"者、《韩诗外传》云:"天子大社,东方青,南方赤,西方白,北方 黑,中央黄土。若封,四方诸侯各割其方色土,苴以白茅<sup>①</sup> 而与之。诸侯以此土封 之为社,明受于天子也。"社则土神也。经典所论社、稷,皆连言之。皇侃以为稷五 谷之长,亦为土神。据此稷亦社之类也,言诸侯有社稷乃有国,无社稷则无国也。 云"其君主而祭之"者,案《左传》曰:"君人者,社稷是主。"社稷因地,故以"列国"言 之。祭必由君,故以"其君"言之。云"言富贵常在其身"者,此依王注释"富贵不离 其身"也:"则长为社稷之主"者,释"保其社稷"也。云"而人自和平也"者,释"而和 其民人"也。然经上文先贵后富,言因贵而富也;下覆之富在贵先者,此与《易·系 辞)"崇高莫大乎富贵",《老子》云"富贵而骄",皆随便而言之,非富合先于贵也。 经传之言社稷多矣。案《左传》曰:"共工氏之②子曰勾龙,为后土。后土为社。有 烈山氏之子曰柱,为稷,自夏以上祀之。周弃亦为稷,自商以来祀之。"言句龙、柱、 奔配社稷而祭之,即勾龙、柱、弃非社稷也。又《条牒》云:"稷坛在社西,俱北乡并 列,同营共门。"<sup>②</sup>并如条之说。诗云:'战战兢兢,如临深渊,如履薄

① "茅"原作"苴",按阮校:"闽、监、毛本作'苴',是也。"据改。

② "之",(左传)作"有"。

③ "又条牒云稷坛在社西俱北乡并列同营共门",孙校:"《郊特牲》疏引《条牒论》作'稷坛在社坛西,俱北向,营并坛共门'。与此小异。"

冰。'"战战,恐惧。兢兢,戒慎。临深恐坠<sup>①</sup>,履薄恐陷,义取为君恒须戒慎。 【疏】"诗云"至"薄冰"。 〇正义曰:夫子述诸侯行孝终毕,乃引〈小雅·小旻〉之诗以结之,言诸侯富贵不可骄溢,常须戒惧,故战战兢兢,常如临深履薄也。 〇注"战战"至"戒惧"。 〇正义曰:此依郑注也。案〈毛诗传〉云:"战战,恐也。兢兢,戒也。"此注恐下加惧,戒下加慎,足以圆文也。云"临深恐坠,履薄恐陷"者,亦〈毛诗传〉文也。恐坠谓坠人深渊,不可复出。恐陷谓没在冰下,不可拯济也。云"义取为君常须戒慎"者,引〈诗〉大意如此。

#### 卿大夫章第四

【疏】正义曰:次诸侯之贵者即卿大夫焉。〈说文〉云:"卿,章也。"〈白虎通〉云:"卿之为言章也,章善明理也。大夫之为言大扶,扶进人者也。故传云:进贤达能谓之卿大夫。"〈王制〉云:"上大夫,卿也。"又〈典命〉云:"王之卿六命,其大夫四命。"则为卿与大夫异也。今连言者,以其行同也。

"非先王之法服不敢服,服者,身之表也。先王制五服,各有等差。言卿大夫遵守礼法,不敢僭上逼下。非先王之法言不敢道,非先王之德行不敢行。法言,谓礼法之言。德行,谓道德之行。若言非法,行非德,则亏孝道,故不敢也。是故非法不言,非道不行。言必守法,行必遵道。口无择言,身无择行。言行皆遵法道,所以无可择也。言满天下无口过,行满天下无怨恶。礼法之言,焉有口过。道德之行,自无怨恶。三者备矣,然后能守其宗庙。三者,服、言、行也。礼:卿大夫立三庙,以奉先祖。言能备此三者,则能长守宗庙之祀。盖卿大夫之孝也。【疏】"非先王"至"孝也"。 〇正义曰:夫子述诸侯行孝之事终毕,次明卿大夫之行孝也。育大夫委质事君,学以从政,立朝则接对宾客,出聘则将命他邦。服饰、音、行,须遵礼典。非先王礼法之衣服,则不敢服之于身。若非先王礼法之言辞,则不敢道之于口。若非先王礼法之衣服,则不敢服之于身。就此三事之中,言行尤须重慎。是故非礼法则不言,非道德则不行。所以口无可择之言,身无可择之行也。使言满天下无识,作满天下无怨恶。服饰、言、行三者无亏,然后乃能守其先祖之宗庙。盖

① "坠",郑注本作"队"。

是卿大夫之行孝也。《援神契》云:"卿大夫行孝曰誉,盖以声誉为义。"谓言行布满 天下,能无怨恶,遐迩称誉,是荣亲也。旧说云:"天子、诸侯,各有卿大夫。"此章既 云宫行满于天下,又引《诗》云"夙夜匪懈,以事一人",是举天子卿大夫也。天子卿 大夫尚尔,则诸侯卿大夫可知也。 〇注"服者"至"逼下"。 〇正义曰:"服者, 身之表也"者,此依孔传也。《左传》曰:"衣,身之章也。"彼注云"章贵贱",言服饰 所以章其贵贱,章则表之义也。云"先王制五服,各有等差"者,案《尚书·皋陶篇》 曰:"天命有德,五服五章哉。"孔传云:"五服:天子、诸侯、卿、大夫、士之服也。"尊 卑采章各异,是有等差也。云"言卿大夫遵守礼法,不敢僭上逼下"者,"僭上"谓服 饰过制,僭拟于上也;"逼下"调服饰俭固,逼迫于下也。卿大夫喜必守法,行必遵 德,服饰须合礼度,无宜僭逼。故刘炫引(礼)证之曰"君子上不僭上,下不逼下"是 也。又案《尚书·益稷篇》称命禹曰:"予欲观古人之象,日、月、星辰、山、龙、华虫作 会,宗彝、藻、火、粉、米、黼、黻绵绣,以五采章施于五色,作服,汝明。"孔传曰:"天 子服日、月而下,诸侯自龙衮而下,至黼、黻,土 $^{\oplus}$  服藻、火,大夫加粉、米。 上得兼 下,下不得僭上。此古之天子冕服十二章,以日、月、星辰及山、龙、华虫六章画于 衣。衣法于天,画之为阳也。以藻、火、粉、米、黼、黻六章绣之于裳。裳法于地,绣 之为阴也。日、月、星辰、取照临于下:山取兴云致雨,龙取变化无穷:华虫谓雉、取 耿介:藻取文章,火取炎上以助其德:粉取洁白,米取能养:黼取断割,黻取背恶乡 善:皆为百王之明戒,以益其德。诸侯自龙衮而下八章也,四章画于衣,四章绣于 裳。大夫藻、火、粉、米四章也,二章画于衣,二章绣于裳。"孔安国盖约夏、殷章服 为说周制,则天子冕服九章,象阳之数极也。案郑注(周礼·司服)称,至周而以日、 月、星辰画于旌旗,所谓"三辰旂旗,昭其明也"。 又云:"登龙于山,登火于宗彝,尊 其神明也。"古文以山为九章之首,火在宗彝之下。周制以龙为九章之首,火在宗 彝之上。是登龙于山,登火于宗彝也。又案〈司服〉云:"王祀昊天上帝则服大裘而 冕,祀五帝亦如之,享先王则衮冕,享先公、飨、射则鸷冕,祀四望山川则毳冕,祭社 稷、五祀则绨② 冕,群小祀则玄冕。"而冕服九章也。又案郑注:"九章:初一曰龙、 次二曰山、次三曰华虫、次四曰火、次五曰宗彝,皆画以为绩;次六曰藻、次七曰粉 米、次八曰黼、次九曰黻,皆缘以为绣,则衮之衣五章,裳四章,凡九也。鸷画以雉, 谓华虫也。其衣三章, 裳四章, 凡七也<sup>③</sup>。毳画虎蛙, 谓宗彝也。其衣三章, 裳二

① "士"原作"七",按阮校:"'七'当作'士'。"据改。

② "缔", 《周礼》作"希"。

② "也"原作"章",按阮校:"案上下文作'凡几也',此处亦不应作'章'。"据改。

章,凡五也。绨刺粉米,无画也。其衣一章,裳二章,凡三也。玄者衣无文<sup>①</sup>,裳刺 黻而已,是以谓玄焉。凡冕服皆玄衣缥裳。"又案(司服):"公之服自衮冕而下,如 王之服;侯伯之服自螫冕而下;子男之服自毳冕而下;卿大夫之服自玄冕而下;士 之服自皮弁而下,如大夫之服。"则周自公侯伯子男,其服之章数又与古之象服差 矣。 ○注"法言"至"敢也"。 ○正义曰:"法言,谓礼法之言"者,此则(论语)云 "非礼勿宫"是也。云"德行,谓道德之行"者,即《论语》云"志于道,据于德"是也。 "若言非法,行非德"者,即(王制)云"言伪而辩,行伪而坚"是也。云"则亏孝道,故 不敢也"者,释所以不敢之意也。 〇注"言必"至"遵道"。 〇正义曰:此依王② 义,释"非法不言,非道不行"也。 〇注"言行"至"择也"。 〇正义曰:言不守礼 法,行不遵道德,皆已而法之。经言"无择",谓令言行无可择也。 〇注"礼法"至 "怨恶"。 ○正义曰:口有过恶者,以言之非礼法:行有怨恶者,以所行非道德也。 若言必守法,行必遵道,则口无过怨,恶无从而生。 ○注"三者"至"之祀"。 ○ 正义曰:云"三者,服、言、行者"也,此谓法服、法言、德行也。然言之与行,君子所 最谨。出己加人,发迩见远,出言不善,千里违之。其行不善,谴辱斯及。故首章 一叙不毁而再叙立身,此章一举法服而三复言行也。则知表身者以言行,不亏不 毁犹易,立身难备也。皇侃云:"初陈教本,故举三事。服在身外可见,不假多戒; 言行出于内府难明,必须备言。最于后结,宜应总言。"谓人相见,先观容饰,次交 见末章。云"以奉先祖"者,谓奉事其祖考也。云"言能备此三者,则能长守宗庙之 祀"者,谓卿大夫若能备服饰、言、行,故能守宗庙也。《诗》云:'夙夜匪懈, 以事一人。'"房、早也。懈、惰也。义取为卿大夫能早夜不惰、敬事其君也。 【疏】"诗云"至"一人"。 〇正义曰:夫子既述卿大夫行孝终毕,乃引《大雅·烝民》 之诗以结之,言卿大夫当早起夜寐,以事天子,不得懈惰。匪,犹不也。 早"至"君也"。 〇正义曰:"夙,早也",《释诂<sup>④</sup>》文。"懈,情<sup>⑤</sup> 也",《释言》文。云 "义取为卿大夫能早夜不情"者,引《诗》大意如此。云"敬事其君也"者,释"以事一 人",不言天子而言君者,欲通诸侯卿大夫也。

① "文"原作"衣",按阮校:"《正误》'衣'作'文',是也。"据改。

② "王"原作"正",按院校:"浦镗云:'正'疑'王'字误。案浦说是也。"据改。

③ "谓",《正误》:"谓"作"论"。

④ "诂"原作"古",按阮校:"闽、监、毛本'古'作'诂',是也。"据改。

⑤ "惰",今《尔雅·释言》作"怠"。

#### 士章第五

【疏】正义曰:次卿大夫者,即士也。案《说文》曰:"数始于一,终于十。"孔子曰:"推一合<sup>①</sup> 十为士。"《毛诗传》曰:"士者事也。"《白虎通》曰:"士者事也,任事之称也。"故《礼辨名记<sup>②</sup>》曰:"士者任事之称也。传曰:通古今,辨然不然,谓之士。"

资于事父以事母,而爱同;资于事父以事君,而敬同。<sub>资.</sub> 取也。言爱父与母同,敬父与君同。故母取其爱,而君取其敬,兼之者 父也。言事父兼爱与敬也。故以孝事君则忠,移事父孝以事于君,则为忠 矣。以敬事长则顺。移事兄敬以事于长,则为顺矣。忠顺不失,以事 其上,然后能保其禄位,而守其祭祀。能尽忠顺以事君长,则常安禄 位、永守祭祀。盖士之孝也。【疏】"资于"至"孝也"。 〇正义曰:夫子述 卿大夫行孝之事终,次明士之行孝也。言士始升公朝,离亲入仕,故此叙事父之爱 敬,宜均事母与事君,以明割恩从义也。"资"者,取也。取于事父之行以事母,则 爱父与爱母同。取于事父之行以事君,则敬父与敬君同。母之于子,先取其爱;君 之于臣,先取其敬,皆不夺其性也。若兼取爱敬者,其惟父乎? 既说爱敬取舍之 理,遂明出身入仕之行。"故"者,连上之辞也。谓以事父之孝移事其君,则为忠 矣;以事兄之敬移事于长,则为顺矣。"长"谓公卿大夫,言其位长于士也。又言事 上 ② 之道,在于忠顺,二者皆能不失,则可事上矣。"上"谓君与长也,言以忠顺事 上,然后乃能保其禄秩官位,而长守先祖之祭祀。盖士之孝也。(援神契)云:"士 行孝曰究。"以明审为义,当须能明审资亲事君之道,是能荣亲也。《白虎通》云: "天子之士独称元士。鲎士贱,不得体君之尊,故加'元'以别于诸侯之士也。"此直 言士,则诸侯之士;前言大夫,是戒天子之大夫,诸侯之大夫可知也。此章戒诸侯

① "推一合"原作"惟一答",按阮校:"毛本'惟'作'推','答'作'合'。案毛本是也。"据改。

② "辨名记",闽、监、毛本"辨"作"辩",下"今辨"同,《礼记·月令》"孟夏"正义引作"辩名记",《白虎通》作"别名记"。

③ "上",闽、毛本同,监本作"主",误。

之士,则天子之士亦可知也。 〇注"资取"至"君同"。 〇正义曰:云"资,取 也",此依孔传也。案郑注〈表记〉、〈考工记〉,并同训"资,取也"。云"言爱父与母 同,敬父与君同"者,谓事母之爱,事君之敬,并同于父也。然爱之与敬,俱出于心。 君以尊高而敬深,母以鞠育而爱厚。刘炫曰:"夫亲至则敬不极,此情亲而恭也。 尊至则爱不极,此心敬而恩杀也。故敬极于君,爱极于母。"梁王云:"(天子章)陈 爱敬以辨化也,此章陈爱敬以辨情也。"○注"言事"至"敬也"。 ○正义曰:此 依王注也。刘炫曰:"母亲至而尊不至,岂则尊之不极也? 君尊至而亲不至,岂则 亲之不极也?惟父既亲且尊,故曰兼也。"刘璥曰:"父情天属,尊无所屈。故爱敬 双极也。" 〇注"移事"至"忠矣"。 〇正义曰:此依郑注也。《扬名章》云"君子 之事亲孝,故忠可移于君"是也。旧说云:"人仕本欲安亲,非贪荣贵也。若用安亲 之心,则为忠也。若用贪荣之心,则非忠也。"严植之曰:"上云君父敬同,则忠孝不 得有异。"言以至孝之心事君,必忠也。 〇注"移事"至"顺矣"。 〇正义曰:此 依郑注也。下章云:"事兄悌,故顺可移于长。"注不言悌而言敬者,顺经文也。 (左 传》曰:"兄爱弟敬。"又曰:"弟顺而敬。"则知悌之与敬,其义同焉。 (尚书)云:"邦 伯师长。"安国曰:"众长,公卿也。"则知大夫已上,皆是士之长。 〇注"能尽"至 "祭祀"。 〇正义曰:谓能尽忠顺以事君长,则能保其禄位也。禄谓廪食,位谓爵 位。〈广雅〉曰:"位,莅也 $^{\oplus}$ 。莅下为位。"〈王制〉云:"上农夫食九人。"谓诸侯之下 士,视上农夫,中士倍下士,上士倍中士。祭者际也,人神相接,故曰际也。祀者似 也,谓祀者似将见先人也。士亦有庙,经不言耳。大夫既言宗朝,士可知也;士言 祭祀,则大夫之祭祀亦可知也:皆互以相明也。诸侯言保其社稷,大夫言守其宗 庙,士则"保""守"并言者,皇侃云:"称保者安镇也,守者无逸也。社稷禄位是公, 故言保。宗庙祭祀是私,故言守也。士初得禄位,故两言之也。"《诗》云:'夙 兴夜寐,无忝尔所生。'"忝,辱也。所生,谓父母也。义取早起夜寐,无辱其 亲也。 【疏】"诗云"至"所生"。 〇正义曰:夫子述士行孝毕,乃引《小雅·小宛》 之诗以证之也。言士行孝,当早起夜寐,无辱其父母也。 ○注"忝辱"至"亲也"。 ○正义曰:云"忝,辱也",《释言》文。"所生,谓父母也",下章云"父母生之"是 也。云"义取早起夜寐,无辱其亲也"者,亦引《诗》之大意也。

① "位莅也",《正误》云:"《广雅》作'莅禄也'。"

# 孝经注疏卷第三

#### 庶人章第六

【疏】正义曰:庶者,众也,谓天下众人也。皇侃云:"不言众民者,兼包府史之属,通谓之庶人也。"严植之以为士有员位,人无限极,故士以下皆为庶人。

"用天之道,春生、夏长、秋收<sup>①</sup>、冬藏,举事顺时,此用天道也。分地之利,分别五土,视其高下,各尽所宜,此分地利也。谨身节用,以养父母。身恭谨则远耻辱,用节省则免饥寒,公赋既充<sup>②</sup>则私养不阙。此庶人之孝也。庶人为孝,唯此而已。【疏】"用天"至"孝也"。 ○正义曰:夫子上述士之行孝已毕,次明庶人之行孝也。言庶人服田力穑,当须用天之四时生成之道也,分地五土所宜之利,谨慎其身,节省其用,以供养其父母,此则庶人之孝也。(援神契)云"庶人行孝曰畜",以畜养为义,言能躬耕力农,以畜其德,而养其亲也。 ○注"春生"至"道也"。 ○正义曰:云"春生、夏长、秋收、冬藏"者,此依郑注也。〈尔雅·释天〉云:"春为发生,夏为长毓,秋为收成,冬为安宁。"安宁即闭藏之义也。云"举事顾时,此用天之道也"者,谓举农亩之事,顺四时之气,春生则耕种,夏长则、一个正义,此用天之道也"者,谓举农亩之事,顺四时之气,春生则耕种,夏长则、一个正义,是"举事顾时,此用天之道也"者,谓举农亩之事,顺四时之气,春生则耕种,夏长则、一个正义时。 ○正义曰:云"为别五土,视其高下"者,此依郑注也。案《周礼·大司徒》云:"五土:一曰山林、二曰川泽、三曰丘陵、四曰坟衍、五曰原隰。"谓庶人须能分别,视此五土之高下,随所宜而播种之,则《职方氏》所谓青州其谷宜稻麦<sup>⑤</sup>、雍州其谷宜黍稷之类是也。云

① "收"原作"敛",按阮校:"石台本作'收',郑注本同。案正义云'此依郑注也',则当作'收'。"据改。下正义所引同。

② "充",岳本改"足",监本误"克"。

② "耘",闽、监、毛本作"芸"。闽本以下作"芸",误。

④ "刈",闽、监、毛本改"刜"。

⑤ "麦",闽、毛本作"粱"。

"各因其所宜,此分地利也"者,此依孔传也。刘炫云:"黍稷生于陆,菰稻生于水。" ○注"身恭"至"不阙"。 ○正义曰:云"身恭谨则远耻辱"者,(论语)曰:"恭近 于礼,远耻辱也。"云"用节省则免饥寒"者,"用"谓庶人衣服、饮食、丧祭之用,当须 节省。(礼记)曰:"食节事时。"又曰:"庶人无故不食珍,及三年之耕,必有一年之 食;九年耕,必有三年之食。以三十年之通,虽有凶旱水溢,民无菜色。"是免饥寒 也。云"公赋既充 $^{\odot}$ 则私养不阙"者,"赋"者自上税下之名也。谓常省节财用、公 家赋税充足,而私养父母不阙乏也。(孟子)曰"周人百亩而彻,其实皆什一也",刘 ○注"庶人"至"而已"。 ○正义曰:此依魏注也。案天子、诸侯、卿大夫、士皆 言"盖",而庶人独言"此",注释言"此"之意也。谓天子至士,孝行广大,其章略述 宏纲,所以言"盖"也。庶人用天分地,谨身节用,其孝行已尽,故曰"此",言惟<sup>③</sup> 此 而已。〈庶人〉不引〈诗〉者,义尽于此,无赘词®也。故自天子至于庶人, 孝无终始,而患不及者,未之有也。"始自天子,终于庶人,尊卑虽殊,孝 道同致,而患不能及者,未之有也。言无此理,故曰未有。 【疏】"故自"至"有 也"。 〇正义曰:夫子述天子、诸侯、卿大夫、士、庶人行孝毕,于此总结之,则有 五等。尊卑虽殊,至于奉亲,其道不别,故从天子已 下至于庶人,其孝道则无终 始贵贱之异也。或有自患已身不能及于孝,未之有也。自古及今,未有此理,盖是 勉人行孝之辞也。 ○注"始自"至"未有"。 ○正义曰:云"始自天子,终于庶 人"者,谓五章以天子为始,庶人为终也。云"尊卑虽殊,孝道同致"者,谓天子庶人 尊卑虽别,至于行孝,其道不殊。天子须爱亲敬亲,诸侯须不骄不溢,卿大夫于言 行无择,士须资亲事君,庶人谨身节用,各因心而行之斯至,岂藉创物之智、扛鼎之 力? 若率<sup>©</sup>强之,无不及也。云"而患不能及者,未之有也"者,此谓人无贵贱尊卑, 行孝之道同致,若各率其己分,则皆能养亲。言患不及于孝者未有也。说 ① 孝道包

① "充", 闽、毛本作"克", 误。

② "刘熙",阮校:"《正误》'刘熙'作'赵岐',是也。"孙校:"此或刘、赵义同,似不必改。"

③ "惟",闽、监、毛本作"唯",与注文合。

④ "费词"原作"费诸",按阮校:"闽、监、毛本'费诸'作'费词',不误。"据改。

⑤ "已",闽、监、毛本作"以"。

⑥ "寧",段玉裁云:"'率'当作'牵'。"

① "说",浦镗云:"'说'上当脱'礼记'二字。"

含之义广大,塞乎天地,横乎四海。经言"孝无终始",谓难备终始,但不致毁伤,立 身行道,安其亲、忠于君,一事可称,则行成名立,不必终始皆备也。此言行孝甚 易,无不及之理,故非孝道不终始致必反之患也。云"言无此理,故曰未有"者,此 释"未之有"之意也。谢万以为无终始,恒患不及,未之有者,少贱之辞也。刘璥 云:"礼不下庶人。若言我贱而患行孝不及己者,未之有也。"此但得忧不及之理, 而失于叹少贱之义也。郑曰:"诸家皆以为患及身,今注以为自患不及,将有说 乎?"答曰:"案(说文)云:'患,忧也。'(广雅)曰:'患,恶也。'又,若案注说,释'不及' 之义凡有四焉,大意皆谓有患贵贱行孝无及之忧,非以患为祸也。"经传之称患者 多矣:(论语)"不患人之不己知",又曰"不患无位",又曰"不患寡而患不均":(左 传》曰"宜子惠之":皆是优恶之辞也。惟《苍颉篇》谓患为祸,孔、郑、韦、王之学引 之以释此经,故皇佩曰:"无始有终,谓改悟之善,恶祸何必及之?"则无始之言,已 成空设也。(礼·祭义):"曾子说孝曰:'众之本教曰孝,其行曰养。养可能也,敬为 难。敬可能也,安为难。安可能也,卒为难。父母既没,慎行其身,不遗父母恶名, 可谓能终矣。'"夫以曾参行孝,亲承圣人之意,至于能终孝道,尚以为难,则寡能无 识,固非所企也。今为行孝不终,祸患必及。此人偏执,讵谓经通?郑曰:"〈书〉 云:'天道福善祸淫。'"又曰:"惠迪吉,从逆凶,惟影响,斯则必有灾祸,何得称无 也?"答曰:"来问指淫凶悖慝之伦,经言戒不终善美之辈。"(论语)曰:"今之孝者, 是谓能养。曾子曰:'参,直养者也,安能为孝乎?'"又此章云:"以养父母,此庶人 之孝也。"傥有能养而不能终,只可未为具美,无宜即同淫慝也。古今凡庸,讵识孝 道?但使能养,安知始终?若今皆及于灾,便是比尾可贻祸矣。而当朝通识者以 为郑注非误,故谢万云:"言为人无终始者,谓孝行有终始也。患不及者,谓用心忧 不足也。能行如此之善,曾子所以称难,故郑注云:'善未有也。'"谛详此义,将谓 不然。何者?孔圣垂文,包于上下,尽力随分,宁限高卑?则因心而行,无不及也。 如依谢万之说,此则常情所昧矣。子夏曰:"有始有卒者,其惟圣人乎?"若施化惟 待圣人,千<sup>①</sup> 载方期一遇,加于百姓,刑于四海,乃为虚说者与! (制旨<sup>②</sup>)曰:"嗟 乎! 孝之为大,若天之不可逃也,地之不可远也。朕穷五孝之说,人无贵贱,行无 终始,未有不由此道而能立其身者。然则圣人之德,岂云远乎?我欲之而斯至,何 患不及于己者哉!"

① "千"原作"十",按阮校:"闽、监、毛本'十'作'千',是也。"据改。

② "旨"原作"有",按阮校:"案'有'当作'旨'。"据改。

### 三才章第七

【疏】正义曰:天地谓之二仪,兼人谓之三才。曾子见夫子陈说五等之孝 既毕,乃发叹曰:"甚哉!孝之大也。"夫子因其叹美,乃为说天经、地义、人行之事,可教化于人,故以名章,次五孝之后。

曾子曰:"甚哉!孝之大也。"参闻行孝无限高卑,始知孝之为大也。 子曰:"夫孝,天之经也,地之义也,民之行也。"经,常也。利物为 义。孝为百行之首,人之常 $^{\oplus}$  德,若三辰运天而有常,五土分地而为义也。 天地 之经,而民是则之。天有常明,地有常利,言人法则天地,亦以孝为常行也。 则天之明,因地之利,以顺天下。是以其教不肃而成,其政不 严而治。法天明以为常,因地利以行义,顺此以施政教,则不待严肃而成理也。 【疏】"曾子曰"至"而治"。 〇正义曰:夫子述上从天子下至庶人五等之孝,后 总以结之,语势将毕,欲以更明孝道之大,无以发端,特假曾子叹孝之大,更以弥大 之义告之也,曰:夫孝,天之经,地之义,民之行。经,常也。人生天地之间,禀天地 之气节,人之所法,是天地之常义也。圣人司牧黔庶,故须则天之常明,因依地之 义利,以顺行于天下。是以其为教也,不待肃戒而成也;其为政也,不假威严而自 理也。 〇注"参闻"至"大也"。 〇正义曰:高谓天子,卑谓庶人。言曾参既闻 夫子陈说天子庶人皆当行孝,始知孝之为大也。 ○注"经常"至"义也"。 ○正 义曰:云"经、常也。利物为义"者、"经、常"即书传通训也。(易·文言)曰"利物足 以和义",是"利物为义"也。云"孝为百行之首,人之常德"者,郑注《论语》云:"孝 为百行之本,言人之为行,莫先于孝。"案《周易》曰:"常其德,贞。"孝是人之 常德 也。云"若三辰运天",谓日月星以时运转于天。(释名)云:"土者吐也,言吐生万 物。"(周礼):"五土十地之利, 宫孝为百行之首。"是人生有常之德, 若日月星辰运 行于天而有常,山川原隰分别土地而为利,则知贵贱虽别,必资孝以立身,皆贵法 则于天地。然此经全与《左传》郑子大叔答赵简子问礼同,其异一两字而已。 明孝 之与礼,其义同。 〇注"天有"至"行也"。 〇正义曰:云"天有常明"者,谓日月

① "常",石台本作"恒",岳本同。

② "之"原作"所",阮校:"《正误》:'所'作'之'。"按:依文意,作"之"字为宜,据改。

星辰照<sup>①</sup> 临于下,纪于四时,人事则之,以"夙兴夜寐,无忝尔所生"。故下文云"则 天之明"也。云"地有常利"者,谓山川原隰,动植物产,人事因之,以農羞夕膳也。. 色养无违。故下文云"因地之利"也。此皆人能法则天地以为孝行者,故云:"亦以 孝为常行也。"上云"天之经,地之义",此云"天地之经"而不言"义"者,为地有利物 之义,亦是天常也。若分而言之,则为义;合而言之,则为常也。 〇注"法天"至 "理也"。 〇正义曰:云"法天明以为常,因地利以为义"者,上文云"夫孝,天之 经,地之义"者,故云"法天明以为常",释"天之明"也;"因地利以为义",释"地之 利"也。云"顺此以施政教,则不待严肃而成理也"者,经云"其教不肃而成,其政不 严而治",注则以政教相就而明之,严肃相连而释之,从便宜省也。(制旨)曰:"天 无立极之统,无以常其明。地无立极之统,无以常其(元缺十一字)利。人无立身之 本,无以常其德。然则三辰迭运,而一以经之者,天<sup>③</sup> 利之性也。五土分植,而一 以宜之者,大顺之理也。百行殊除,而一致之者,大中之要也。夫爱始于和,而敬 生于顺。是以因和以教爱,则易知而有亲;因顺以教敬,则易从而有功。爱敬之化 行,而礼乐之政备矣。圣人则天之明以为经,因地之利以行义。故能不待严肃而 成可久可大之业焉。"先王见教之可以化民也。见因天地教化,民<sup>④</sup>之易 也。是故先之以博爱,而民莫遗其亲。君爱其亲,则人化之,无有遗其 亲者。陈之于德义,而民兴行。陈说德义之美,为众所慕,则人起心而行 之。先之以敬让,而民不争。君行敬让,则人化而不争。导之以礼 乐,而民和睦。礼以检其迹,乐以正其心,则和睦矣。示之以好恶,而民 知禁。示好以引之,示恶以止之,则人知有禁令,不敢犯也。 【疏】"先王"至"知 禁"。 ○正义曰: 宫先王见因天地之常,不肃不严之政教,可以率先化下人也。 故须身行博爱之道,以率先之,则人新其风教,无有遗其亲者。于是陈说德义之 美,以顺教诲人,则人起心而行之也。先王又以身行敬让之道,以率先之,则人渐 其德而不争竞也。又导之以礼乐之教,正其心迹,则人被其教,自和睦也。又示之 以好者必爱之,恶者必讨之,则人见之,而知国有禁也。 ()注"见因"至"易也"。

① "照"原作"明",按阮校:"(正误)'明'作'照',是也。"据改。

② "也",《正误》:"'也'作'而', 属下读。"

③ "天",闽、监本作"夫",误。毛本作"大"。

④ "民"原作"人",按阮校:"郑注本'人'作'民'。正义云'此依郑注也',则当作'民'。"据改。

○正义曰:此依郑注也。言先王见天明地利,有益于人,因之以施化,行之甚易 也。 〇注"君爱"至"亲者"。 〇正义曰:此依王注也。言君行博爱之道,则人 化之,皆能行爱敬,无有遗忘其亲者,即(天子章)之"爱敬尽于事亲,而德教加于百 姓"是也。 ○注"陈说"至"行之"。 ○正义曰:〈易〉称"君子进德修业"。又〈论 语》云:"义以为质。"①又《左传》说赵衰荐郤縠云:"说礼乐而敦《诗》、《书》、《诗》、 《书》、义之府也:礼、乐、德之则也。德、义、利之本也。"且德义之利,是为政之本 也。言大臣陈说德义之美,是天子所重,为群情所慕,则人起发心志而效行之。 ○注"君行"至"不争"。 ○正义曰:此依魏注也。案《礼记·乡饮酒义》云:"先礼 而后财,则民作敬让而不争矣。"言君身先行敬让,则天下之人自息贪竞也。 〇 注"礼以"至"睦矣"。 〇正义曰:此依魏注也。案《礼记》云:"乐由中出,礼自外 作。"中,谓心在其中也;外,谓迹见于外也。由心以出者,宜听乐以正之;自迹以见 者,当用礼以检之。检之谓检束也。言心迹不违于礼乐,则人当自和睦也。 〇 注"示好"至"犯也"。 ○正义曰:云"示好以引之,示恶以止之"者,案《乐记》云: "先王之制礼乐也,将以教民平好恶而反人道之正也。"故示有好必赏之,令以引喻 之,使其慕而归善也;示有恶必罚之,禁以惩止之,使其惧而不为也。云"则人知有 禁令,不敢犯也"者,谓人知好恶,而不犯禁令也。《诗》云: '赫赫师尹,民 具尔瞻。'"赫赫,明盛貌也。尹氏为太师,周之三公也。义取大臣助君行化,人 皆瞻之也。 【疏】"诗云"至"尔瞻"。 ○正义曰:夫子既述先王以身率下,先 ひ及 大臣助君行化之义毕,乃引《小雅·节南山》诗以证成之。赫赫,明盛之貌也,是太 师尹氏也。言助君行化,为人模范,故人皆瞻之。 〇注"赫赫"至"之也"。 〇 正义曰:"赫赫、明盛貌也。尹氏为太师,周之三公也"者,此(毛传)文。太师、太 傅、太保、是周之三公。尹氏时为太师,故曰尹氏也。云"义取大臣助君行化,人皆 睹之也"者,引《诗》大意如此。孔安国曰:"具,皆也。尔,女也。古语或谓<sup>③</sup>'人具 尔腊',则人皆睹女也。"此章再言"先之",是吾身行率先于物也:"陈之""导<sup>①</sup> 之" "示之",是大臣助君为政也。案《大戴礼》云:"昔者舜左禹而右皋陶,不下席而天 下大治。夫政之不中,君之过也。政之既中,令之不行,职事者之罪也。"后引(周 礼)称三公无官属,与王同职,坐而论道。又案(尚书·益稷篇)称帝曰:"吁! 臣哉

① "义以为质",阮校:"(论语释文):一本作'君子义以为质'。此与(释文)合。"

② "先",《正误》:"'先'作'次'。"

③ "古语或谓",浦镗云:"'古语或谓'四字疑衍文,下句'则'疑'谓'字之疑。"

④ "导"原作"道",按阮校:"闽、监、毛本'道'作'导',是也。"据改。

邻哉,邻哉臣哉!"又曰:"臣作朕股肱耳目。"孔传曰:"言君臣道近,相须而成,言同 体若身,君任股肱,臣戴元首之义也。"故《礼·缁衣》称"上好是物,下必有甚者矣。故上之好恶,不可不慎也,是民之表也。《诗》云:'赫赫师尹,民具尔瞻。'《甫刑》曰:'一人有庆,兆民赖之。'"《缁衣》之引《诗》、《书》,是明下民从上之义。师尹,大臣也。一人,天子也。谓人君为政,有身行之者,有大臣助行之者。人之从上,非惟从君,亦从论道之大臣,故并引以结之也。此章上言先王,下引师尹,则知君臣同体,相须而成者,谓此也。皇侃以为无先王在上之诗,故断章引大师之什,今不取也。

① "同"原作"大",按阮校:"《正误》'大'作'同',是也。"据改。

# 孝经注疏卷第四

### 孝治章第八

【疏】正义曰:夫子述此明王以孝治天下也。前章明先王因天地、顺人情以为教。此章言明王由孝而治,故以名章,次《三才》之后也。

子曰:"昔者明王之以孝治天下也,言先代圣明之王<sup>①</sup>,以至德要道化人,是为孝理<sup>②</sup>。不敢遗小国之臣,而况于公侯伯子男乎? 小国之臣,至卑者耳。主<sup>③</sup> 尚接之以礼,况于五等诸侯,是广敬也。故得万国之欢心,以事其先王。万国,举其多<sup>⑥</sup> 也。言行孝道,以理天下,皆得欢心,则各以其职来助祭也。【疏】"子曰"至"先王"。 〇正义曰:此章之首称"子曰"者,为事讫,更别起端首故也。言昔者圣明之王,能以孝道治于天下,大教接物,故不敢遗小国之臣,而况于五等之君乎? 言必礼敬之。明王能如此,故得万国之欢心,谓各修其德,尽其欢心而来助祭,以事其先王。经"先王"有六焉,一曰"先王有至德",二曰"非先王之法服",三曰"非先王之法言",四曰"非先王之德行",五曰"先王见教之",此皆指先代行孝之王。此章云"以事其先王",则指行孝王之祖考<sup>⑤</sup>。〇注"言先"至"孝理"。 〇正义曰:此释"孝治"之义也。〈国语〉云:"古在昔,昔 曰先民。"〈尚书·洪范〉云:"耆作圣。"〈左传〉:"照临四方曰明。""昔者"非当时代之名、"明王"则圣王之称也,是泛指前代圣王之有德者。经言"明王",还指

① "王",石台本作"主"。

② 按:"理"当作"治",此系注家避唐高宗李治名讳,改"治"为"理"。下注文中"理"字亦多应作"治"字,不另出校。

③ "主",岳本、闽、监、毛本作"王"。

④ "多",岳本改作"大数",误。

⑤ "祖考"原作"考祖",阮校:"《正误》作'祖考'。"按:依文意,作"祖考"为宜,据改。

<sup>® &</sup>quot;昔"字原无,按阮校:"〈正误〉重'昔'字,依〈国语〉增也。"据补。

首章之"先王"也。以代言之,谓之先王;以圣明言之,则为明王。事义相同,故注 以至德要道释之。 ○注"小国"至"敬也"。 ○正义曰:此依王注义也。五等诸 侯,则公、侯、伯、子、男。旧解云:公者正也,言正行其事;侯者候也,言斥候而服 事;伯者长也,为一国之长也;子者字也,言字爱于小人也;男者任也,言任王之职 事也。爵则上皆胜下,若行事亦互相通。《舜典》曰:"辑五瑞。"孔安国曰:"舜敛 公、侯、伯、子、男之瑞圭璧。"斯则尧舜之代已有五等诸侯也。《论语》云:"殷因于 夏礼,周因于殷礼。"案《尚书·武成篇》云:"列爵惟五分,土惟三。"郑注《王制》云: "殷所因夏爵,三等之制也。是有公、侯、伯而无子、男。武王增之,总建五等。时 九州界狭,故土惟三等,则(王制)云,'公、侯方百里,伯七十里,子、男五十里。至 周公摄政,斥大九州之界,增诸侯之大者地方五百里,侯四百里,伯三百里,子二百 里,男百里。'"然据郑玄,夏、殷不建子、男,武王复增之也。案五等,公为上等,侯、 伯为次等,子、男为下等,则小国之臣谓子、男卿、大夫,况此诸侯则至卑也。 (曲 礼》云,"列国之大夫,入天子之国,曰'某土'。"诸侯言列国者,兼小大。是小国之 卿、大夫有见天子之礼也。言虽至卑,尽来朝聘,则天子以礼接之。案《周礼·掌 客)云:上<sup>①</sup> 公饔饩九牢,飧五牢;侯、伯饔饩七牢,飧四牢;子、男饔饩五牢,飧三 牢;三等。其五等之介行人宰吏,皆有飧、饔饩,唯上介有禽兽<sup>②</sup>。其卿、大夫、士有 特来聘问者,则待之如其为介时也。是待诸侯及其臣之礼,是皆广敬之道也。 ○注"万国"至"祭也"。 ○正义曰:云"万国,举其多也"者,此依魏注也。〈诗〉、 (书)之言万国者多矣,亦犹言万方,是举多而言之,不必数满于万也。皇佩云: "(春秋)称'禹会诸侯于涂山,执玉帛者万国',言禹要服之内,地方七千里,而置九 州。九州之中,有方百里、七十里、五十里之国,计有万国也。因引(王制)股之诸 侯有千七伯七十三国也。〈孝经〉称周诸侯有九千八百国,所以证万国为夏法也。" 信如此说,则《周颂》云"绥万邦",《六月》云"万邦为宪",岂周之代复有万国乎?今 不取也。云"言行孝道,以理天下,皆得欢心,则各以其职来助祭也"者,言明王能 以孝道理于天下,则得诸侯之欢心,以事其先王也。各以其职来祭者,谓天下诸侯 各以其所职贡来助天子之祭也。和3 者,《礼器》云:"大飨其王事与!"注云:"盛其 馔与贡,谓祫祭先王。"又云:"三牲、鱼腊,四海九州之美味也。笾豆之荐,四时之 和气也。"注云:"此偶,诸侯所献。"又云:"内金,示和也。"注云:"此所贡也,内之庭

① "上"原作"王",阮校:"案(周礼·掌客)'王'作'上'。"按:依文意,作"上"为宜,据改。

② "兽",《周礼》作"献"。

③ "和",《正误》作"知",依文意似应作"职",始存疑。

·实先设之。金<sup>①</sup> 从草,性和,荆、杨二州贡金三品。"又云:"束帛加璧,尊德也。"注 云:"贡享所执致命者,君子于玉比德焉。"又云:"龟为前列,先知也。"注云:"龟知 事情者,陈于庭,在前。荆州纳锡大龟。"又云:"金次之,见情也。"注云:"金炤物。 金有两义,先人后设。"又云:"丹、漆、丝、纩、竹、箭,与众共财也。"注云:"万民皆有 此物,荆州贡丹,兖州贡漆、丝,豫州贡纩,杨州贡篆 36."又云:"其余无常货,各 以国之所有,则致远物也。"注云:"其余,谓九州之外夷服、镇服、蕃服之国。(周 礼》九州之外谓之蕃国,世一见,各以其所贵宝为贽。周穆王征犬戎,得白狼白鹿, 近之。"〈大传〉云:"遂率天下诸侯,执豆笾,骏奔走。"又〈周颂〉曰:"骏奔走在庙。" 此皆助祭者也。治国者,不敢侮于鳏寡,而况于士民乎? 理国,谓诸 侯也。鳏寡,国之徽者,君尚不敢轻侮,况知礼义之士乎? 故得百姓之欢心. 以事其先君。诸侯能行孝理,得所统之欢心,则皆恭事助其祭享也。 "治国者"至"先君"。 〇正义曰:此说诸侯之孝治也。言诸侯以孝道治其国者, 尚不敢轻侮于鳏夫寡妇,而况于知礼义之士民乎?亦言必不轻侮也。以此故得其 国内百姓欢悦,以事其先君也。 〇注"理国"至"士乎"。 〇正义曰:云"理国, 谓诸侯也"者,此依魏注也。案〈周礼〉云:"体国经野。"〈诗〉曰:"生此王国。"是其 天子亦言国也。《易》曰:"先王以建万国,亲诸侯。"是诸侯之国。上言明王理天 下,此言理国,故知诸侯之国也。云"鳏寡,国之微者,君尚不敢轻侮"者,案(王制) 云:"老而无妻者谓之鳏。老而无夫者谓之寡。此天民之穷而无告者也。"则知鳏 夫寡妇,是国之徽贱者也。 盲徽贱之者<sup>③</sup>,国君尚不轻侮,况知礼义之士乎? 释经 之"士民",《诗》云:"彼都人士。"《左传》曰:"多杀国士。"此皆况惜④ 有知识之人. 不必居官授职之士。旧解:士知义理。又曰:士,丈夫之美称。故注言"知礼义之 士乎", 谓民中知礼义者。 〇注"诸侯"至"享也"。 〇正义曰:云"诸侯能行孝 理,得所统之欢心"者,此言诸侯孝治其国,得百姓之欢心也。一国百姓,皆是君之 所统理,故以所统言之。孔安国曰:"亦以相统理。"是也。云"则皆恭事助其祭享<sup>⑤</sup> 也"者,祭享谓四时及禘祫也。于此祭享之时,所统之人则皆恭其职事,献其所有, 以助于君。故云助其祭享也。治家者,不敢失于臣妾,而况于妻子

① "金",原作"今",据(礼记·礼器)注改。

② "篆"原作"篆",按阮校:"闽、毛本'篆荡'作'篆荡',是也。"据改。

② "言徵贱之者",《正误》作"言国之微者",又云下"国"字衍。

④ "况惜",闽、监、毛本作"说指"。

⑤ "享",石台本作"亨"。

乎?理家,谓卿大夫。臣妾,家之贱者。妻子,家之贵者。故得人之欢心, 以事其亲。卿大夫位以材进,受禄养亲,若能孝理其家,则得小大之欢心,助其 【疏】"治家者"至"其亲"。 〇正义曰:说卿大失之孝治也。言以孝道理 治其家者,不敢失于其家臣妾贱者,而况于妻子之贵者乎? 言必不失也。故得其 家之欢心,以承事其亲也。 ○注"理家"至"贵者"。 ○正义曰:云"理家,谓卿 大夫"者,此依郑注也。案下章云:"大夫有争臣三人,虽无道,不失其家。"(礼记: 王制》曰"上大夫卿",则知治家谓卿大夫。云"臣妾,家之贱"者,案(尚书·费誓) 曰:"窃马牛,诱臣妾。"孔安国云:"诱偷奴婢。"既以臣妾为奴婢,是家之贱者也。 云"妻子,家之贵"者,案(礼记):哀公问于孔子,孔子对曰:"妻者亲<sup>①</sup> 之主也,敢不 敬与?子者亲之后也,敢不敬与?"是妻、子家之贵者也。 ○注"鄭大夫"至"奉 养"。 ○正义曰:云"卿大夫位以材进"者,案(毛诗传)曰:"建邦能命,龟田能施, 命作器能铭,使能造,命升高能赋,师旅能誓,山川能说,丧纪能诔,祭祀能语:君子 能此九者,可谓有德音,可以为大夫。"是位以材进也。云"受禄养亲"者,若能孝理 其家,则受其所禀之禄,以养其亲。云"若能孝理其家,则得小大之欢心"者,谓小 大皆得其欢心。小谓臣妾,大谓妻子也。云"助其奉养"者,案《礼记·内则》称子事 父母,妇事舅姑,日以"鸡初鸣,咸盥漱,以适父母、舅姑之所。问衣燠寒,饘、酏、 酒、醴、芼、羹、菽、麦、蒉<sup>②</sup>、稻、黍、粱<sup>③</sup>、秫,唯所欲。枣、栗、饴、蜜以甘之。父母、舅 姑必尝之而后退"。此皆奉养事亲也。天子诸侯继父而立,故言先王、先君也。大 夫唯贤是授,居位之时,或有俸禄以逮于亲,故言其亲也。注顺经文,所以言助其 奉养,此谓事亲生之义也。若亲以终没,亦当言助其祭祀也。明王言"不敢遗小国 之臣"、诸侯言"不敢侮于鳏寡"、大夫言"不敢失于臣妾"者,刘炫云:"遗谓意不存 录,侮谓忽慢其人,失谓不得其意。"小国之臣位卑,或简其礼,故云不敢遗也。鳏 寨人中贱弱,或被人轻侮欺陵,故曰不敢侮也。臣妾营事产业,宜须得其心力,故 云不敢失也。明王"况公侯伯子男"、诸侯"况士民"、卿大夫"况妻子"者,以王者尊 贵,故况列国之贵者;诸侯差卑,故况国中之卑者,以五等皆贵,故况其卑也;大夫 或事父母,故况家人之贵者也。夫然,故生则亲安之,祭则鬼享 ②之。

① "亲"原作"君",按阮校:"《正误》'君'作'亲',是也。"据改。

② "蒉"原作"篑",按阮校:"案(礼记)作'蒉',诸本从'竹',非也。"据改。

③ "粱"原作"梁",按阮校:"毛本'梁'作'粱',不误。"据改。

④ "享",石台本作"亨",注同。

夫然者,上孝理<sup>①</sup> 皆得欢心,则存安其荣,没享其祭。是以天下和平,灾害 不生,祸乱不作。上敬下欢,存安没享,人用和睦,以致太平,则灾害祸乱,无 因而起。故明王之以孝治天下也如此。言明王以孝为理,则诸侯以下化 而行之,故致如此福应。 【疏】"夫然"至"如此"。 〇正义曰:此总结天子、诸 侯、卿大夫之孝治也。言明王孝治其下,则诸侯以下各顺其教,皆治其国家也。如 此各得欢心,亲若存则安其孝养,没则享其祭祀,故得和气降生,感动昭昧。是以 普天之下,和睦太平,灾害之萌不生,祸乱之端不起。此谓明王之以孝治天下也, 能致如此之美。 ○注"夫然者"至"其祭"。 ○正义曰:云"夫然者,上孝理皆得 欢心"者,此谓明王、诸侯、大夫能行孝治,皆得其欢心也。云"则存安其荣"者,释 "生则亲安之"。云"没享其祭"者,释"祭则鬼享之"也。 ○注"上敬"至"而起"。 ○正义曰:此释"天下和平",以皆由明王孝治之所致也。皇侃云:"天反时为灾, 谓风雨不节:地反物为妖,妖即害物,谓水旱伤禾稼也。善则逢殃为祸,臣下反逆 为乱也。" 〇注"言明"至"福应"。 〇正义曰:云"言明王以孝为理,则诸侯以下 化而行之"者,案上文有明王、诸侯、大夫三等,而经独育明王孝治如此者,言由明 王之故也,则诸侯以下搴而行之,而功归于明王也。云"故致如此福应"者,福,谓 天下和平;应,谓灾害不生,祸乱不作。《诗》云: 有觉德行,四国顺 之。""觉、大也。义取天子有大德行,则四方之国顺而行之。 【疏】"诗云"至"顺 之"。 〇正义曰:夫子述昔时明王孝治之义毕,乃引(大雅·抑篇)赞美之也。言 天子身有至大德行,使四方之国皆顺而行之。 〇注"觉大"至"行之"。 〇正义 曰:云"觉,大也",此依郑注也。故《诗笺》云:"有大德行,则天下顺从其化。"是以 觉为大也。云"义取天子有大德行,则四方之国顺而行之"者,宫引(诗)之大意如 此也。

① "上孝理",闽、监、毛本同,石台本、岳本作"然上孝理"。

# 孝经注疏卷第五

### 圣治章第九

【疏】正义曰:此言曾子闻明王① 孝治以致和平,因问圣人之德,更有大于孝否? 夫子因问而说圣人之治,故以名章,次(孝治)之后。

曾子曰:"敢问圣人之德,无以加于孝乎?"参问明王孝理以致 和平,又何圣人德教更有大于孝不? 子曰:"天地之性人为贵。贵其异于 万物也。人之行莫大于孝,孝者,德之本也。孝莫大于严父,万物资始 于乾,人伦资父为天。故孝行之大,莫过尊严其父也。严父莫大于配天,则 周公其人也。谓父为天、虽无贵贱,然以父配天之礼始自周公,故曰其人也。 【疏】"曾子"至"其人也"。 〇正义曰:夫子前说孝治天下,能致灾害不生,祸乱 不作,是言德行之大也。将言圣德之广,不过于孝,无以发端,故又假曾子之问曰: 圣人之德, 更有加于孝平? 乎犹否也。夫子承问而释之曰: 天地之性人为贵。性, 生也。言天地之所生,唯人最贵也。人之所行者,莫有大于孝行也。孝行之大者, 莫有大于尊严其父也。严父之大者,莫有大于以父配天而祭也。言以父配天而祭 之者,则文王之子、成王叔父周公是其人也。 ()注"贵其"至"物也"。 ()正义 曰:此依郑注也。夫称贵者,是殊异可重之名。案(礼运)曰:"人者五行之秀气 也。"(尚书)曰:"惟天地万物父母,惟人万物之灵。"是异于万物也。 〇注"万物" 至"父也"。 〇正义曰:云"万物资始于乾"者,《易》云"大哉乾元,万物资始"是 也。云"人伦资父为天"者、《曲礼》曰:"父之仇、弗与共戴天。"郑玄曰:"父者子之 天也,杀己之天,与共戴天,非孝子也。"杜预(左氏传注<sup>②</sup>)曰:"妇人在室则天父,出 则天夫。"是人伦资父为天也。云"故孝行之大莫过尊严其父也"者,尊,谓崇也; 严,敬也。父既同天,故须尊严其父,是孝行之大也。 〇注"谓父"至"人也"。

① "王",监本作"至",误。

② "注"字原无,按阮校:"'日'上当有'注'字。"据补。

○正义曰:云"谓父为天,虽无贵贱"者,此将释配天之礼,始自周公,故先张此文, 言人无限贵贱,皆得谓父为天也。云"然以父配天之礼,始自周公,故曰其人也" 者,但以父配天,遍检群经,更无殊说。案(礼记)有虞氏尚德,不郊其祖,夏殷始尊 祖于郊,无父配天之礼也,周公大圣而首行之。礼无二尊,既以后稷配郊天,不可 又以文王配之。五帝,天之别名也。因享明堂,而以文王配之,是周公严父配天之 义也,亦所以申文王有尊祖之礼也。经称"周公其人",注顺经旨,故曰始自周公 也。昔者周公郊祀后稷以配天,后稷,周之始祖也。郊谓圜丘祀①天也。 周公摄政,因行郊天之祭,乃尊始祖以配之也。宗祀文王于明堂,以配上 帝。明堂,天子布政之宫也。周公因祀五方上帝于明堂,乃尊文王以配之也。 是以四海之内,各以其职来②祭。君行严配之礼,则德教刑于四海。海 内诸侯,各修其职来助祭也。夫圣人之德,又何以加于孝乎? 言无大于 【疏】"昔者"至"孝乎"。 〇正义曰:前陈周公以父配天、因言配天之事。 自昔武王既崩,成王年幼即位,周公摄政,因行郊天祭礼,乃以始祖后稷配天而祀 之。因祀五方上帝于明堂之时,乃尊其父文王,以配而享之。尊父祖以配天,崇孝 享以致敬,是以四海之内有土之君各以其职贡来助祭也。既明圣治之义,乃总其 意而答之也。周公,圣人,首为尊父配天之礼,以极于孝敬之心。则夫圣人之德, 又何以加于孝乎?是言无以加也。 〇注"后稷"至"配之"。 〇正义曰:云"后 稷,周<sup>③</sup> 之始祖也"者,案《周本纪》云:"后稷名弃,其母有邰氏女,曰姜嫄<sup>④</sup>。为帝 喾元妃,出野见巨人迹,心忻然,欲践之。践之而身动如孕者,居期而生子。以为 不祥,弃之隘巷,马牛过者皆辟不践;徙置之林中,适会山林多人,迁之而弃渠中冰 上,飞鸟以其翼覆荐⑤之。姜嫄以为神,遂收养长之。初欲弃之,因名曰弃。弃为 儿,好种树麻、菽。及为成人,遂好耕农。帝尧举为农师,天下得其利,有功。帝舜 曰:'弃,黎民祖<sup>⑥</sup> 饥,尔后稷播时百谷。'封弃于邰,号曰后稷。"后稷曾孙公刘复修

① "祀", 监本作"配", 误。

② "来"后,石台本、唐石经、宋熙宁石刻本、闽、监本、正义本有"助"字。

③ "周"后原有"公"字,按阮校:"'公'字衍文。"据删。

④ "嫄"原作"原",闽、监、毛本作"嫄",按:依文意及上下文,作"嫄"字为宜。据改。

む "荐", 监本、毛本作"藉"。

⑥ "祖"原作"阻",按阮校:"〈史记·周本纪〉'阻'作'始',段玉裁〈尚书撰异〉云: 〈今文尚书〉作'祖'。"据改。

其业。自后稷至王季十五世而生文王,受命作周。案(毛诗·大雅·生民)之序曰: "生民,尊祖也。后稷生于姜嫄,文、武之功起于后稷,故推以配天爲。"是也。云 "郊谓圜丘祀天也"者,此孔传文。祀,祭也。祭天谓之郊。(周礼·大司乐)云:"凡 乐,圈钟为宫,黄钟为角,大蔟为徵,沾洗为羽。雷鼓雷鼗,孤竹之管,云和之琴瑟, 云门之舞。冬日至,于地上之圜丘奏之,若乐六变,则天神皆降,可得而礼矣。"《郊 特性)曰:"郊之祭也,迎长日之至也,大报天而主日也。兆于南郊,就阳位也。"又 曰:"郊之祭也,大报本反始也。"言以冬至之后,日渐长,郊祭而迎之,是建子之月 则与经俱郊祀于天。明圃丘南郊也。云"周公摄政,因行郊天之祭,乃尊始祖以配 之也"者,案《文王世子》称:"仲尼曰:'昔者周公摄政,践阼 $^{\oplus}$  而治,抗世子法于伯 禽,所以善成王也。'"则郊祀是周公摄政之时也。《公羊传》曰:"郊则曷为必祭稷? 王者必以其祖配。王者则曷为必以其祖配?自内出者,无主 不行;自外至者,无 主不止。"言祭天则天神为客,是外至也。须人为主,天神乃至。故尊始祖以配天 神,侑坐而食之。案《左氏传》曰:"凡祀,启蛰而郊。"又云:"郊祭后稷,以祈农事 也。"而郑注《礼·郊特牲》乃引《易》说曰:"三王之郊,一用夏正建寅之月也。"此言 迎长日者。建卯而昼夜分,分而日长也。然则春分而长短分矣。此则迎在未分之 前,至谓春分之日也。夫至者,是长短之极也。明分者,昼夜均也。分是四时之 中,启蛰在建寅之月,过至而未及分,必于夜短,方为日长,则(左氏传)不应言启蛰 也。若以日长有斯,郊可预迎,则其初长宜在极短之日。故知(传)启蛰之郊,是祈 农之祭也。 (周礼)冬至之郊,是迎长日报本反始之祭也。 郑玄以(祭法)有周人禘 喾之文,遂变郊为祀感生之帝,谓东方青帝灵威仰,周为本德。威仰木帝<sup>③</sup>,以驳之 曰:"案《尔雅》曰:'祭天曰燔柴,祭地曰瘗薶。'又曰:'禘,大祭也。'谓五年一大祭 之名。又(祭法)祖有功,宗有德,皆在宗庙,本非郊配。"若依郑说,以帝喾配祭圜 丘,是天之最尊也。周之尊帝喾,不若后稷。今配青帝,乃非最尊,实乖严父之义 也。且遺窺经籍,并无以帝喾配天之文。若帝喾配天,则经应云裕喾于圜丘以配 天,不应云郊祀后稷也。天一而已,故以所在祭在郊,则谓为圜丘,言于郊为坛,以 象圈天。圆丘即郊也,郊即圆丘也。其时中郎马昭抗章,固执当时,敕博士张融质 之。融称汉世英儒自董仲舒、刘向、马融之伦 , 皆斥周人之祀昊天于郊, 以后稷

① "阼"原作"祚",按阮校:"监、毛本'祚'作'阼',是也。"据改。

② "主",《公羊传》作"匹",注云:合也。

① "帝"后,《仪礼经传通解续》有"以后稷配苍龙精也韦昭所著亦符此说惟魏太常王肃独著论"廿五字。

④ "伦",孙校:"《祭法》正义引作'论'。"

配,无如玄说配苍帝也。然则〈周礼〉圆丘,则〈孝经〉之郊。圣人因尊事天,因卑事 地,安能复得祀帝喾于圜丘,配后稷于苍帝之礼乎?且在〈周颂〉"思文后稷,克配 彼天",又《昊天有成命》郊祀天地也。则郊非苍帝,通儒同辞,肃说为长。伏以孝 为人行之本,祀为国事之大。孔圣垂文,固非臆说。前儒诠证,各擅一家。自顷修 撰,备经斟覆,究理则依王肃为长,从众则郑义已久。王义长(圣证)之论,郑义长 于〈三礼义宗〉<sup>①</sup>。王、郑是非,于〈礼记〉其义文多,卒难详缕说。此略据机要,且举 ○注"明堂"至"之也"。 ○正义曰:云"明堂,天子布政之宫也"者,案 《礼记》明其堂位, 昔者周公<sup>②</sup>"朝诸侯于明堂之位, 天子负斧依南乡而立"。"明堂 也"者,明诸侯之尊卑也。制礼作乐,颁度量而天下大服,知明堂是布政之宫也。 云"周公因祀五方上帝于明堂,乃尊文王以配之也"者,五方上帝,即是上帝也。谓 以文王配五方上帝之神,侑坐而食也。案郑注《论语》云:"皇皇后帝,并谓太徽五 帝。在天为上帝,分王五方为五帝。"旧说明堂在国之南,去王城七里,以近为蝶; 南郊去王城五十里,以远为严。五帝卑于昊天,所以于郊祀昊天,于明堂祀上帝 也。其以后稷配郊,以文王配明堂,义见于上也。五帝谓东方青帝灵威仰,南方赤 帝赤熛怒,西方白帝白招拒,北方黑帝汁光纪,中央黄帝含枢纽。郑玄云:"明堂居 国之南,南是明阳之地,故曰明堂。"案《史记》云:"黄帝接万灵于明庭。"明庭即明 堂也。明堂起于黄帝。《周礼·考工记》曰:"夏后氏<sup>②</sup> 世室,殷人重麈,周人明堂。" 先儒旧说,其制不同。案《大戴礼》云:"明堂凡九室,一室而有四户八牖,三十六户 七十二膽,以茅盖屋,上園下方。"郑玄据〈授神契〉云:"明堂上園下方,八牖四烟。" (考工记)曰:"明堂五室。"称九室者,或云取象阳数也:八牖者,阴数也,取象八风 也;三十六户,取象六甲子之爻,六六三十六也;上圃象天,下方法地;八篇者即<sup>①</sup>八 节也,四因者象四方也;称五室者,取象五行,皆无明文也,以意释之耳。此言宗祀 于明堂,谓九月大享灵威仰等五帝,以文王配之,即《月令》云:"季秋大享帝。"注 云:"遍祭五帝,以其上言举五谷之要,藏帝藉 之收于神仓,九 月西方成事,终

① "王义长圣证之论郑义长于三礼义宗"原作"王义其圣证之论郑义其于三礼义宗",按阮校:"'其'并'长'字之误。"据改。

② "堂位昔者周公"原作"其二端注明堂",按阮校:"《正误》'其二端注明堂'作'堂位昔者周公',是也。"据改。

③ "氏"原作"曰",按阮校:"案'曰'当作'氏'。"据改。

④ "即",(正误):"'即'作'象'。"

⑤ "藉",《月令》同,阆、监、毛本作"籍"。

⑥ "九"原作"六",按阮校:"案'六'当作'九'。"据改。

而报功也。" 〇注"君行"至"祭也"。 〇正义曰:云"君行严配之礼"者,此谓宗 祀文王于明堂以配天是也。云"则德教刑于四海,海内诸侯各修其职,来助祭也" 者,谓四海之内,六服诸侯,各修其职,贡方物也。案(周礼·大行人)以"九仪辨诸 侯之命,庙中将币三享"。又曰"侯服贡祀物",郑云:"牺牲之属。""甸服贡旗物", 注云:"丝泉 也。""男服贡器物",注云:"尊彝之属也。""采服贡服物",注云:"玄 **编绵纩也。""卫服贡材物",注云:"八材也。""要服贵货物",注云:"龟贝也。"此是** 六服,诸侯各修其职来助祭。又若《尚书·武成篇》云:"丁未,祀于周庙,邦甸侯卫 验奔走,执豆伤。"亦是助祭之义也。故亲生之膝下,以养父母日严。 亲,犹爱也。膝下,谓孩幼之时也。言亲爱之心,生于孩幼。比及年长,新识义方, 则日加尊严,能致敬于父母也。圣人因严以教敬,因亲以教爱。圣人因 其亲严之心,敦以爱敬之教。故出以就傅,趋而过庭,以教敬也;抑搔痒痛,悬②衾 箧枕,以数爱也。圣人之教不肃而成,其政不严而治。圣人顺群心以 行爱敬,制礼则以施政教,亦不待严肃而成理也。其所因者本也。本谓孝也。 【疏】"故亲"至"本也"。 〇正义曰:此更广陈严父之由。盲人伦正性,必在蒙 幼之年:教之则明,不教则昧。言亲爱之心,生在其孩幼膝下之时,于是父母则教 示;比及年长,新识义方,则日加尊严,能致敬于父母,故云"以养父母日严"也。是 以圣人因其日严而教之以敬,因其知亲而教之以爱,故圣人因之以施政教,不待严 肃自然成治也。然其所因者在于孝也。言本皆因于孝道也。 ○注"亲犹"至"母 也"。 〇正义曰:云"亲犹爱也"者,嫌以亲为父母,故云亲犹爱也。云"膝下谓孩 幼之时也"者,案《内则》云:"子生三月,妻以子见于父,父执子之右手,孩而名之。" 案《说文》云:"孩,小儿笑也。"谓指其颐下,令之笑而为之名。故知膝下谓孩幼之 时也。云"亲爱之心生于孩幼之时也"者,言孩幼之时,已有亲爱父母之心生也。 云"比及年长,新识义方,则日加尊严,能致敬于父母也"者,(春秋左氏传):石碏 曰:"臣闻:爱子,教之以义方。"方犹道也,谓教以仁义合宜之道也。其教之者,案 (礼记·内则);"子能食<sup>③</sup>食,数以右手;能言,男'唯'女'俞';男鞶革,女攀丝。六 年,教之数与方名。七年,男女不同席,不共食。八年,出入门户,及即席饮食,必

① "桌"原作"帛",按阮校:"案'帛'当作'臬'。"据改。

② "悬", 阮校: "石台本亦作'悬', 岳本作'县', 案当作'县'。"

③ "食"原作"饮",按阮校:"案'饮'当作'食',疑与下'食'字重,遂改为'饮'。"据 改。

后长者;始教之让。九年,教之数日<sup>①</sup>。"又《曲礼》云;"幼子常视无诳,立必正方,不 倾听;与之提携,则两手奉长者之手,负剑辟咡;诏之,则掩口而对。"注约彼文为 说,故曰日加尊严,言子幼而诲,及长则能致敬其亲也。 〇注"圣人"至"爱也"。 ○正义曰:父子之道,简易则慈孝不接,狎蛚怠慢生焉。故圣人因其亲严之心, 敦以爱敬之教也。云"出以就傅"者,案《礼记·内则》云:"十年,出就外傅,居宿于 外,学书计。"郑云:"外傅,教学之师也。谓年十岁出就外傅,居宿于外,就师而学 也。"案十年出就外傅,指命士已上。今此引之,则尊卑皆然也。云"趋而过庭,以 教敬也"者,言父之与子,于礼不得常同居处也。案〈论语〉云:"陈亢问于伯鱼曰: '子亦有异闻乎?'对曰:'未也。尝独立,鲤趋而过庭。曰:学(诗)乎?对曰:未也。 "不学〈诗〉,无以言。"鲤退而学〈诗〉。他日,又独立,鲤趋而过庭②,曰:学礼乎?对 曰:未也。"不学礼,无以立。"鲤退而学礼。闻斯二者。'陈亢退而喜曰:'问一得 三:闻〈诗〉,闻〈礼〉,又闻君子之远其子也。'"故注约彼文以为说也。云"抑搔痒 痛,悬衾箧枕,以教爱也③"者,此并约《内则》文。案彼云:"以适父母、舅姑之所。 及所.下气怡声,问衣燠寒,疾痛疴。痒,而敬抑搔之。父母、舅姑将坐,奉席请何 乡:将衽,长者奉席请何趾。少者执床与坐。御者举几,敛席与簟,悬衾,箧枕,敛 簟而褐之。"郑注云:"须卧乃敷之也。褐,韬也。是父母未寝,故衾被则悬,枕则置 箧中。言子有近父母之道,所以教其爱也。夫爱以敬生,敬先于爱,无宜心待教,而 此言教敬爱者。"(礼记·乐记)曰:"乐者为同,礼者为异。同则相亲,异则相敬。乐 胜则流,礼胜则离。"乐胜则流<sup>⑥</sup>,是爱深而敬薄也。礼胜则离,是严多而爱杀也。 不教敬则不严,不和<sup>②</sup> 亲则忘爱,所以先敬而后爱也。旧注取(士章)之义,而分 爱、敬父母之别,此其失也。 〇注"圣人"至"理也"。 〇正义曰:云"圣人顺群 心以行爱敬"者,圣人谓明王也。圣者通也。称明王者,宫在位无不照也。称圣人 者,言用心无不通也。顺群心者,则首章"以顺天下"是也。以行爱敬者,则天子能

① "日"原作"目",按阮校:"监、毛本'目'作'日',不误。"据改。

② "曰学诗乎"至"过庭"二十九字原无,阮校:"《正误》云:下脱'曰学诗乎对曰未也不学诗无以言鲤退而学诗他日又独立鲤趋而过庭'廿九字。"按:依文意,有此廿九字为宜,据补。

③ "也"前原有"者"字,按阮校:"案注无上'者'字,此衍文也。"据删。

④ "疴",《礼记》作"苛"。

⑤ "无宜",浦镗云:"'无宜'疑误倒,或'宜'为'容'字之误。"

⑥ "礼胜"至"则流"八字原脱,据《礼记·乐记》及文意补。

⑦ "和",《正误》:"和"作"教"。

爱亲敬亲者是也。云"制礼则以施政教"者,则德教加于百姓是也。云"亦不待严 肃而成理也"者,盖育王化顺此而行也。言亦者,(三才章)已有成理之言,故云亦 ○注"本谓孝也"。 ○正义曰:此依郑注也。首章云:"夫孝,德之本也。" 也。 (制旨)曰:"夫人伦正性,在蒙幼之中。导之斯通,壅之斯蔽。故先王慎其所养,于 是乎有胎中之教,膝下之训。感之以惠和,而日亲焉;期之以恭顺,而日严焉;夫亲 也者,缘乎正性而达人情者也。故因其亲严之心,教以爱敬之范,则不严而治,不 肃而成。"谓其本于先祖也。父子之道,天性也,君臣之义也。父子之 道,天性之常,加以尊严,又有君臣之义。父母生之,续莫大焉。父母生子, 传体相续。人伦之道,莫大于斯。君亲临之,厚莫重焉。谓父为君,以临于 己。恩义之厚,莫重于斯。 【疏】"父子"至"重焉"。 〇正义曰:此言父子恩亲 之情,是天生自然之道。父以尊严临子,子以亲爱事父。尊卑既陈,贵贱斯位,则 子之事父,如臣之事君。(易)称"乾元资始","坤元资生"。又(论语)曰:"子生三 年,然后免于父母之怀。"是父母生己,传体相续,此为大焉。言有父之尊同君之 敬,恩义之厚,此最为重也。 ○注"父子"至"之义"。 ○正义曰:云"父子之道, 天性之常"者,父子之道,自然慈孝,本乎天性,则生爱敬之心,是常道也。云"加以 尊严.又有君臣之义"者,言父子相亲本于天性,慈孝生于自然,既能尊严于亲,又 有君臣之义。故(易·家人)卦曰:"家人有严君焉,父母之谓也。"是谓父母为严君 也。 〇注"父母"至"于斯"。 〇正义曰:案(说文)云:"续,连也。"言子继于父 母,相连不绝也。《易》称"生生之谓《易》",言后生次于前也。此则传续之义也。 ○注"谓父"至"于斯"。 ○正义曰:上引(家人)之文,言人子之道,于父母有严 君之义。此章既陈圣治,则事系于人君也。案(礼记·文王世子)称昔者尚公摄政, "抗世子法于伯禽,使之与成王居,欲令成王之知父子、君臣之义。君之于世"子 也,亲则父也,尊则君也。有父之亲,有君之尊,然后兼天下而有之"者,言既有天 性之恩,又有君臣之义,厚重莫过于此也。故不爱其亲而爱他人者,谓之 悖德;不敬其亲而敬他人者,谓之悖礼。言尽爱敬之道,然后施教于 人, 违此则于德礼为悖也。以顺则逆, 民无则焉。行教以顺人心, 今自逆 之,则下无所法则也。不在于善,而皆在于凶德。善,谓身行爱敬也。凶,

① "亲", 《正误》: "亲"作"爱"。

②""世"原作"太",阮校:"案《礼记》'太'作'世'。"按:依文意,作"世"字为宜,据改。

谓悖其德礼也。虽得之,君子不贵也。言悖其德礼,虽得志于人上,君子 之<sup>①</sup> 不贵也。 【疏】"故不"至"贵也"。 〇正义曰:此说爱敬之失,悖于德礼之 事也。所谓不爱敬其亲者,是君上不能身行爱敬也。而爱他人敬他人者,是教天 下行爱敬也。君自不行爱敬,而使天下人行,是谓悖德悖礼也。唯人君合行政教、 以顺天下人心。今则自逆不行,翻使天下之人法行于逆道,故人无所法则,斯乃不 在于善,而皆在于凶德。在,谓心之所在也。凶,谓凶害于德也。如此之君,虽得 志于人上,则古先哲王圣人君子之所不贵也。 〇注"言尽"至"悖也"。 〇正义 曰:云"盲尽爱敬之道,然后施教于人"者,此孔传也,则(天子章)言"爱敬尽于事 亲,而德教加于百姓"是也。云"违此则于德礼为悖也"者,案(礼记·大学)云:"尧 舜率天下以仁,而民从之。桀纣率天下以暴,而民从之。其所令反其所好,而民不 从。是故君子有诸己而后求诸人,无诸己而后非诸人。所藏乎身不恕,而能喻诸 人者,未之有也。"是知人君若违此不②尽爱敬之道,而教天下人行爱敬,是悖逆于 德礼也。 〇注"善谓"至"礼也"。 〇正义曰:云"善谓身行爱敬也"者,谓身行 爱敬,乃为善也。云"凶谓悖其德礼也"者,悖犹逆也,言逆其德礼则为凶也。 注"言悖"至"贵也"。 〇正义曰:云"悖其德礼"者,此依魏注也,谓人君不行爱敬 于其亲。郑注云"悖若桀纣"是也。云"虽得志于人上者,君子之不贵也"者,言人 君<sup>③</sup> 如此,是虽得志居臣人之上,幸免纂逐之祸,亦<sup>④</sup> 圣人君子之所不贵,言贱恶 之也。君子则不然,不悖德礼也。言思可道,行思可乐。思可道而后 言,人必信也;思可乐而后行,人必悦也。德义可尊,作事可法。立德行义, 不违道正,故可尊也;制作事业,动得物宜,故可法也。容止可观,进退可 度。容止,威仪也,必合规矩,则可观也;进退,动静也,不越礼法,则可度也。以 临其民,是以其民畏而爱之,则而象之。看行六事,临抚<sup>⑤</sup> 其人,则下 畏其威,爱其德,皆放象于君也。故能成其德教,而行其政令。上正身以 率下,下顺上而法之,则德教成,政令行也。 【疏】"君子"至"政令"。 〇正义

<sup>⊕ &</sup>quot;之", 阮校: 岳本"之"下增"所"字, 正义亦无, 浦镗云: "脱'所'字。"误。

② "遗此不"原作"达此",按阮校:"闽、监、毛本'达'作'遗','此'下有'不'字,是也。"据改、补。

③ "人君"原作"君子",按阮校:"浦镗云'君子'当'人君'误。是也。"据改。

④ "亦"原作"言",按阮校:"浦镗云'言'当'亦'字误,是也。"据改。

⑤ "抚",岳本作"于",正义同底本。

曰:前说为君而为悖德礼之事,此言圣人君子则不然也。君子者,须慎其言行、动 止、举措。思可道而后言,思可乐而后行,故德义可以尊崇,作业可以为法,威容可 以观望,进退皆修礼法:以此六事君临其民,则人畏威而亲爱之,法则而象效之。 故德教以此而成,政令以此而行也。 〇注"不悖德礼也"。 〇正义曰:此依魏 注也。言君子举措皆合德礼,无悖逆也。 ○注"思可"至"悦也"。 ○正义曰: 言者心之声也,思者心之虑也,可者事之合也,道谓<sup>①</sup> 陈说也,行谓施行也,乐谓使 人悦服也。(礼记·中庸)称天下至圣"言而民莫不信,行而民莫不说"也。 孔传也。刘炫云:"德者得于理也,义者宜于事也。得理在于身,宜事见于外。"谓 理得事宜,行道守正,故能为人所尊也。知"制作事业,动得物宜,故可法也"者,作 谓造立也,事谓施为也。(易)曰:"举而措之天下之民,谓之事业。"言能作众物之 端,为器用之式,造立于已,成式于物,物得其宜,故能使人法象也。 至"度也"。 〇正义曰:"容止,威仪也,必合规矩,则可观也"者,此依孔传也。容 止,谓礼容所止也,《汉书·儒林传》云"鲁徐生善为容<sup>③</sup>,以容为礼,官大夫"是也。 威仪,即《仪礼》也,《中庸》云"威仪三千"是也。《春秋左氏传》曰:"有威而可畏谓 之威,有仪而可象谓之仪。"言君子有此容止威仪,能合规矩。案《礼记·玉藻》云: "周还中规,折还中矩。"郑云:"反行也宜圃,曲行也宜方。"是合规矩,故可观。云 "进退动静也"者,进则动也,退则静也。案(易·乾·文言)曰:"进退无常,非离群 也。"又〈艮卦·彖〉曰:"时止则止,时行则行,动静不失其时,其道光明。"是进退则 动静也。云"不越礼法,则可度也"者,动静不乖越礼法,故可度也。 ○注"君行" 至"君也"。 〇正义曰:云"君行六事,临抚其人"者,言君施行六事,以临抚下人。 六事即"可度"以上之事有六也。云"则下畏其威,爱其德,皆放象于君也"者、案 《左传》北宫文子对卫侯说威仪之事,称"有威而可畏谓之威,有仪而可象谓之仪。 君有君之威仪,其臣畏而爱之,则而象之"。又因引"(周书)数文王之德曰:'大国 畏其力,小国怀其德。'言畏而爱之也。《诗》云:'不识不知,顺帝之则。'言则而象 之也"。又云:"君子在位可畏,施舍可爱,进退可度,周旋可则,容止可观,作事可 法,德行可象,声气可乐,动作有文,言语有章,以临其下,谓之有威仪也。"据此,与 经虽稀殊别,大抵皆叙君之威仪也。故经引《诗》云:"其仪不忒。"其义同也。 注"上正"至"行也"。 ○正义曰:云"上正身以率下"者,此依孔传也。《论语》:

① "谓"原作"者",按阮校:"闽、监、毛本'者'作'谓',不误。"据改。

② "云"原作"此",按阮校:"《正误》'此'作'云',是也。"据改。

⑤ "容",《汉书·儒林传》作"颂"。

"孔子对季康子曰:'子率以正,孰敢不正?'"又曰:"其身正,不令而行。"是正其身之义也。云"下顺上而法之"者,言正其身以率下,则下人皆从之,无不法。"则德教成,政令行也"者,言风化当如此也。《诗》云:'淑人君子,其仪不忒。'"淑,善也。忒,差也。义取君子威仪不差,为人法则。 【疏】"诗云"至"不忒"。 〇正义曰:夫子述君子之德既毕,乃引〈曹风·鸤鸠〉之诗以赞美之,言善人君子威仪不差失也。 〇注"淑善"至"法则"。 〇正义曰:云"淑,善也。忒,差也",此依郑注也。"淑,善"人释诂〉文。〈释言〉云:"爽,差也。""爽,忒也。"转互相训,故忒得为差也。云"义取君子威仪不差,为人法则"者,亦言引〈诗〉大意如此也。

# 孝经注疏卷第六

### 纪孝行<sup>®</sup>章第十

【疏】正义曰:此章纪录孝子事亲之行也。前章孝治天下,所施政教,不待严肃,自然成理,故君子皆由事亲之心,所以孝行有可纪也。故以名章,次《圣治②》之后。或于"孝行"之下,又加"犯法"两字,今不取也。

子曰:"孝子之事亲也,居则致其敬,平居必尽其敬。养则致其乐,就养能致其欢。病则致其忧,色不满容,行不正履。丧则致其哀,擗踊哭泣<sup>⑤</sup>,尽其哀情。祭则致其严。齐<sup>⑥</sup> 戒沐浴,明发不寐。五者备矣,然后能事亲。五者阙一,则未为能。【疏】"子曰"至"事亲"。 ○正义曰:致犹尽也。言为人子能事其亲而称孝者,谓平常居处家之时也,当须尽于恭敬<sup>⑤</sup>。若进饮食之时,怡颜悦色,致亲之欢<sup>⑥</sup>;若亲之有疾,则冠者不栉,怒不至蜀,尽其忧谨之心;若亲丧亡,则攀号毁瘠,终其哀情也;若卒哀之后,当尽其祥练;及春秋祭祀,又当尽其严肃:此五者,无限贵贱,有尽能备者,是其能事亲。 ○注"平居必尽其敬"。 ○正义曰:此依王注也。平居,谓平常在家,孝子则须恭敬也。案〈礼记·内则〉云:"子事父母,鸡初鸣,咸盥漱,至于父母之所,敬进甘脆而后退。"又〈祭义〉曰:"养可能也,敬为难。"皆是尽敬之义也。 ○注"就养能致其欢"。 ○正义曰:此依魏注也。案〈檀弓〉曰"事亲有隐而无犯,左右就养无方",

① "孝行", 阮校:"正义云:或于'孝行'下又加'犯法'两字,今不取也。"

② "治"原作"人",按阮校:"'人'当作'治'。"据改。

③ "泣",监本作"立",误。

④ "齐",石台本、岳本、闽、监、毛本作"斋"。

⑤ "处家之时也当须尽于恭敬",《正误》:"处"下有"在"字,无"也"字,"于"作"其"。

<sup>&</sup>quot;欢"原作"孝",按阮校:"(正误)'孝'当作'欢',是也。"据改。

言孝子冬温夏清<sup>①</sup>,昏定晨省,及进饮食以养父母,皆须尽其敬安之心。不然,则难 以致亲之欢。 ()注"色不"至"正履"。 ()正义曰:此依郑注也。案(礼记·文王 世子〉云:王季"有不安节,则内竖以告文王,文王色优,行不能正腹"。又下文此 古之世子亦朝夕问于内竖,其有不安节<sup>30</sup>,"世子色忧不满容"。此注减"忧""能"二 字者,以此章通于贵贱,虽拟人非其伦,亦举重以明轻之义也。 〇注"擗踊"至 戒"至"不寐"。 〇正义曰:此皆说祭祀严敬之事也。案(祭义)曰:"孝子将祭,夫 妇斋戒,沐浴盛服,奉承而进之。"言将祭必先斋戒沐浴也。又云:"文王之祭也,事 死如事生。(诗)云:'明发不寐,有怀二人。'文王之诗也。"郑注云:"明发不寐,谓 夜而至旦也。二人,谓父母也。"言文王之严敬祭祀如此也。 ○注"五者"至"为 能"。 〇正义曰:此依魏注也。凡为孝子者,须备此五等事也。五事若阙于一, 则未为能事亲也。事亲者居上不骄,当庄敬以临下也,为下不乱,当恭谨 以奉上也。在丑不争。丑,众也。争,竟也。当和顺以从众也。居上而骄 则亡,为下而乱则刑,在丑而争则兵。谓以兵刃⑤ 相加。三者不 除,虽日用三牲之养,犹为不孝也。"三牲,太牢也,孝以不毁为先。言 上三事皆可亡身,而不除之,虽日致太牢之养,固非孝也。 【疏】"事亲"至"孝 也"。 〇正义曰:此言居上位者不可为骄溢之事,为臣下者不可为挠乱之事,在 丑辈之中不可为忿争之事。是以居上须去骄,不去则危亡也;为下须去乱,不去则 致刑辟:在丑辈须去争,不去则兵刃或加于身。若三者不除,虽复日日能用三牲之 养,终贻父母之忧,犹为不孝之子也。 ○注"丑,众也。争,竟也"。 ○正义曰: 此依魏注也。"丑,众"、《释诂》文。《左传》曰:"师竞已甚。"杜预云:"竞犹争也。" 故注以竞释争也。 〇注"谓以兵刃相加"。 〇正义曰:此依常义。案《左传》 云:"晋范鞅用剑以帅卒。"杜预曰:"用短兵接敌。"此则刃® 剑之属谓之兵也。必 有刃、堪害于人、则(左传)齐庄公请自刃于庙是也。言处侪众之中而每事好争竞、 或有以刃相仇害也。 〇注"三牲"至"非孝也"。 〇正义曰:云"三牲,太牢也"

① "清"原作"清",按阮校:"闽、毛本'清'作'清',是也。"据改。

② "此",阮校:"浦镗云'此'当'记'字误。"

③ "节"原作"止",按阮校:"闽、监、毛本'止'作'节',是也。"据改。

④ "異"原作"奥",按阮校:"《正误》'奥'作'具',是也。"据改。

⑤ "刃",监本作"不",误。

⑥ "刃"、《正误》:"刃"作"刀"。

者,三牲,牛、羊、豕也。案(尚书·召诰)称"越翼日戊午,乃社于新邑,牛一、羊一、豕一"。孔云:"用太牢也。"是谓三牲为太牢也。云"孝以不毁为先"者,则首章"不敢毁伤"也。云"言上三事皆可亡身"者,谓上居上而骄,为下而乱,在丑而争之三事,皆可丧亡其身命也。云"而不除之,虽日致太牢之养,固非孝也"者,言奉养虽优,不除骄、乱及争竞之事,使亲常优,故非孝也。

### 五刑章第十一

【疏】正义曰:此章五刑之属三千。案舜命皋陶云:"汝作士,明于五刑。" 又《礼记·服问①》云:"罪多而刑五,丧多而服五②。"以其服有亲疏,罪有轻重 也,故以名章。以前章有骄乱忿争之事,言此罪恶必及刑辟,故此次之。

子曰:"五刑之属三千,而罪莫大于不孝。五刑,谓墨、斯、斯、宫、大辟也。条有三千,而罪之大者,莫过不孝。要君者无上,君者,臣之<sup>②</sup> 禀命也,而敢要之,是无上也。非圣人者无法,圣人制作礼乐<sup>④</sup>,而敢非之,是无法也。非孝者无亲,善事父母为孝,而敢非之,是无亲也。此大乱之道也。"言人有上三恶,岂唯不孝,乃是大乱之道。【疏】"子曰"至"道也"。 ○正义曰:五刑者,言刑名有五也。三千者,言所犯刑条有三千也。所犯虽异,其罪乃同,故言"之属"以包之。就此三千条中,其不孝之罪尤大,故云"而罪莫大于不孝"也。凡为人子,当须遵承圣教,以孝事亲,以忠事君。君命宜奉而行之,敢要之,是无心遵于上也。圣人垂范,当须法则,今乃非之,是无心法于圣人也。孝者百行之本,事亲为先,今乃非之,是无心爱其亲也。齐木无识,尚感君政<sup>⑤</sup>;禽兽无礼,尚知恋亲。况在人灵?而敢要君,不孝也。逆乱之道,此为大焉。故曰:此大乱之道也。 ○注"五刑"至"不孝"。 ○正义曰:云"五刑,谓墨、剿、削、宫、大辟也"者,

① "服问"原作"问丧",按阮校:"案'问丧'当作'服问'。"据改。

② "罪多而刑五丧多而服五"原作"丧多而服五,罪多而刑五",按阮校:"案此二句误倒,当乙转。"据改。

③ "之",石台本作"所"。

④ "乐",石台本、岳本作"法"。

⑤ "政", 《正误》:"政"作"仁"。

此依魏注也。此五刑之名,皆《尚书·吕刑》文。孔安国云:"刻<sup>①</sup> 其類而涅之曰墨 刑。"赖,额也。谓刻额为疮,以墨塞疮孔,令变色也。墨一名黥。又云:"截鼻曰 朝, 刖足曰剕。"《释言》云:"剕②, 刖也。"李巡曰:"断足曰刖。"是也。又云:"宫,淫 刑也。男子割势,妇人幽闭,次死之刑。"以男子之阴名为势,割去其势与核<sup>③</sup>去其 阴,事亦同也。妇人幽闭,闭于宫,使不得出也。又云:"大辟,死刑也。"案此五刑 之名,见于经传。唐虞以来,皆有之矣。未知上古起自何时。汉文帝始除肉刑,除 墨、劓、揖耳,宫刑犹在。隋开皇之初,始除男子宫刑<sup>①</sup>,妇人犹闭于宫。此五刑之 名义。郑注〈周礼·司刑〉引〈书传〉曰:"决关梁、逾城郭而略盗者,其刑膑。男女不 以义交者,其刑宫。触易君命、革舆服制度、奸轨盗攘伤人者,其刑劓。非事而事 之、出人不以道义而诵不详之辞者,其刑墨。降畔寇贼、勃略夺攘矫虔者,其刑 死。"案《说文》云:"膑,膝<sup>⑤</sup> 骨也。"刖膑谓断其膝骨。此注不言"膑"而云"剕"者, 据〈吕刑〉之文也。云"条有三千,而罪之大者奠过不孝"者,案〈周礼〉"司刑掌五刑 之法,以丽<sup>⑥</sup> 万民之罪。墨罪五百,劓罪五百,宫罪五百,剕罪五百,杀罪五百",合 二千五百。至周穆王,乃命吕侯人为司寇,令其训畅夏禹赎刑,增轻削重,依夏之 法,条有三千。则周三千之条,首自穆王始也。(吕刑)云:"墨罚之属千,劓罚之属 千,铜罚之属五百,宫罚之属三百,大辟之罚其属二百,五刑之属三千。"言此三千 条中,罪之大者,莫有过于不孝也。案旧注说及谢安、袁宏、王献之、殷仲文等,皆 以不孝之罪,圣人恶之,云在三千条外。此失经之意也。案上章云:"三者不除,虽 日用三牲之养,犹为不孝。"此承上不孝之后,而云三千之罪莫大于不孝,是因其事 而便言之,本无在外之意。案《檀弓》云:"子弑父,凡在宫"者,杀无赦。杀其人, 坏其室, 湾其宫而猪焉。"既云"学断斯狱",则明有条可断也。何者? (易·序卦)称 有天地然后万物生焉。自(电)、(蒙)至(篇)、(讼)、即争讼之始也。故圣人法雷电 以申威刑, 所兴其来远矣。唐虞以上, (书传) 靡详, 舜命皋陶有五刑, 五刑斯著。 案《风俗通》曰:"《皋陶谟》,是虞时造也。及周穆王训夏,里悝师魏,乃著《法经》六

① "刻"原作"割",按阮校:"'割'当作'刻'。"据改。

② "刺", 《尔雅》、《说文》作"琲"。

③ "椓",监、毛本作"椓",《说文》作"榖",《玉篇》作"剔"。

④ "隋开皇之初始除男子宫刑",宋王应麟云:"按〈通鉴〉,西魏大统十三年三月除宫刑、非始于隋。"

⑤ "膝", 《说文》作"厀"。

⑥ "丽"原作"厉",按阮校:"'厉'当作'丽'。"据改。

⑦ "宫"原作"官",按阮校:"监本'官'作'宫',是也。"据改。

篇,而以盗贼为首。贼之大者,有恶逆焉,决断不违时,凡赦不免;又有不孝之罪,并编十恶之条。前世不忘,后世为式。"而安、宏不孝之罪,不列三千之条中,今不取也。 〇注"君者"至"无上也"。 〇正义曰:此依孔传也。案〈晋语〉云:"诸大夫迎悼公,公曰:'孤始愿不及此。孤之及此,天也。抑人之有元君,将禀命焉。'"明凡为臣下者,皆禀君教命,而敢要以从己,是有无上之心,故非孝子之行也。若贼武仲以防求为后于鲁、晋舅犯及河授璧请亡之类是也。 〇注"圣人"至"法也"。 〇正义曰:此依孔传也。圣人规模天下,法则兆民,敢有非毁之者,是无圣人之法也。 〇注"善事"至"亲也"。 〇正义曰:孝为百行之本,敢有非毁之者,是无亲爱之心也。 〇注"言人"至"之道"。 〇正义曰:高人不忠于君,不法于圣,不爱于亲:此皆为不孝,乃是罪恶之极,故经以大乱结之也。

### 广要道章第十二

【疏】正义曰:前章明不孝之恶,罪之大者,及要君、非圣人,此乃礼教不容。广宣要道以教化之,则能变而为善也。首章略云至德、要道之事,而未详悉,所以于此申而演之,皆云广也。故以名①章,次〈五刑〉之后。〈要道〉先于"至德"者,谓以要道施化,化行而后德②彰;亦明道德相成,所以互为先后也。

子曰:"教民亲爱,莫善于孝。教民礼顺,莫善于悌<sup>③</sup>。言教人亲爱礼顺,无加于孝悌也。移风易俗,莫善于乐。风俗移易,先入乐声。变随人心,正由君德。正之与变,因乐而彰,故曰莫善于乐。安上治民,莫善于礼。礼所以正君臣、父子之别,明男女、长幼之序,故可以安上化下也。【疏】"子曰"至"于礼"。 〇正义曰:此夫子述广要道 之义。言君欲教民亲于君而爱之者,莫善于身自行孝也。君能行孝,则民效之,皆亲爱其君。欲教民礼于长而顺之者,莫善于身自行悌也。人君行悌,则人效之,皆以礼顺从其长也。欲移易风俗之弊败者,莫善于听乐而正之;欲身安于上,民治于下者,莫善于行礼以帅之。〇注"言教"至"悌也"。 〇正义曰:言欲民亲爱于君,礼顺于长者,莫善于身自行

① "名"原作"右",按阮校:"闽、监、毛本'右'作'名',是也。"据改。

② "德"原作"遍",按阮校:"《正误》'遍'作'德',是也。"据改。

③ "悌",郑注本作"弟"。

① "道"字原无,按阮校:"《正误》'要'下补'道'字,是也。"据补。

○注"风俗"至"于乐"。 ○正义曰:云"风俗移易,先入乐声"者。 孝悌之善也。 子夏(诗序)云:"风,风也,教也。风以动之,教以化之。"韦昭曰:"人之性系于大 人,大人风声,故谓之风。随其趋 $^{\odot}$  舍之情欲,故谓之俗。"《诗序》又曰:"至于王道 衰,礼义废,政教失,国异政,家殊俗,而(变风)、(变雅)作矣。"是"人乐声"之义也。 云"变随人心,正由君德"者、《诗序》又曰:"国史明乎得失之迹,伤人伦之废,哀刑 政之苛,吟咏情性,以风其上。故(变风)发乎情,止乎礼义。发乎情,民之性也。 止乎礼义,先王之泽也。"以斯言之,则知乐者本于情性,声者因乎政教。政教失则 人情坏,人情坏则乐声移:是变随人心也。国史明之,遂吟以风上也。受其风上而 行,其失乃行礼义以正之, 教化以美之。上政既和, 人情自治, 是正由君德也。云 "正之与变,因乐而彰,故曰奠善于乐"者、《诗序》又曰:"治世之音安以乐,其政和。 乱世之音怨以怒,其政乖。亡国之音哀以思,其民困。"又《尚书·益稷篇》:舜曰"予 欲闻六律、五声、八音,在治忽。"孔安国云:"在,察。 天下理治及忽怠者,皆是因乐 而彰也。"案《礼记》云:"大乐与天地同和。"则自生人以来,皆有乐性也。《世本》 曰:"伏羲造琴瑟。"则其乐器渐于伏羲也。史籍皆言黄帝乐曰(云门)、颛顼曰(六 英〉、帝喾曰〈五茎〉、尧曰〈咸池〉、舜曰〈大韶〉、禹曰〈大夏〉、汤曰〈大濩〉、武曰〈大 武》,于<sup>②</sup> 乐之声节,起自黄帝也。 〇注"礼所"至"下也"。 〇正义曰;云"礼所 以正君臣、父子之别,明男女、长幼之序"者,此依魏注也。 (礼) ⑤云:"非礼无以辨 君臣、上下、长幼之位,非礼无以辨 9 男女、父子、兄弟之亲"是也。云"故可以安上 化下也"者,释"安上治民"也。制百口<sup>©</sup>:"礼殊事而合敬,乐异文而同爱<sup>©</sup>。敬爱之 极,是谓要道。神而明之,是谓至德。故必由斯人以弘斯教,而后礼乐兴爲,政令 行焉。以盛德之训传于乐声,则感人深而风俗移易;以盛德之化措诸礼容,则悦者 众而名教著明。蕴乎其乐,章乎其礼,故相待而成矣。然则(韶)乐存于齐,而民不 为之易;《周礼》备于鲁,而君不获其安:亦政教失其极耳,夫岂礼乐之咎乎?"礼

① "趋"原作"越",按阮校:"监、毛本'越'作'趋',是也。"据改。

② "于",《正误》:"于"作"则"。

③ "礼",阮校:"《正误》'云'上补'记'字。"

④ "辨",《礼记》作"别"。

② "制百口",阮校:"闽、监、毛本作'乐记云'。"查《乐记》无后引文字,据前后文, 疑为"制旨曰"。

⑥ "乐异文而同爱","文"原作"人",按阮校:"'人'当作'文'。"据改。"同",《礼记》作"合"。

者,敬而已矣。敬者,礼之本也。故敬其父则子悦,敬其兄则弟悦,敬其君则臣悦,敬一人而<sup>①</sup> 千万人悦:居上敬下,尽得欢心,故曰悦也。所敬者寡而悦者众。此之谓要道也。"【疏】"礼者"至"道也"。 ①正义曰:此承上"莫善于礼"也。言"礼者敬而已矣",谓礼主于敬也。又<sup>②</sup> 明敬功至广,是要道也。其要正以谓天子敬人之父,则其子皆悦;敬人之兄,则其弟皆悦;敬人之君,则其臣皆悦:此皆敬父兄及君一人,则其子弟及臣千万人皆悦,故其所敬者寡而悦者众。即前章所言"先王有至德要道"者,皆此义之谓也。 ②注"敬者,礼之本也"。 ②正义曰:此依郑注也。案《曲礼》曰"毋不敬"是也。 ②注"敬者,礼之本也"。 ②正义曰:云"居上敬下"者,案《尚书·五子之歌》云"为人上者,奈何不敬?"谓居上位,须敬其下。云"尽得欢心,故曰悦也"者,言得欢心,则无所不悦也。案《孝治章》云"故得万国百姓及人之欢心"是也。旧注云"一人,谓父、兄、君。千万人,谓子、弟、臣也"者,此依孔传也,一人指受敬之人,则知谓父、兄、君也。千万人指其喜悦者,则知谓子、弟、臣也。夫子、弟及臣名,何啻千万? 言千万人者,举其大数也。

① "而",毛本作"则",误。

② "又"原作"入",按阮校:"闽、监、毛本'入'作'又',是也。"据改。

# 孝经注疏卷第七

### 广至德章第十三

【疏】正义曰:首章标至德之目,此章明广至德之义。故以名章,次《广 要道》之后。

子曰:"君子之教以孝也,非家至而日见之也。言數不必家到 户至,日见而语之。但行孝于内,其化自流于外。 教以孝,所以敬天下之 为人父者也。教以悌,所以敬天下之为人兄者也。举孝悌以为 教,则天下之为人子弟者,无不敬其父兄也。教以臣,所以敬天下之为人 君者也。举臣道以为教,则天下之为人臣者,无不敬其君也。 【疏】"子曰"至 "君者也"。 〇正义曰:此夫子述广至德之义。言圣人君子,教人行孝事其亲者, 非家家悉至而日见之。但教之以孝,则天下之为人父者,皆得其子之敬也;教之以 悌,则天下之为人兄者,皆得其弟之敬也;教之以臣,则天下之为人 $^{\oplus}$  君者,皆得其 臣之敬。 〇注"言教"至"于外"。 〇正义曰:此依郑注也。《祭义》所谓孝悌发 诸朝廷,行乎道路,至乎阗巷<sup>②</sup>,是流于外。 〇注"举孝"至"父兄也"。 〇正义 曰:云"举孝悌以为教"者,此依王注也。案《礼记·祭义》曰:"祀乎明堂,所以教诸 侯之孝也。食三老五更于太学,所以教诸侯之弟也。"此即谓发诸朝廷,至乎州里 是也。云"则天下之为人子弟者,无不敬其父兄也"者,言皆敬也。案旧注用应劭 《汉官仪》云"天子无父,父事三老,兄事五更",乃以事父事兄为教孝悌之礼。案 礼,教敬 (3) 自有明文。假令天子事三老盖同,庶人倍年以长之敬本非教孝子之事, 今所不取也。 ○注"举臣"至"君也"。 ○正义曰:此依王注也。案〈祭义〉云

① "人"字原无,按阮校:"《正误》'为'下补'人'字,是也。"据补。

② "闾巷",《礼记》作"州巷",下作"州里",亦误。

③ "敬",《正误》:"敬"作"孝"。

"朝觐所以教诸侯之臣也"者,诸侯,列国之君也。君<sup>①</sup> 朝觐于王,则身行臣礼。言 圣人制此朝觐之法,本以教诸侯之为臣也。则诸侯之卿大夫,亦各放象其君,而行 事君之礼也。刘炫以为将教为臣之道,固须天子身行者,案《礼运》曰:"故先王患 礼之不达于下也,故祭帝于郊。"谓郊祭之礼,册祝称臣,是亦以见天子以身率下之 义也。《诗》云:'恺悌君子,民之父母。'恺,乐也。悌,易也。义取君以 乐易之道化人,则为天下苍生之父母也。非至德,其孰能顺民如此其大 者乎!"【疏】"(诗)云"至"者乎"。 〇正义曰:夫子既述至德之教已毕,乃引 (大雅·泂酌)之诗以赞美之。恺,乐也。悌,易也。言乐易之君子,能顺民心而行 教化,乃为民之父母。若非至德之君,其谁能顺民心如此其广大者乎?孰,谁也。 案《礼记·表记》称:"子言之:'君子所谓仁者,其难乎? (诗)云:"凯弟<sup>②</sup> 君子,民之 父母。"凯以强教之,弟以说安之。使民有父之尊,有母之亲。如此而后可以为民 父母矣,非至德其孰能如此乎?"此章于"孰能"下加"顺民","如此"下加"其大" 者,与(表记)为异,其大意不殊。而皇侃以为并结(要道)、(至德)两章,或失经旨 也。刘炫以为(诗)美民之父母,证君之行教,未证至德之大,故于(诗)下别起叹 辞,所以异于余章,颇近之矣。 〇注"恺乐"至"母也"。 〇正义曰:"恺,乐"、 "悌,易"、〈释诂〉文。云"义取君以乐易之道化人,则为天下苍生之父母也"者,亦 言引(诗)大意如此。苍生、(尚书)文、谓天下黔首苍苍然、众多之貌也。孔安国以 为苍苍然生草木之处,今不取也。

#### 广扬名章第十四

【疏】正义曰:首章略言扬名之义而未审,而于此广之。故以名章,次《广<sup>③</sup> 至德》之后。

子曰:"君子之事亲孝,故忠可移于君;以孝事君则忠,事兄悌,故顺可移于长;以敬事长则顺。居家理,故治可移于官。君子所居则化,故可移于官也。是以行成于内,而名立于后世矣。"修上三德

① "君"原作"若",按阮校:"闽、监、毛本'若'作'君',是也。"据改。

② "凯弟",闽、监、毛本作"恺悌"。

③ "广"字原脱,按阮校:"'次'下脱'广至'二字。""至"字已补正,"广"字据补。

于内,名自传于后代。【疏】"子曰"至"世矣"。 ○正义曰:此夫子述〈广<sup>①</sup> 扬名〉之义。言君子之事亲能孝者,故资孝为忠,可移孝行以事君也。事兄能悌者,故资梯为顺,可移悌行以事长也。居家能理者,故资治为政,可移治<sup>②</sup> 绩以施于宫也。是以君子若<sup>③</sup> 能以此善行成之于内,则令名立于身没之后也。先儒以为"居家理"下阙一"故"字,御注加之。 ○注"以孝事君则忠"。 ○正义曰:此〈七<sup>③</sup> 章〉之文,义已见于上。 ○注"以敬事长则顺"。 ○正义曰:此依郑注也,亦〈士章〉之孝顺<sup>⑤</sup> 义同,已具上释。然人之行敬,则有轻有重,敬父敬君,则重也;敬兄敬长,则轻也。 ○注"君子"至"官也"。 ○正义曰:此依郑注也。〈论语〉云:"君子不器。"言无所不施。 ○注"移上"至"后代"。 ○正义曰:此依郑注也。〈记语〉云:"君子不器。"言无所不施。 ○注"移上"至"后代"。 ○正义曰:此依郑注也。三德,则上章云移孝以事于君,移悌以事于长,移理以施于官也。言此三德不失,则其令名常自传于后世。经云"立"而注为"传"者,立谓常有之名,传谓不绝之称。但能不绝,即是常有之行,故以传释立也。

### 谏争<sup>®</sup>章第十五

【疏】正义曰:此章言为臣子之道,若遇君父有失,皆谏争也。曾子问闻扬名已上之义,而问子从父之令。夫子以令有善恶,不可尽从,乃为述谏争之事,故以名章,次(扬名)之后。

曾子曰:"若夫慈爱恭敬,安亲扬名,则闻命矣。敢问子从父之令,可谓孝乎?"事父有隐无犯,又敬不违,故疑而问之。【疏】"曾子"至"孝乎"。 〇正义曰:前章以来,唯论爱敬及安亲之事,未说规谏之道。故又假曾子之问曰:若夫慈爱恭敬,安亲扬名,则已闻命矣。敢问子从父之教令,亦可谓之孝乎? 疑而问之,故称"乎"也。寻上所陈,唯言敬爱,未及慈恭。而曾子并言慈

① "述广"原作"广述",按阮校:"当作'述广'。"据乙。

② "治"原作"于",按阮校:"〈正误〉'于'作'治',是也。"据改。

② "若"原作"居",按阮校:"《正误》'居'作'若',是也。"据改。

④ "士"原作"一",按阮校:"〈正误〉'一'改'士',是也。"据改。

⑤ "孝顺"原作"敬悌",按阮校:"'敬俸'当作'孝顺'。"据改。

⑤ "争"原作"诤",按阮校:"石台本、唐石经、岳本作'争',今本(白虎通)引并作'诤',非。"据改。

恭已闻命矣者,皇侃以为"上陈爱敬,则包于慈恭矣。慈者孜孜,爱者念惜,恭者貌多心少,敬者心多貌少"。如侃之说,则慈、恭、爱、敬之别,何故云包慈恭也?或曰:慈者接下之别名,爱者奉上之通称。刘炫引〈礼记·内则〉,说子事父母,"慈以旨甘"。〈丧服四制〉云:"高宗慈良于丧。"〈庄子〉曰:"事亲则孝慈。"此并施于事上。夫爱出于内,慈为爱体;敬生于心,恭为敬貌。此经悉陈事亲之迹,宁有接下之文? 夫子据心而为言,所以唯称爱敬;曾参体貌而兼取,所以并举慈恭。如刘炫此言,则知慈是爱亲也,恭是敬亲也。安亲,则上章云"故生则亲安之",扬名,即上章云"扬名于后世"矣。经称"夫"有六焉,盖发言之端也。一曰"夫孝,始于事亲";二曰"夫孝,德之本";三曰"夫孝,天"之经";四曰"夫然,故生则亲安之";五曰"夫圣人之德"。此章云"若夫慈爱",并却明前理,而下有其趣,故言"夫"以起之。刘璥②曰:"夫犹凡也。" 〇注"事父"至"问之"。 ○正义曰:〈礼记·檀弓〉云"事亲有隐而无犯",以经云"从父之令",故注变亲为父。案〈论语〉云:"事父母幾谏,见志不从,又敬不违。"引此二文以成疑,疏证曾子有可问之端也。

子曰:"是何言与?是何言与<sup>®</sup>?有非而从,成父不义,理所不可,故再言之。昔者天子有争臣七人,虽无道,不失其天下。诸侯有争臣五人,虽无道,不失其国。大夫有争臣三人,虽无道,不失其家。降杀以两,尊卑之差。争谓谏也。言虽无道,为有争臣,则终不至失天下、亡家国也。士有争友,则身不离于令名。令,善也。益者三友。言受忠告,故不失其善名。父有争子,则身不陷于不义,父失则谏,故免陷于不义。故当不义,则子不可以不争于父,臣不可以不争于君。不免则非忠孝。故当不义则争之,从父之令,又焉得为孝乎?"【疏】"子曰"至"孝乎"。 ○正义曰:夫子以曾参所问,于理乖解,非 "谏争之义,因乃谓而答之,曰:汝之此问,是何言与? 再言之者,明其深不可也。既谓之后,乃为曾子说必须谏争之事,言臣之谏君,子之谏父,自古攸然。故言昔者天子,有谏争之臣七人,虽复无道,陈于政教,不至失于天下。言无道者,谓无道德。诸侯有谏争之臣五人,虽无道,亦不失其国也。大夫有谏争之臣三人,虽无道,亦不失

① "天"原作"人",按阮校:"'人'当作'天'。"据改。

② "璈"原作"献",按阮校:"闽、监、毛本'献'作'珷'。案作'献',避讳。"据改。

⑤ "与",郑注本作"欤"。

④ "非"原作"陈",按阮校:"〈正误〉'陈'作'非',是也。"据改。

于其家。士有谏争之友,则其身不离远于善名也。父有谏争之子,则身不陷于不 义。故君父有不义之事,凡为臣子者,不可以不谏争。以此之故,当不义则须谏 之。又结此以答曾子曰:今若每事从父之令,又焉得为孝乎? 言不得也。案曾子 唯问从父之令,不指当时而言。"昔者",皇侃云:"夫子述〈孝经〉之时,当周乱衰之 代,无此谏争之臣,故言昔者也。"不言"先王"而言"天子"者,诸称先王,皆指圣德 之主。此言"无道",所以不称先王也。 〇注"有非"至"不义"。 〇正义曰:言 父有非,子从而行,不谏,是成父之不义。云"理所不可,故再言之"者,义见于上。 ○注"降杀"至"国也"。 ○正义曰:《左传》云:"自上以下,降杀以两,礼也。"谓 天子尊,故七人;诸侯卑于天子,降两,故有五人;大夫卑于诸侯,降两,故有三人。 〈论语〉云:"信而后谏。"(左传)云:"伏死而争。"此盖谓极谏为争也。若随无道,人 夫、天子从可知也。不言国家,嫌如独指一国也。国则诸侯也,家则大夫也。注贵 省文,故曰家、国也。案孔、郑二注及先儒所传,并引(礼记・文王世子)以解七人之 义。案《文王世子记》曰:"虞、夏、商、周,有师保,有疑丞。设四辅及三公,不必备, 惟其人。"又《尚书大传》曰:"古者天子必有四邻,前曰疑、后曰丞、左曰辅、右曰弼, 天子有问无对,责之疑;可志而不志,责之丞;可正而不正,贵之辅;可扬而不扬,贵 之弼。其爵视卿,其禄视次国之君。"(大传)四邻则见② 之四辅,兼三公,以充七人 之数。诸侯五者,孔传指天子所命之孤,及三卿与上大夫。王肃指三卿、内史、外 史以充五人之数。大夫三者,孔传指家相、室老、侧室以充三人之数。王肃无侧 室,而谓邑宰。斯并以意解说,恐非经义。刘炫云:"案下文云'子不可以不争于 父,臣不可以不争于君',则为子为臣,皆当谏争,岂独大臣当争,小臣不争乎?岂 独长子当争其父,众子不争者乎? 若父有十子,皆得谏争。王之百辟,惟许七人, 是天子之佐乃少于匹夫也。又案《洛诰》云成王谓周公曰:'诞保文武受民,乱为四 辅。'(冏命)穆王命伯冏:'惟予一人无良,实赖左右前后有位之士匡其不及。'"据 此而言,则左右前后四辅之谓也。疑、丞、辅、弼,当指于诸臣,非是别立官也。谨 案:〈周礼〉不列疑、丞,〈周官〉历叙群司,〈顾命〉总名卿士③,〈左传〉云"龙师"、"鸟 纪"、《曲礼》云"五官"、"六大",无言疑、丞、辅、弼专掌谏争者。若使爵视于卿、禄 比次国、《周礼》何以不载?经传何以无文?且伏生《大传》以四辅解为四邻、孔注 (尚书)以四邻为前后左右之臣,而不为疑、丞、辅、弼,安得又采其说也?(左传)称

① "之",《正误》:"之"作"乏"。

② "见",《正误》:"见"作"记"。

③ "士"原作"七",按阮校:"监、毛本'七'作'士',案作'士'是也。"据改。

周辛甲<sup>①</sup> 之为太史也,命百官官箴王阙;师旷说匡谏之事,"史为书,瞽为诗,工诵 箴谏,大夫规诲,士传言。'官师相规,工执艺事以谏'"。此则凡在人臣,皆合谏 也。夫子宫天子有天下之广,七人则足以见谏争功之大,故举少以言之也。然父 有争子,士有争友,虽无定数,要一人为率。自下而上,稍增二人,则从上而下,当 如礼之降杀,故举七、五、三人也。刘炫之谠义杂合通途,何者?传载:忠宫比于药石,逆耳苦口,随要而施。若指不备之员以匡无道之主,欲求不失,其可得乎?先儒所论,今不取也。 ○注"令善"至"善名"。 ○正义曰:"令,善也",〈释诂〉文。云"益者三友",〈论语〉文,即"友直、友谅、友多闻,益矣"是也。云"宫受忠告,故不失其善名"者,〈论语〉云:"子贡问友,子曰:'忠告而善道之。'"言善名为受忠告而后成也。大夫以上皆云"不失",士独云"不离",不离,即不失也。 ○注"父失"至"不义"。 ○正义曰:此依郑注也。案〈内则〉云:"父母有过,下气恰色,柔声以谏。谏若不人,起敬起孝,说则复谏。"〈曲礼〉曰:"子之事亲也,三谏而不听,则号泣而随之。"言父有非,故须谏之以正道,庶免陷于不义也。

① "辛甲"原作"主申父",按阮校:"毛本'父'作'甫',案'主申父'当作'辛甲'。"据 改。

# 孝经注硫卷第八

### 应感"章第十六

【疏】正义曰:此章言天地明察,神明彰矣。又云:孝悌之至②,通于神明,皆是应感之事也。前章论谏争之事,言人主若从谏争之善,必能修身慎行,致应感之福。故以名章,次于〈谏争〉之后。

子曰:"昔者明王事父孝,故事天明;事母孝,故事地察。王者父事天,母事地,言能敬<sup>②</sup> 事宗庙,则事天地能明察也。长幼顺,故上下治。君能尊诸父,先诸兄,则长幼之道顺,君人之化理。天地明察,神明彰<sup>②</sup> 矣。事天地能明察,则神感至诚<sup>⑤</sup>而降福佑,故曰彰也。【疏】"子曰昔者明王"至"神明彰矣"。 ○正义曰:此章夫子述明王以孝事父母,能致应感之事。言昔者明圣之王,事父能孝,故事天能明,言能明天之道,故〈易·说卦〉云:"乾为天为父。"此言事父孝,故能事天明,是事父之孝通天也<sup>⑥</sup>。事母能孝,故事地能察,言能察地之理,故〈说卦〉云:"坤为地为母。"此言事母孝,故事地察,则是事母之道通于地也。明王又于宗族长幼之中,皆顺于礼,则凡在上下之人,皆自化也。又明王之事天地既能明察,必致福应,则神明之功彰见。谓阴阳和,风雨时,人无疾厉,天下安宁也。经称"明王"者二篇:一曰"昔者明王之以孝治天下也",二即此章言"昔者明王事父孝",俱是圣明之义,与先王为一也。言先王,示及远也;言明王,示聪明

① "应感"原作"感应",按阮校:"石台本、唐石经、岳本作'应感',今本作'感应', 依郑注本改。"据乙,下同。

② "至"原作"事",按阮校:"案'事'当作'至'。"据改。

③ "敬"原作"致",按阮校:"石台本、岳本、闽、监、毛本'致'作'敬',不误。"据改。

④ "彰",郑注本作"章"。

⑤ "诚",阮校:"毛本作'诚',是也。"

⑥ "事父之孝通天也",《正误》"通"下补"于"字。阮校:"案下文作'事母之道',此作'之孝',必有一误。"

○注"王者"至"察也"。 ○正义曰:云"王者父事天,母事地"者,此依王注 也。 义也。案《白虎通》云:"王者父天母地。"此言事者,谓移事父母之孝以事天地也。 云"言能敬事宗庙,则事天地能明察也"者,谓蒸<sup>①</sup>尝以时,疏数合礼,是敬事宗庙 也。既能敬宗庙,则不违犯天地之时。若《祭义》曾子曰:"树木以时伐焉,禽兽以 时杀焉。"夫子曰:"断一树,杀一兽,不以其时,非孝也。"又《王制》曰:"獭祭鱼,然 后虞人人泽梁;豺祭兽,然后田猎;鸠化为鹰,然后设爵罗;草木零落,然后人山林: 昆虫未蛰,不以火田。"此则令无大小,皆顺天地,是事天地能明察也。 ()注"君 能"至"化理"。 〇正义曰:此言明王能顺长幼之道,则臣下化之而自理也,谓放 效于君。(书)曰:"违上所命,从厥攸好。"是效之也。 ○注"事天"至"彰也"。 ○正义曰:诚,和也。言事天地若能明察,则神祇感其至和,而②降福应以祐助之。 是神明之功彰见也。〈书〉云:"至诚感神。"又〈瑞应图〉曰:"圣人能顺天地,则天降 青露,地出醴泉。"《诗》云;"降福穰穣。"《易》曰:"自天祐③之,吉无不利。"注约诸 文以释之也。案此则"神感至诚",当为"至诚",今定本作"至诚",字之误也。 故 虽天子,必有尊也,言有父也;必有先也,言有兄也。父谓诸父,兄 谓诸兄,皆祖考之胤也。礼:君宴族人,与父兄齿也。宗庙致敬,不忘亲也。 言能敬事宗庙,则不敢忘其亲也。修身慎行,恐辱先也。天子虽无上于天 下,犹修持其身,谨慎其行,恐辱先祖而毁盛业也。 宗 庙 致 敬,鬼 神 著 矣。 事宗庙能尽敬,则祖考来格,享 于克诚,故曰著也。孝悌之至,通于神明, 光于四海,无所不通。能数宗庙,顺长幼,以极孝悌之心,则至性通于神明, 光于四海<sup>⑤</sup>,故曰"无所不通"。 【疏】"故虽"至"不通"。 〇正义曰;故者,连上 起下之辞。以上文云事父孝,又云事母孝,又云长幼顺,所以于此述尊父先兄之 义,以及致敬与修身之道,兼言鬼神之著,孝悌之至,无所不通也。言王者虽贵为 天子,于天下宗族之中,必有所尊之者,谓天子有诸父也;必有所先之者,谓天子有

① "蒸",浦镗云:"'蒸'当作'烝'。"

② "而"原作"不",按阮校:"闽、监、毛本'不'作'而',是也。"据改。

③ "祐",毛本作"佑",误。

④ "享",石台本作"亨"。

⑤ "光于四海",阮校:《大戴记·曾子大孝》云:"衡之而横于四海。""光",古本亦必作"横"。案戴震云"横转为桄,误脱为光",又云"光被四表,古本必有作'横被四表'者"。其说甚详,独未及此经。

诸兄也。宗庙致敬,是不忘其亲;修身慎行,是不辱其祖考。故能致敬于宗庙,则 鬼神明著而歆享之。是明王有孝悌之至性,感通神明,则能光于四海,无所不通。 然谏争兼有诸侯大夫,此章唯称王者,言王能致应感,则诸侯已下,亦当自勉勖也。 ○注"父谓"至"齿也"。 ○正义曰:云"父谓诸父,兄谓诸兄"者,父之昆弟曰伯 父、叔父,己之昆曰兄,其属非一,故言诸也。(诗)曰"以速诸父",又曰"复我诸兄" 是也。云"皆祖考之胤也"者,案《曲礼》曰:"父死曰考。"言父以上,通谓之祖考。 胤,嗣也。谓其庙未毁,其胤皆是王者之族亲也。云"礼;君宴族人,与父兄齿也" 者,此依孔传也。案(诗序·角弓):"父兄刺幽王,盖谓君之诸父诸兄也。"古者天子 祭毕,同姓则留之,谓与族人宴。故〈楚茨 $^{\circ}$ 〉诗曰:"诸父兄弟,备言燕私。"郑〈笺〉 云:"祭毕,归宾客之俎,同姓则留与之燕。"是天子宴族人也。又(礼记·文王世子) 云:"若公与族燕,则异姓为宾,膳宰为主人。公与父兄齿。"则知燕族人亦以尊卑 为列,齿于父兄之下也。 ○注"言能"至"亲也"。 ○正义曰:案(礼记·文王世) 子)称"五庙之孙,祖庙未毁,虽为庶人,冠、取妻必告,死必赴",是不忘亲也。(礼 记·大传》称"其不可得变革者则有矣:亲亲也,尊尊也,长长也"。亲亲故尊祖,尊 祖故敬宗,敬宗故收族,收族故宗庙严,言君致敬宗庙,则不敢忘其亲也。 "天子"至"业也"。 ○正义曰:云"天子虽无上于天下"者,此依王<sup>②</sup> 注也。(礼・ 坊记》云:"天无二日,土无二王,家无二主,尊无二上",谓普天之下,天子至尊也。 云"犹修持其身、谨慎其行、恐辱先祖而毁盛业也"者、案(礼记·祭义)云、父母既 没,没慎行不辱先也。盛业,谓先祖积德累功,而有天下之业。上言"必有先也", 先,兄也。此言"恐辱先"也,是先祖也。 〇注"事宗"至"著也"。 〇正义曰:云 "祖考来格"者、《尚书·益稷》文。格、至也。言事宗庙能恭敬、则祖考之神来格。 〈诗〉曰:"神保是格,报以景福。"亦是言神之至。云"享于克诚,故曰著也"者,"享 于克诚",《尚书·太甲篇》文。孔传云:"言鬼神不保一人,能诚信者,则享其祀。"则 "祖考来格"、"享于克诚",皆昭著之义。上言宗庙致敬,谓天子尊诸父,先诸兄,致 敬祖考,不敢忘其亲也。此言宗庙致敬,述天子致敬宗庙能感鬼神。虽同称致敬, 而各有所属也。旧注以为事生者易,事死者难,圣人慎之,故重其文。今不取也。 上言神明谓天地之神也,此言鬼神谓祖考之神。 (易)曰:"阴阳不测之谓神。"先儒 释云:"若就三才相对,则天曰神,地曰祇,人曰鬼。"言天道玄远难可测,故曰神也。 祇者知也,言地去人近,长育可知,故曰祇也。鬼者归也,言人生于无,还归于无,

① "楚茨"原作"其",阮校;"浦镗云;'其'当作'楚茨'。"按:依文意,作"楚茨"为宜,据改。

② "王"原作"正",按阮校:"闽、监、毛本'正'作'王',是也。"据改。

故曰鬼也,亦谓之神。案《五帝德》云"黄帝死,而民畏其神百年"是也。上言神明,尊天地也。此言鬼神,尊祖考也。 ○注"能敬"至"不通"。 ○正义曰:"能敬宗庙,顺长幼,以极孝悌之心"者,敬宗庙为孝,顺长幼为悌。此极孝悌之心也。云"则至性通于神明,光于四海"者,言 至性如此,则通于神明,光于四海。《诗》云:'自西自东,自南自北,无思不服。'"义取德教流行,莫不服义从化也。 【疏】"诗云"至"不服"。 ○正义曰:夫子述孝悌之事、应感之美既毕,乃引〈大雅·文王有声〉之诗以赞美之。自,从也。言从近及远,至于四方,皆感德化,无有思而不服之者,以明"无所不通"。《诗》 云:"镐京辟雍,自西自东,自南自北,无思不服。"此则"雍""东"、"北""服"对句为韵。而皇侃云:"先言西者,此是周诗,谓化从西起,所以文王为西伯,又为西邻,自西而东灭纣。"恐非其义也。 ○注"义取"至"化也"。 ○正义曰:此依郑注也。德化流行,则无不通。服义从化,即"无思不服",言服明王之义,从明王之化也。

### 事君章第十七

【疏】正义曰:此章首言君子之事上,又言进思尽忠,退思补过,皆是事君之道。孔子曰:"天下有道则见,无道则隐。"前章言明王之德、应感之美,天下从化,无思不服。此孝子升朝事君之时也,故以名章,次《应感③》之后。

子曰:"君子之事上也,上,谓君也。进思尽忠,进见于君,则思尽忠节。退思补过,君有过失,则思补益。将顺其美,将,行也。君有美善,则顺而行之。匡救其恶,匡,正也。救,止也。君有过恶,则正而止之。故上下能相亲也。下以忠事上,上以义接下。君臣同德,故能相亲。【疏】"子曰"至"亲也"。 〇正义曰:此明贤人君子之事君也。言人朝进见,与谋虑国事,则思尽其忠节。若退朝而归,常念己之职事,则思补君之过失。其于政化,则当顺行君之

① "者言"原作"故曰",阮校:"浦镗云:'故曰'当'者言'二字之误。"按:依文意,作"者言"分鳳上、下句读为宜,据改。

② "诗"后原有"本文"二字,阮校:"浦镗云:'本文'二字衍文。"按:依文意,无"本文"二字为宜,据删。

③ "应感",《正误》作"感应",误。

美道,止正君之过恶。如此则能君臣上下情志通协,能相亲也。经称"君子"有七 爲:一曰"君子不贵",二曰"君子则不然",三曰"淑人君子",四曰"君子之教以孝", 五曰"恺悌君子"。已上皆断章指于圣人君子,谓居君位而子下人也。六曰"君子 之事亲孝",故此章"君子之事上",则皆指于贤人君子也。 ○注"上,谓君也"。 ○正义曰:此对《论语》云:"孝悌而好犯上者鲜矣。"彼"上"谓凡在己上者,此 "上"惟指君,故云"上,谓君也"。 〇注"进见"至"忠节"。 〇正义曰:此依韦注 也。《说文》云:"忠,敬也。"尽心曰忠。《字诂》曰:"忠,直也。"《论语》曰:"臣事君以 忠。"则忠者善事君之名也。节,操也。言事君者敬其职事,直其操行,尽其忠诚 也。言臣常思尽其节操,能致身授命也。 〇注"君有"至"补益"。 〇正义曰: 案旧注韦昭云"退归私室,则思补其身过",以《礼记·少仪》曰:"朝廷曰退,燕游曰 归。"(左传)引(诗)曰:"退食自公。"杜预注:"臣自公门而退入私门,无不顺礼。"室 犹家也。谓退朝理公事毕,而还家之时,则当思虑以补身之过。故(国语)曰:"士 朝而受业,昼而讲贯,夕而习复,夜而计过,无憾而后即安。"言若有憾则不能安,是 思自补也。案《左传》:"晋荀林父为楚所败,妇,请死于晋侯。晋侯许之,士渥浊谏 曰:'林父之事君也,进思尽忠,退思补过。'晋侯赦之,使复其位。"是其义也。文意 正与此同,故注依此传文而释之。今云君有过则思补益,出《制旨》也,义取《诗·大 雅·烝民》云:"衮职有阙,惟仲山甫补之。"毛传云:"有衮冕者,君之上服也。仲山 甫补之,善补过也。"郑笺云:"衮职者,不敢斥王言也。王之职有阙①,辄能补之者, 仲山甫也。"此理为胜,故易旧也。 〇注"将行"至"行之"。 〇正义曰:此依王 注也。案孔注(尚书·太<sup>②</sup> 暂)云:"肃将天威,为敬行天罚。"是"将"训为"行"也。 言君施政教有美,则当顺而行之。 ○注"匡,正也。救,止也"。 ○正义曰:此 依王注也。"匡,正"、〈释言③〉文也。马融注〈论语〉云:"救犹止也。"云"君有过恶、 则正而止之"者,《尚书》云"予违汝弼,汝无面从"是也。 〇注"下以"至"相亲"。 ○正义曰:此依魏注也。〈书〉曰:"居上克明,为下克忠。"是其义也。〈左传〉曰: "君义臣行,如此则能相亲也。"《诗》云:'心乎爱矣,遐不谓矣。中心 藏之,何日忘之?'"遐,远也。义取臣心爱君,虽离左右,不谓为远。爱君之 志,恒藏心中,无日暂忘也。 【疏】"诗云"至"忘之"。 〇正义曰:夫子述事君之 道既已,乃引(小雅·隰桑)之诗以结之。言忠臣事君,虽复有时离远,不在君之左

① "阙"原作"缺",按阮校:"监、毛本'缺'作'阙',是也。"据改。

② "太", 阒、监、毛本作"泰"。

③ "言"原作"诂",按阮校:"'诂'当作'言'。"据改,下同。

右,然其心之爱君,不谓为远;中心常藏事君之道,何日暂忘之? 〇注"遐远"至 "忘也"。 〇正义曰:云"遐,远也。义取臣心爱君,虽离左右,不谓为远"者,"遐,远也",〈释言〉文,此释"心乎爱矣,遐不谓矣"。云"爱君之志,恒藏心中,无日暂忘也"者,释"中心藏之,何日忘之"。案〈檀弓〉说事君之礼云:"左右就养有方。"此则臣之事君,有常在左右之义也。若周公出征,管叔、蔡叔、召公听讼于甘棠,是离左右也。

# 孝经注硫卷第九

#### 丧亲章第十八

【疏】正义曰:此章首云"孝子之丧亲也",故章中皆论丧亲之事。丧,亡也,失也。父母之亡没,谓之丧亲。言孝子亡失其亲也,故以名章,结之于末矣。

子曰:"孝子之丧亲也,生事已毕,死事未见,故发此章<sup>①</sup>。哭不懷<sup>②</sup>,气竭而息,声不委曲。礼无容,触地无容。言不文,不为文饰。服美不安,不安美饰,故服缭<sup>③</sup>麻,闻乐不乐,悲哀在心,故不乐也。食旨不甘:旨,美也。不甘美味,故蔬食水饮。此哀 戚之情 也。谓上六句。三日而食,教民无以死伤生,毁不灭性:此圣人之政也。不食三日,哀毁过情,灭性而死,皆亏孝道,故圣人制礼施教,不令至于强灭。丧不过三年,示民有终也。三年之丧,天下达礼,使不肖企及,贤者俯从。夫孝子有终身之忧,圣人以三年为制者,使人知有终竟之限也。【疏】"子曰"至"终也"。 ○正义曰:此夫子述丧亲之义,言孝子之丧亲,哭以气竭而止,不有余僚之声;举措进退之礼,无趋翔之容;有事应言,则言不为文饰;服美不以为安;闻乐不以为乐;假食美味不以为甘:此上六事,皆哀戚之情也。"三日而食"者,圣人设教,无以亲死多日不食伤及生人;虽即毁瘠,不令至于强灭性命;此圣人所制丧礼之政也。又服丧不过三年,示民有终毕之限<sup>③</sup>也。 ○注"生事"至"此章"。 ○正义曰:此依郑注也。生事谓上十七章说。生事之礼已毕,其死事经则未见,故又发此章以言也。

① "章"原作"事",按阮校:"石台本、岳本'事'作'章',此本作'事',非。"据改。下正义所引同。

③ "缞",(释文)云:"'缞'字或作'衰'。"

④ "限"原作"终",按阮校:"闽、监、毛本下'终'字作'限',不误。"据改。

○注"气竭"至"委曲"。 ○正义曰:此依郑注也。《礼记·间传》曰:"斩衰之哭, 若往而不反。齐衰之哭,若往而反。"此注据斩衰而言之,是气竭而后止息。又曰: "大功之哭,三曲而僚。"郑注云:"三曲,一举声而三折也。偯,声余从容也。"是僚 为声余委曲也。斩衰则不侵,故云"声不委曲也"。 ○注"触地无容"。 曰:此(礼记·问丧)之文也。以其悲哀在心,故形变于外,所以稽颡触地无容,哀之 ○注"不为文饰"。 ○正义曰:案(丧服四制)云:"三年之丧,君不言。" 又云:"不言而事,行<sup>①</sup> 者扶而起;言而后事,行者杖而起。"郑玄云:"扶而起,谓天 子诸侯也。杖而起,谓大夫士也。"今此经云"宫不文",则是谓臣下也。虽则有言, 志在哀戚,不为文饰也。 〇注"不安"至"缞麻"。 〇正义曰:案《论语》孔子责 宰我,云:"食夫稻,衣夫锦,于汝安乎?"美饰谓锦绣之类也。故(礼记·问丧)云"身 不安美"是也。孝子丧亲,心如斩截,为其不安美饰,故圣人制礼,令服缞麻。缞当 以 知布长六寸,广四寸。麻谓 歷经首绖俱以麻为之。缞之言推也,绖之言实 也。孝子服之,明其心实摧痛也。韦昭引《书》云:"成王既崩,康王冕服即位。既 事毕,反丧服。"据此则天子诸侯,但定位 可丧,是皆服美,故宜不安也。 "悲哀"至"乐也"。 〇正义曰:此依郑注也。言至痛中发,悲哀在心,虽闻乐声, 不为乐也。 ○注"旨美"至"水饮"。 ○正义曰:"旨,美",经传常训也。严植之 曰:"美食,人之所甘。孝子不以为甘,故(问丧)云'口不甘昧',是不甘美昧也。 (间传)曰'父母之丧既殡,食粥。既虞、卒哭,疏食水饮,不食菜果',是疏食水饮 也。韦昭引(曲礼)云。'有疾则饮酒食肉、是为食旨。'故宜不甘也。" 〇注"不食" 至"殒灭"。 〇正义曰:经云"三日而食,毁不灭性",注言不食三日,即三日不食 也。云"哀毁过情"者,是毁瘠过度也。言三日不食,及毁瘠过度,因此二者有致危 亡,皆亏孝行之道。(礼记·问丧)云,"亲始死,伤肾干肝焦肺,水浆不入口三日。" 又《间传》称:"斩衰三日不食。"此云三日而食者何?刘炫宫三日之后乃食,皆谓满 三日则食也。云"故圣人制礼施教、不令至于殒灭"者、〈曲礼〉云:"居丧之礼、毁瘠 不形。"又曰:"不胜丧,乃比于不慈不孝。"是也。 ○注"三年"至"限也"。 ○正 义曰:云"三年之丧天下达礼"者,此依郑注也。(礼记·三年问)云:"夫三年之丧, 天下之达丧也。"郑玄云:"达谓自天子至于庶人。"注与彼同,唯改丧为礼耳。云

① "事行",闽、监、毛本作"行事",误。

② "缓当以"原作"当心",按阮校:"监、毛本'心'作'以',是也。正义'当'上补'飨'字,是也。"据补、改。

③ "调"原作"为",按阮校:"《正误》云'为'当'谓'字误,是也。"据改。

m "定位"原作"位定"、按院校:"阃、监、毛本作'定位',是也。"据乙。

"使不肖企及,贤者俯从"者,案《丧服四制》曰:"此丧之所以三年,贤者不得过,不 肖者不得不及。"〈檀弓〉曰:"先王制礼也,过之者,俯而就之;不至焉者,跂而及之" 也。注引彼二文,欲举中为节也。起踵曰企,俛首曰俯。云"夫孝子有终身之忧, 圣人以三年为制"者,圣人虽以三年为文,其实二十五月而毕。故《三年问》云:"将 由夫 $^{U}$ 修饰之君子与?则三年之丧,二十五月而毕,若驷之过隙,然而遂之,则是 无穷也。故先王禹为之立中制节,壹使足以成文理则释之矣。"是也。《丧服四制》 曰,"始死、三日不怠、三月不解、期悲哀、三年忧、恩之杀也。"故孔子云:"子生三 年,然后免于父母之怀。夫三年之丧,天下之达②丧也。"所以丧必三年为制也。 为之棺椁衣衾而举之,周尸为棺,周棺为椁。衣,谓敛衣。衾,被也。举,谓 举尸内于植也。 陈其簠簋而哀戚之,簠簋,祭器也。陈奠素器而不见亲,故 哀戚也。擗踊哭泣,哀以送之。男踊女擗,祖裁送之。卜其宅兆,而 安措之。宅,墓穴也。兆,茔域也。葬事大,故卜之。为之宗庙,以鬼享⑤ 之;立庙祔祖之后,则以鬼礼享之。春秋祭祀,以时思之。寒暑变移,益用 增感,以时祭祀,展其孝思也。 【疏】"为之"至"思之"。 〇正义曰:此言送终之 衾而举尸内于棺中也。陈设簠簋之奠,而加哀戚。葬则男踊女擗,哭泣哀号以送 之。亲既长依丘垄,故卜选宅兆之地而安置之。既葬之后,则为宗庙,以鬼神之礼 享之。三年之后,感念于亲,春秋祭祀,以时思之也。 ○注"周尸"至"棺也"。 ○正义曰:云"周尸为棺, 周棺为椁"者, 此依郑注也。 〈檀弓〉称:"葬也者, 藏也。 藏也者,欲人之弗得见也。是故衣足以饰身,棺周于衣,椁周于棺,土周于椁。"注 约彼文,故宫周尸为棺,周棺为椁也。(白虎通)云:"棺之言完,宜完密也。椁之言 廊,谓开廊不使土侵棺也。"(易·系辞)曰:"古之葬者,厚衣之以薪,葬之中野,不封 不树,丧期无数。后世圣人易之以棺椁。"案《礼记》云:"有虞氏瓦棺。夏后氏堲 周。殷人棺椁。周人墙置要。"则虞夏之时,棺椁之初也。云"衣,谓敛衣。衾,被 也。举、谓举尸内于棺也"者,此依孔传也。衣谓袭与大小敛之衣也。衾谓单被覆 尸,荐尸所用。从初死至大敛,凡三度加衣也。一是袭也,谓沐尸竟,著衣也,天子 十二称,公九称,诸侯七称,大夫五称,士三称,袭皆有袍,袍之上又有衣一通,朝祭 之服、谓之一称。二是小敛之衣也,天子至士,皆十九称,不复用袍,衣皆有絮也。

① "由夫"原作"申天",按阮校:"闽、监、毛本'申天'作'由夫',是也。"据改。

② "达",今本(论语)作"通"。

③ "享", 石台本作"亨"。

三是大敛也, 天子百二十称, 公九十称, 诸侯七十称, 大夫五十称, 士三十称, 农皆 禅祫也。(丧大记)云:"布 鈐二衾,君大夫士一也。"郑玄云:"二衾者,或覆之,或荐 之,是举尸所用也。"棺椁之数,贵贱不同。皇侃据〈檀弓〉以天子之棺四重,谓水、 兕革棺、杝棺一, 梓棺二。最在内者水牛皮, 次外兕牛皮, 各厚三寸为一重, 合厚六 寸。又有杝棺,厚四寸,谓之椑棺,言漆之椑榫 $^{\odot}$  然。前三物为二重,合一尺。外 又有梓棺,厚六寸,谓之属棺,言连属内外。就前四物为三重,合厚一尺六寸。外 又有梓棺,厚八寸,谓之大棺,弯其最大,在众棺之外。就前五物为四重,合厚二尺 四寸也。上公去水牛皮,则三重,合厚二尺一寸也。侯、伯、子、男又去兕牛皮,则 二重,合厚一尺八寸。上大夫又去椑棺,一重,合厚一尺四寸。下大夫亦一重,但 属四寸,大棺六寸,合厚一尺。士不重,无属,唯大棺六寸。庶人即棺四寸。案(檀 弓》云:"柏椁以端,长六尺。"又(丧大记)曰:"君松椁,大夫柏椁,士杂木椁。"是也。 ○注"簠簋"至"戚也"。 ○正义曰:"簠簋,祭器也"者,《周礼·舍人职》云:"凡 祭祀供簠簋,实之陈之。"是簠簋为祭②器也。故郑玄云:"方曰簠,圆曰簋,盛黍稷 稻粱 器。"云"陈莫素器而不见亲,故哀戚也"者,下《檀弓》云:"莫以素器,以生者 有哀素之心也。"又案陈簠簋在衣衾之下,哀以送之。上旧说以为大敛祭是不见 亲,故哀戚也。 〇注"男踊"至"送之"。 〇正义曰:案(问丧)云:"在床曰尸,在 棺曰柩。动尸举柩,哭踊无数。恻怛之心,痛疾之意,悲哀志懑气盛,故祖 而踊 之。妇人不宜袒,故发胸、击心、爵踊,殷殷田田,如坏墙然。"则是女质不宜极踊, 故以擗言之。据此女既有踊,则男亦有擗,是互文也。云"祖载送之"者,案(既夕 礼》: 柩车迁祖, 质明设迁祖奠, 日侧彻之, "乃载"。郑注云: "乃举柩却下而载之。" 又云:商祝饰柩,及陈器讫,"乃祖"。注云:"还柩乡外,为行始。"又〈檀弓〉云:"曾 子吊于负夏,主人既祖。"郑云:"祖谓移柩车去载处,为行始。"然则祖,始也。以生 人将行而饮酒臼祖,故柩车既载而设奠谓之祖奠。是"祖载送之"之义也。 〇注 "宅墓"至"卜之"。 〇正义曰:云"宅,墓穴也。兆,茔域也"者,此依孔传也。案 (士丧礼)"筮宅",郑云:"宅,葬居也。"(诗)云:"临其穴,惴惴其栗。"郑云:"穴谓冢 圹中也。"故云"宅,墓穴也"。案〈周礼·冢人〉:"掌公墓之地,辨其兆域。"则兆是茔

① "椑棹",监、毛本作"躄馕"。

② "祭"字原无,阮校:"《正误》'为'下补'祭'字。"按:依文意,有"祭"字为宜,据补。

③ "粱"原作"粱",按阮校:"监、毛本'粱'作'粱',是也。"据改。

④ "袒"原作"祖",按阮校:"闽、监、毛本'祖'作'袒',是也。"据改。后"妇人不宜 袒"字同。

域也。云"葬事大,故卜之"者,此依郑注也。孔安国云:"恐其下有伏石,涌水泉, 复为市朝之地,故卜之。"是也。 〇注"立庙"至"享之"。 〇正义曰:立庙者,即 《礼记·祭法》天子至士皆有宗庙,云"王立七庙,曰考庙、曰王考庙、曰皇考庙、曰显 考庙、曰祖考庙,皆月祭之。远庙为桃,有二桃,享尝乃止。诸侯立 $^{\odot}$  五庙,曰考 庙、臼王考庙、臼皇考庙,皆月祭之。显考庙、祖考庙,享尝乃止。大夫立三庙,曰 考庙、曰王考庙、曰皇考庙,享尝乃止。適士二庙,曰考庙、曰王考庙,享尝乃止。 官师一庙曰考庙。庶人无庙"。斯则立宗庙者,为能终于事亲也。旧解云:宗,尊 也;庙,貌也,言祭宗庙,见先祖之尊貌也。故《祭义》曰:"祭之日,入室,侵然必有 之于祖也。〈檀弓〉曰:"卒哭曰'成事'。是日也,以吉祭易丧祭。明日,祔 迎祖父。" 则是卒哭之明日而祔,未卒哭之前皆丧祭也。既祔之后,则以鬼礼享之。然宗庙 谓士以上,则春秋祭祀兼于庶人也。 〇注"寒暑"至"思也"。 〇正义曰:案《祭 义》云:"霜露既降,君子履之,必有凄怆之心,非其寒之谓也。春,雨露既湍,君子 履之,必有怵惕之心,如将见之。"是也。生事爱敬,死事哀戚,生民之本 尽矣,死生之义备矣,孝子之事亲终矣。"爱敬哀戚,孝行之始终也。 备陈死生之义,以尽孝子之情。 【疏】"生事"至"终矣"。 〇正义曰:此合结生 死之义。言亲生则孝子事之,尽于爱敬;亲死则孝子事之,尽于哀戚。生民之宗本 尽矣,死生 ② 之义理备矣,孝子之事亲终矣。言十八章,具载有此义。 〇注"爱 敬"至"之情"。 ○正义曰:云"爱敬哀戚,孝行之始终⑤ 也"者,爱敬是孝行之始 也,哀戚是孝行之终也。云"备陈死生之义,以尽孝子之情"者,言孝子之情无所不 尽也。

① "立"字原无,按阮校:"(正误)'五'上补'立'字,是也。"据补。

② "户",(正误)云:"下脱'肃然必有闻乎其容声出户而听'十三字。"

③ "祔", 《正误》: "'祔'下补'于'字。"

④ "生"字原无,按阮校:"《正误》'之'上补'生'字,是也。"据补。

⑤ "始终"原作"终始",按阮校:"案当作'始终'。"据乙。